

ԼՈՒՄԱՅ

ԴՐԱԿԱՆ ՀԱՆԴԻՍԻ

1896 թ.

Բ. ԳՐԳԻ

ՅԱԻԵԼՈՒԱԾ

ԼԻՆՀԱՐԴ ԵՒ ԳԵՐՏՐՈՒԴ

ՎԷՊ ՊԵՍՏԱԼՈՅՑՈՒ



TABLE

1891	10
1892	15
1893	20
1894	25
1895	30
1896	35
1897	40
1898	45
1899	50
1900	55
1901	60
1902	65
1903	70
1904	75
1905	80
1906	85
1907	90
1908	95
1909	100
1910	105
1911	110
1912	115
1913	120
1914	125
1915	130
1916	135
1917	140
1918	145
1919	150
1920	155
1921	160
1922	165
1923	170
1924	175
1925	180
1926	185
1927	190
1928	195
1929	200
1930	205
1931	210
1932	215
1933	220
1934	225
1935	230
1936	235
1937	240
1938	245
1939	250
1940	255
1941	260
1942	265
1943	270
1944	275
1945	280
1946	285
1947	290
1948	295
1949	300
1950	305
1951	310
1952	315
1953	320
1954	325
1955	330
1956	335
1957	340
1958	345
1959	350
1960	355
1961	360
1962	365
1963	370
1964	375
1965	380
1966	385
1967	390
1968	395
1969	400
1970	405
1971	410
1972	415
1973	420
1974	425
1975	430
1976	435
1977	440
1978	445
1979	450
1980	455
1981	460
1982	465
1983	470
1984	475
1985	480
1986	485
1987	490
1988	495
1989	500
1990	505
1991	510
1992	515
1993	520
1994	525
1995	530
1996	535
1997	540
1998	545
1999	550
2000	555

Հայ ժողովրդի մտաւոր և բարոյական զարգացման նըպաստող անհրաժեշտ միջոցներից մէկն է նաև *քարոյական* եւ *մարդասիրական* գաղափարներ պարունակող գրքերի ընթերցանութիւնը:

Այս տեսակ գրքերից է հանձարեղ Պետալոցցու «*Լինհարդ եւ Գերտրուդ*» աշխարհահռչակ դասական գրուածքը, որի ձևատիւն մեծ մանկավարժը գրոշմել է՝ «*մի գիրք ժողովրդի համար*» —, ein Buch für das Volk:

Այս վէպը լոյս տեսաւ 1781 թ., պատճառ եղաւ Պետալոցցու հռչակին և կարճ միջոցում թարգմանուեցաւ ու հրատարակուեցաւ բոլոր Եւրոպական լեզուներով:

Գիւղական կեանքից վերցրած այս վէպի մէջ գլխաւոր հերոսն է *Գերտրուդը*՝ բարեսիրտ և թուլաբարոյ Լինհարդ որմնագրի կինը: Ընտանեկան դաստիարակութեան և մայրական պարտաւորութեանց իդէալը Պետալոցցին մարմնացրել է *Գերտրուդի* անձնաւորութեամբ:

Այն երկի մէջ Պետալոցցին ներկայացնում է նաև մի ամբողջ ծրագիր գիւղական ժողովրդի տնտեսական զրոլթեան քարտուղման: Գերտրուդի տնարարութիւնն է առաջարկում նա բոլորին՝ իբրև օրինակելի և այդպիսի դաստիարակութիւն է ցանկանում իր ժողովրդի համար. նոյն իսկ գիւղական դպրոց հիմնարկելիս Գերտրուդի խորհուրդն են հարցնում: Գերտրուդի ընտանեկան դաստիարակութիւնն այդ գրուածքի մէջ նկարագրուած հանգամանքների նպաստաւոր կողմն է. դրա դէմ կանգնած է իր զգուելի կողմերով վերին աստիճանի ապականուած գիւղական համայնքը:

Պետալոցցին գիւղի բարեացակամ տէր և իշխան Արնէրի ձեւքով ծրագիրներ է մշակում այդ անպականութեան

առաջն առնելու: Մանրամասն նկարագրում է նոյնպէս գիւղացիների յարաբերութիւնը դէպ իրենց տանուտէրն ու կալուածատէրը: Գինետուն պահող և խարդախ նպատակներ ծառայող տանուտէրի տիպը շատ նման է մեր գիւղերի սովորական «քեօխուա»-ների, «գօլօվին»-ների, «սուդեա»-ների, «գզիր»-ների և «միկիտան Սաքօ»-ների պէս անձնաւորութեանց. իսկ երիտասարդ և համակրելի կալուածատիրոջ վարմունքը կարող է բարի օրինակ լինել մեր գաւառական «աղա»-ների համար:

«Լինհարդ և Գերտրուդի հրատարակութիւնը, ասում է ինքը Պեստալոցցին, ընդհանուր և մեծ հետաքրքրութիւն առաջացրեց թէ իմ հայրենիքում—Չուիցերիայում— և թէ Գերմանիայում. շուտով բոլոր թերթերն ու ժամանակագրութիւններն սկսեցին գովաբանել այդ երկը. բայց ինձ համար անսպասելին այն էր, որ Բերն բաղաբի տնտեսական ընկերութիւնն այդ գրքի լոյս տեսնելուց անմիջապէս յետոյ՝ շնորհակալութեան թուղթ գրեց ինձ և պարգևեց ընկերութեան ոսկեայ մեծ շքադրամը...» (Պեստալոցցի. «Վարապի Երգ»—Schwanengesang—էջ 275):

«Լինհարդ և Գերտրուդ»-ի առաջին հրատարակութեան յառաջաբանում հեղինակն այդ գրքի նպատակը հետեւեալ կերպով է որոշում. «Ինչ որ ես պատեղ պատմում եմ, տեսել ու լսել եմ գործնական առօրեայ կեանքում. իմ անձնական կարծիքները չեմ արտայայտում, այլ այն, ինչ որ զգում, դատում, հաւատում, խօսում ու ձեռնարկում է ժողովուրդը: Եթէ իմ դիտողութիւնները ճիշտ են, այս գիրքն ընդունելութիւն կը գտնի ժողովրդի մէջ ապրողների ու գործողների կողմից. իսկ եթէ ամբողջն իմ երևակայութեան ծնունդ է միայն, այդ դէպքում այս գրութեան էլ կիրականօրեայ քարոզչների նման՝ արդէն երկուշաբթի մոռացուած կլինի»:

Երկրորդ հրատարակութեան յառաջաբանում Պեստալոցցին ասում է. «Իմ նպատակն էր՝ նպաստել, որ ժողովրդի դաստիարակութիւնը տեղի ունենայ համեմատ նրա իսկական դրութեան և բնական հանգամանքների. այդ իմ առաջին խօսքն էր, որ ուղղեցի գիւղական լքեալ ու աղքատ ժողովրդի սրտին. այդ իմ առաջին խօսքն էր՝ ուղղուած նը-

րանց, որոնց սրտին մօտ է լքեալ ու թշուառ ժողովուրդը. այդ իմ առաջին խօսքն էր՝ ուղղուած մայրերին...»:

«Ես տեսնում եմ ժողովրդի թշուառութիւնը», ասում է Պետալոցցին մի այլ տեղ. — «Թէ ի՞նչպէս է Գերարուդն իր զննակներին ուսուցանում». էջ. 5. — «Իմ ցանկութիւնը և նպատակն էր միայն ժողովրդի փրկութիւնը. այն ժողովրդի, որին սիրում եմ և թշուառ եմ գտնում, որովհետև ապրել եմ նրա հետ և կրել նրա ցաւերն ու վշտերը»:

Այս անպաճոյճ տողերը բնորոշում են «Լինհարդ և Գերարուդ»-ի ոգին:

Պետալոցցու երկար ու տափնապալի կեանքը — նա ծնուեց 1746 թ. Յիւրիխում և վախճանուեցաւ 1827 թ. Բրուզուում. — լի է սիրով. նա սիրում էր ժողովրդին և անդադար ձգտում էր թշուառներին օգնութեան հասնել. դէպի աղքատ ու լքեալ ժողովուրդը տածած սէրը կիրք էր դարձել Պետալոցցու սրտում:

«Պետալոցցու «Լինհարդ և Գերարուդը», ասում է գերմանական անուանի հայրենասէր և փիլիսոփայ Փիխտէն, մեծ ազդեցութիւն ունեցաւ ժամանակակիցների վրայ. այդ հրոյ կայծը բորբոքեց հազարաւոր մարդկանց սիրտը բարոյական և մարդասիրական զգացմունքներով»:

Գերմանական ժողովրդի կողմից իդէալացրած մի այլ անձնաւորութիւն՝ որդեսէր, հայրենասէր և բարոյականութեան տիպար ներկայացնող արքայազն Նդիսաւէթ թագուհին — Königin Luise — հետևեալն է գրում. «Այժմ ես կարդում եմ Պետալոցցու «Լինհարդ և Գերարուդը». ես ինձ շատ լաւ եմ զգում այդ զուգեցերական գիւղի մէջ. եթէ ազատ լինէի, իսկոյն կառք կնստէի, Պետալոցցու մօտ կերթայի և արտասուալի աչքերով նրա ձեռքը սեղմելով՝ շնորհակալութիւն կ'այտնէի. յանուն մարդկութեան շնորհակալ եմ նրանից»:

Հայ մայրեր, կարգացէ՛ք «Լինհարդ և Գերարուդը», հետևեցէ՛ք Գերարուդի օրինակին:

Գերարուդի զգացմունքներով ոգևորուեցէ՛ք և նոյնը ներշնչեցէ՛ք ձեր սիրասուն զաւակներին. սի՛րտ է պէտք հայ ժողովրդին, սի՛րտ: Մուրացածոյ և փայլող խաբուսիկ արտաքինը չէ՛ ոգևորում ժողովրդին. չոր ու ցամաք

և նոյն իսկ խելօք դատողութիւնը բաւական չէ՝ զգաց-
մունքն է հարկադրոյ:

Հայ ժողովրդի փրկութեան խարիսխն ընտանիքն է.
Հայ ընտանիքի խարիսխը դուք էք, հայ մայրե՛ր. ուրախա-
ցե՛ք և վշտացե՛ք Գերարուդի ուրախութիւններով ու վշտե-
րով և ձեր փայփայած բնքոյշ զաւակներէն սնուցե՛ք Գերա-
րուդի բարոյական ստիւքով:

Խելքով, սրտով եւ զգացմունքով տոգորուած նոր
սերունդ է հարկաւոր հայ ժողովրդին:

Հայ մայրե՛ր, Գերարուդի սրտով ու մտքով կրթեցէք
այդ նոր հայ սերունդը:



ԼԻՆՅԱՐԴ ԵՒ ԳԵՐՏՐՈՒԴ

ՎԵՊ ՊԵՍՏԱԼՈՅՑՈՒ

(Թարգմ. քն. Դս. ՅարուԹիւնեանց)

1.

ՄԻ ՄԱՐԴ, ՈՐ ԲԱՐԵՍԻՐՏ Է, ԲԱՅՑ ԵՒ ԱՅՆՊԵՍ ԱՆԲԱՂ-
ԴԱՅՆՈՒՄ Է ԻՐ ԿՆՈՋՆ ԵՒ ՈՐԴՈՅԼ:

Բօննալ գիւղում բնակւում էր Լինճարդ անունով մի
որմնագիր: Նրա կինը կոչւում էր Գերտրուդ: Լինճարդն ունէր
եօթը զաւակ և լաւ աշխատանք. նրա թերութիւնն այն էր,
որ պանդոկում շատ անմիտ էր վարւում և յաճախ թող
տալիս, որ իրեն մոլորեցնեն: Իսկ մեր գիւղում կան այնպիսի
խորամանկներ, որ պատուաւոր և պարզամիտ անձանց վրայ
հսկելով՝ իւրաքանչիւր յաջող դիպուածում նրանց գրպանից
փող են դուրս գջլում և դրանով ապրում: Սրանք ճանաչում էին
բարի Լինճարդին և խմելու միջոցին յաճախ մոլորեցնելով նրան՝
հետը թուղթ էին խաղում և յափշտակում նրա քրտնքի
վաստակը: Սակայն Լինճարդն ամեն անգամ, առաւօտները,
զղջում էր իր արածի վրայ և խղճահարւում՝ տեսնելով որ
Գերտրուդն և իր զաւակները հացի պակասութիւն են կը-
րում. նա դողում, լաց էր լինում, աչերը գետնին սեւեռում
և արցունքը թագցնում:

Գերտրուդը գիւղի ամենալաւ կինն էր, սակայն իր մա-
տաղ զաւակների հետ միասին՝ իրենց խրճըթից զրկուելու և
անջատուած, մերժուած, ամենածանր թշուառութեան մէջ
ընկղմելու վտանգի մէջ էր, որովհետեւ Լինճարդը չէր կա-
րողանում գինուց ձեռք վերցնել:

Գերտրուդը տեսնում էր մօտակայ վտանգն և սրտով
զգացուած էր. թէ իրենց մարգագետնից թաքմ խոտ բերե-
լիս, թէ տախտակամածի վրայից չոր խոտ վերցնելիս, թէ
կաթը մաքուր ամանների մէջ ածելիս, միշտ երկիւղ էր ազ-
դում նրա վրայ այն միտքը, որ իրենց մարգագետինը, խոտի
գեզն ու խրճըթի կէսը շուտով իրենցից կխլեն. և երբ դա-

ւակները շրջապատում էին նրան և գիրկն ընկնում, առաւել ևս տխրում էր և արտասուքներ էին գլորւում նրա այտերից:

Մինչ այժմ նա կարողանում էր իր գաղտնի լացը մանուկներից ծածկել, բայց վերջին Զատիի չորեքշաբթի օրը, որովհետեւ իր ամուսինն երկար ժամանակ տուն չեկաւ, նրա վիշտն այնչափ սաստկացաւ, որ երեխաները նկատեցին նրա արտասուքը: Ա՛խ, մայրիկ, աղաղակեցին նրանք միաբերան, դու լալիս ես և ընկան նրա գիրկը: Նրանց մարմնի իւրաքանչիւր շարժողութիւնն արտայայտում էր հոգս և երկիւղ: Երկնոտ լացով, խորին, տխուր զարմանքով և անմուռն աւրջունքով շրջապատեցին նրանք իրենց մօրը. նոյն իսկ մօր ձեռքի ծծկերն արտայայտեց ցաւի մի այնպիսի զգայմունք, որ ցայժմ անյայտ էր նրան: Ծծկեր երեսայի հոգսի և երկիւղի առաջին արտայայտութիւնը, նրա անշարժ աչքը, որ առաջին անգամն էր այդպէս սուր կերպով և առանց ծիծաղի նայում, այնպէս վրդովեցին մօր սիրտը, որ նրա լացը դարձաւ այժմ աղաղակ. բոլոր մանուկներն ու ծծկերը լալիս էին մօր հետ միասին և հէնց այս սարսափելի լաց ու կոծի միջոցին Լինհարդը բացեց տան դուռը:

Գերտրուդն երեսի վրայ ընկած էր իր անկողնում. նա չլսեց դրան բացուիլը և չտեսաւ ներս մտնողին: Մանուկները նոյնպէս չնկատեցին. նրանք նայում էին միայն իրենց ողբացող մօրն և կախ էին ընկել նրա ձեռքերի, պարանոցի ու զգեստների վրայից: Այսպէս գտաւ նրանց Լինհարդը:

Աստուած տեսնում է թշուառների արցունքը և վնրջ դնում նրանց ցաւին:

Գերտրուդն իր արցունքի մէջ գտաւ Աստուծոյ ողորմութիւնը: Աստուծոյ գթութիւնը բերեց Լինհարդին աւանատես լինելու այս տեսարանին, որ խորը թափանցեց նրա հոգին ու ցնցեց ամբողջ մարմինը: Մահուան գոյն ստացաւ նրա դէմքը և ընկճուած հազիւ կարողացաւ ասել. Տէ՛ր իմ՝ Աստուած, այս ի՞նչ է:— Այժմ միայն տեսաւ նրան մայրը, այժմ միայն նկատեցին նրան մանուկները և դադարեցին լալուց: Մայրի՛կ, հայրի՛կն այստեղ է, գոչեցին երեխաները միաբերան և նոյն իսկ ծծկերն այլ ևս չէր լալիս: Ինչպէս որ հանդարտւում է անտառի առուակը կամ աւերող բոցը,

այնպէս էլ կորչում է սարսափը և դառնում հանդարտ, մտածելու հոգս:

Գերտրուդը սիրում էր Լինհարդին և նրա ներկայութիւնը, նոյն իսկ ամենամեծ դժբաղդութեան մէջ, սփոփանք էր նրա համար. Լինհարդն էլ ազատուեց իր առաջին սարսափից:

Գե'րտրուդ, ի՞նչն է այս աղէտի առիթը, որի մէջ գլուխում եմ բեզ, ասաց նա:

Ո՛հ, սիրելիդ իմ, պատասխանեց Գերտրուդը, տխուր հոգսերը սքողում են սիրտս և երբ դու տանը չես, խորին տխրութիւնն առաւել ևս պատում է ինձ:

Գերտրուդ, պատասխանեց Լինհարդը, ես գիտեմ թէ ինչու ևս լալիս...:

Գերտրուդը հեռացրեց մանուկներին. Լինհարդը ծածկեց իր դէմքը նրա գրկի մէջ և այլ ևս չէր կարողանում խօսել: Գերտրուդը նոյնպէս լռեց մի վայրկեան և ցաւակցութեամբ թեքուեցաւ իր ամուսնու վրայ, որ դեռ ևս լալիս էր նրա գրկում: Այդ միջոցին Գերտրուդը ժողովեց իր բոլոր ուժերը և արիացաւ՝ հասկացնելու նրան, որ ապագայում այլ ևս իր զաւակներին այս դժբաղդութեան և թշուառութեան մէջ չձգէ:— Գերտրուդն երկիւղած էր և հաւատում էր Աստծուն. խօսելուց առաջ նա արթեց իր ամուսնու և զաւակների համար և նրա սիրտն ակներև ուրախացաւ. ապա ասաց. Լինհարդ, յոյսդ դիր Աստուծոյ ողորմութեան վրայ և քաջացի՛ր պարտքդ կատարելու:

Ո՛հ, Գերտրուդ, Գերտրուդ, ասում էր Լինհարդը և լալիս, նրա արցունքը հոսում էր գետի նման:

Ո՛վ սիրելիդ իմ, արիացի՛ր, ասում էր Գերտրուդը, հաւատա՛ երկնային Աստծուն և այդպէս ամեն ինչ կրկին լաւ կլինի: Շատ ցաւում եմ, որ բեզ լաց պատճառեցի. սիրով կցանկայի ամեն տառապանք ծածկել բեզնից, դու գիտես, որ բեզ հետ լինելով՝ ցամաք հաց ու ջրով էլ գոհ եմ. իսկ իմ կէս գիշերուայ խաղաղ ժամերի աշխատանքը բաւական է զաւակներին և բեզ համար: Սակայն, սիրելիս, եթէ հոգսերս բեզնից ծածկէի, զաւակներին մայրը և բո հաւատարիմ ամուսինը չէի լինի: Թանկագին Լինհարդ, դեռ ևս մեր զաւակների սիրտը լի է շնորհակալութեամբ և սի-

րով դէպի մեզ, սակայն եթէ մենք իսկական ծնողներ չմնանք, այն ժամանակ նրանց սէրն ու բարի սիրտը, որի վրայ եմ գրել իմ ամբողջ յոյսը, պէտք է անպատճառ անհետանան: Եւ մտածիր, սիրելիս, մտածիր թէ ի՞նչ կլինէր այն ժամանակ քո դրութիւնը, երբ քո նիկլասը, որ հէնց այժմից սիրով ազատութեան և սեպհական օջաղի մասին է խօսում, առանց խրճրթի մնալով՝ ծառայ դառնար: Լինհա՛րդ, եթէ նա և մեր միւս բոլոր սիրելիները, մեր սխալմունքի պատճառով աղքատանային, իրենց սրտում շնորհակալ չլինէին մեզնից, այլ լային իրենց ծնողների վրայ, կարող էիր ապրել, Լինհարդ, և տեսնել թէ ի՞նչպէս քո նիկլասը, Եօնասը, Լիզելին և Աննելին—ո՛հ Աստուած, օտարների սեղանից հաց են մուրում—ես կմեռնէի, եթէ այդ տեսնէի: —Այսպէս խօսեց Գերտրուդը և արտասուքը հոսեց նրա այտերի վրայից:

Ո՛չ պակաս լալիս էր և Լինհարդը: Ի՞նչ պիտի անեմ ես, դժբա՛ղքս: Ի՞նչ կարող եմ անել: Ես առաւել թշուառ եմ, քան թէ դու կարծում ես: Ո՛հ, Գերտրուդ, Գերտրուդ: —Նա լռեց դարձեալ, կցեց ձեռքերը և լալիս էր ահաբեկ:

—Մի՛ վհատուիր, սիրելիս, խօսի՛ր, որ խորհրդակցենք և օգնենք մեզ:

2.

ՄԻ ԿԻՆ, ՈՐ ՎՃԻՌՆԵՐ Է ԴՆՈՒՄ, ԻՐԱԳՈՐԾՈՒՄ ԵՒ ԳՏՆՈՒՄ ՀԱՅՐԱԿԱՆ ՍԻՐՏ ՈՒՆԵՑՈՂ ՄԱՐԴ:

Գերտրուդ, Գերտրուդ, սիրտս ցաւում է, որ թշուառութիւնս պատմեմ քեզ և հոգսերդ աւելացնեմ, սակայն պէտք է անեմ այդ:

Տանուտէր Հումբլին դեռ ևս պարտ եմ երեսուն գուդհէն, իսկ նա, ինչպէս գիտես, ո՛չ թէ մարդ, այլ մի շուն է իր պարտապանների վերաբերմամբ: Ա՛խ, երանի թէ կեանքումս տեսած չլինէի նրան: Եթէ նրա պանդոկը չեմ գընում, սպառնում է ինձ օրէնքի անունով, իսկ եթէ գնում եմ, քրտընքիս վաստակն ընկնում է նրա ճանկը: Այո՛, Գերտրուդ, այդ է մեր թշուառութեան աղբիւրը:

Մերելիս, պատասխանեց Գերտրուդը, չեմ կարող կալուածատէր Արնների մօտ գնալ: Դու գիտես, թէ ինչպէս բոլոր այրիներն և որբերը գողում են նրան. կարծեմ որ նա քեզ մի խորհուրդ կտայ և կպաշտպանէ այդ մարդու դէմ:

Գերտրուդ, պատասխանեց Լինհարդը, չեմ կարող, ի՞նչ պէտք է ասեմ տանուտէրի դէմ, որ հազար ու մի բաներ է խօսում, համարձակ և խորամանկ է և հարիւրաւոր ընկերներ ու միջոցներ ունի մի աղքատ մարդու այնպէս անուանարկելու իշխանութեան առաջ, որ այլ ևս նրան չըսեն:

Գերտրուդ: Մերելիս, ցայժմ ես ոչ մի իշխանաւորի հետ չեմ խօսել, բայց եթէ կարիքն և թշուառութիւնն ինձ նրա մօտ տանէին, գիտեմ, ես կարող կլինէի ճշմարտութիւնն ուղղակի մարդու երեսին ասել: Թանկագին բարեկամս մի վախենար, մտածիր իմ ու զաւակներիդ մասին և գնա՛:

Գերտրուդ, ասաց Լինհարդը, չեմ կարող, չեմ համարձակում, ես անմեղ չեմ: Տանուտէրը սառնասրտութեամբ ամբողջ գիւղը վկայ կբերէ, որ ես մի անպիտան տխմար եմ: Գերտրուդ, ես անմեղ չեմ. ի՞նչ կարող եմ ասել: Ոչ ոք չի ասի, թէ ամեն բանում նա՛ ինձ մոլորեցրեց: Գերտրուդ, եթէ կարողանա՞յի, եթէ համարձակո՞ւէի, ի՞նչպէս սիրով կցանկանայի: Բայց եթէ անեմ և չյաջողի, գիտե՞ս թէ ինչպէ՞ս վրէժխնդիր կլինի նա:

Գերտրուդ: Բայց եթէ լռես էլ, նա անպատճառ քեզ կհորժանէ: Լինհարդ, մտածիր զաւակներիդ մասին և գնա՛: Մեր սրտի այս անհանգստութեանը պէտք է վերջ դրուի, — գնա՛, ապա թէ ո՛չ ես կերթամ:

Լինհարդ: Գերտրուդ, չեմ համարձակում, եթէ կարող ես, ա՛խ Աստուած, Գերտրուդ, եթէ կարող ես, գնա՛ շուտով Արնների մօտ և ասա՛ նրան ամեն բան:

Այո՛, կերթամ, ասաց նա:

Այդ գիշերն ոչ մի ժամ չքնեց Գերտրուդը. սակայն գիշերն աղօթքով անցկացնելով՝ նա առաւել զօրացաւ և համարձակութիւն ստացաւ Արնների, գիւղի տիրոջ մօտ գնալու:

Եւ առաւօտեան վաղ նա գրկեց վարդի նման փթթող

ծծկերին, և գնաց կալուածատիրոջ՝ գիւղեց երկու ժամ հետո գտնուող դղեակը:

Արները նստած էր դղեակի դրան առաջ, լռենու տակ, երբ Գերտրուդը մօտեցաւ նրան: Նա տեսաւ Գերտրուդին, գրկի ծծկերին և նկատեց նրա դէմքի վրայ թախծութիւն, տառապանք ու ցամաքած արտօսներ:

Ի՞նչ ես կամենում, աղջիկս, ո՞վ ես դու, ասաց նա այնպէս սիրալի կերպով, որ Գերտրուդը սիրտ առաւ խօսելու:

Ես Գերտրուդն եմ, ասաց նա, Բօննալի որմնադիր Լին-հարդի կինը:

Դու արիաջան կին ես, ասաց Արները, քո մանուկները զանազանում են գիւղի բոլոր մանուկներից. նրանք առաւել բարեկիրթ ու բաղաճաւարի են, քան միւս բոլոր երեխաները, և երևում է, որ աւելի լաւ են կերակրւում՝ թէև լսում եմ, որ դուք շատ աղքատ էք:—Ի՞նչ ես կամենում, աղջիկս:

Տէր, իմ ամուսինը վաղուց երեսուն գուլդէն է պարտական տանուտէր Հումելին, որ մի անգուլթ մարդ է: Նա մոլորեցնում է Լինհարդին սովորեցնելով թղթախաղի ու ամեն տեսակ վատնութեան. և որովհետև ամուսինս նրանից վախենում է, չի կարող նրա պանդոկը չգնալ, թէև համարեա իւրաքանչիւր օր իր վաստակն ու իր զաւակների բերանի հացն այնտեղ է թողնում: Տէր, մենք եօթը մանկահաս զաւակներ ունինք և առանց օգնութեան ու խորհրդի անկարելի է, որ մուրացկաններ չդառնանք: Ես գիտեմ, որ դուք այրիներին և որբերին կարեկցում էք, այդ պատճառով համարձակուեցայ ձեզ մօտ գալ և մեր անբաղդութիւնը ձեզ ասել: Ես հետս բերել եմ զաւակներին համար խնայած բոլոր փողը ձեզ մօտ թողնելու և խնդրում եմ, որ դուք այնպիսի մի կարգադրութիւն անէք, որ տանուտէրը, մինչև իր պարտքը վճարենք, իմ ամուսնուն չըհարստահարէ և չչարչարէ:

Արները վաղուց կասկածում էր Հումելի վրայ: Նա հասկացաւ իսկոյն այս գանգատի ճշմարտութիւնը և խնդրի խելացիութիւնը: Վերցրեց իր առաջը դրած մի բաժակ թէյն և ասաց. Գերտրուդ, դու անօթի ես, խմիր այս թէյն և սիրուն մանկանդ էլ տուր այս կաթից:

Գերտրուդը կարմրեց: Այս հայրական գորովն այնպէս շարժեց նրա սիրտը, որ արտասուքը չկարողացաւ պահել:

Արնները պատմել տուեց նրան տանուտէրի և նրա ընկերակիցների արարքները և շատ տարիների կարիքն ու հոգացողութիւնը և լսում էր ուշադրութեամբ: Ապա հարցրեց. Գերտրուդ, ի՞նչպէս կարողացար այդչափ կարիքի ժամանակ զաւակներիդ համար խնայած դրամը պահել:

Գերտրուդը պատասխանեց. շատ դժուար էր, տէ՛ր, սակայն ես համարում էի, թէ այդ փողն իմս չէ և իբրև թէ մի մեռնող վերջին շնչի հետ տուել էր ինձ, իր զաւակների համար պահելու: Այդպէս, համարեա՞ թէ ճիշտ այդպէս էի նկատում ես: Ամենախիստ կարիքի ժամանակ, երբ ստիպուած էի լինում այդ փողից զաւակներու համար հաց գնել, էլ հանգստութիւն չունէի, մինչև որ գիշերուայ աշխատանքիս վաստակով պակասը չլրացնէի:

Ամեն ժամանակ կարելի՞ էր լինում այդ, Գերտրուդ, հարցրեց Արնները:

Տէ՛ր, երբ մարդ մի որևէ բանի հաստատ կերպով է ձեռնարկում, այդ աւելի յաջողում է նրան, քան թէ մարդ կարծում է և ամենամեծ թշուառութեան ժամանակ, երբ մարդ կարիքի և հացի համար ազնուաբար է աշխատում, Աստուած օգնում է, աւելի, քան թէ դուք ձեր փառքով կարող էք հաւատալ և ըմբռնել:

Արնները գթաշարժուած էր այս կնոջ անմեղութեամբ և առաքինութեամբ, սակայն շարունակեց. Գերտրուդ, ո՞ւր է խնայած փողդ:

Գերտրուդն Արնների սեղանի վրայ դրեց եօթը հատ մաքուր և փոքրիկ կապոցներ, որոնցից իւրաքանչիւրի վրայ դրուած էին տոմսակներ. տոմսակների վրայ գրուած էր թէ ո՞ր կապոցն ումն է պատկանում և թէ կարիքի ժամանակ Գերտրուդն իւրաքանչիւրից ո՞րքան էր վերցրել և կրկին տեղը դրել: Արններն ուշադրութեամբ կարդում էր այդ տոմսակները: Գերտրուդը տեսաւ այդ և կարմրելով ասաց. այս թղթերը պէտք է վերցրած լինէի, տէ՛ր:

Արնները ժպտաց և շարունակում էր կարդալ, սակայն Գերտրուդը կանգնած էր ամօթով. նկատելի էր նրա սրտի

յուզումը, որովհետեւ նա համեստ ու խոնարհ էր և ամենափոքր ցուցամուկութիւնից վշտացող:

Արները տեսաւ նրա անհանգստութիւնը և զգաց այն անմեղութեան վսեմութիւնը, որ ամօթով է մնում, երբ նրա առաքինութիւնն և իմաստութիւնը նկատուում է: Նա վճռեց աւելի շնորհ անել այդ կնոջը, քան խնդրել էր և յոյս ունէր, որովհետեւ ճանաչեց նրա արժանաւորութիւնը և գիտէր, որ հազար կանանցից ոչ մէկը չի կարող նրան նմանուիլ: Արներն իր կողմից իւրաքանչիւր կապոցի վրայ աւելացրեց մի բան և ասաց. երեսաներիդ համար խնայած փողը յետ տա՛ր դարձեալ, Գերտրու՛դ, ես իմ գրպանից երեսուն գուլդէն մի կողմն եմ դնում՝ տանուտէրի համար, մինչև որ ձեր պարտքը վճարէ՛ք: — Գնա՛ տուն այժմ, վաղն առանց այդ էլ պէտք է գիւղը դամ, այնտեղ կ'հոգամ, որ դու ապահով լինիս Հոլմելից:

Գերտրուդն ուրախութիւնից չէր կարողանում խօսել. նա հազիւ կարողացաւ կակազելով ասել. «Աստուած վարձատրէ՛ ձեզ, տէ՛ր»: Ապա տուն վերադարձաւ մտիթարուած սրտով՝ ծծկեր երեսան ձեռքին: Նա շտապում էր, աղօթում և շնորհակալ լինում Աստուծուց երկար ծանապարհի վրայ՝ շնորհակալութեան և յուսոյ արտօսւնները հոսում էին նրա աչքերից, մինչև որ իր խրճիթը հասաւ:

Լինհարդը տեսաւ նրա գալը և հէնց աչքերիցը նկատեց նրա սրտի սփոփանքը: Արդէն եկա՞ր, ասաց՝ դիմելով նրան, բանդ յաջո՞ղ գնաց Արների մօտ: —

Ո՞րտեղից իմացար, ասաց Գերտրուդը. — այդ նկատում եմ հէնց դէմքիդ վրայ, բարի հրեշտակս, դու չե՛ս կարող կեղծել:

Ճիշտ որ չեմ կարող, ասաց Գերտրուդը և եթէ կարողանայի էլ, չէի ցանկանայ այս բարի համբաւը քեզից մի վայրկեան ևս ծածկել. Լինհարդ: Ապա պատմեց նրան Արների բարութիւնը, թէ ի՞նչպէս նա իր խօսքերին հաւատ ընծայեց և օգնութիւն խոստացաւ: Յետոյ տուեց մանուկներին Արների ընծաներն և համբուրեց իւրաքանչիւրին այնպիսի ջերմ սիրով, որ վաղուց արդէն տեղի չէր ունեցել և ասաց. աղօթեցէ՛ք ամեն օր Արների երջանկութեան համար, ինչպէս որ աղօթում էք իմ և ձեր հօր երջանկու-

Թեան համար: Արները հոգում է ինչպէս ձեր, այնպէս էլ իր երկրի բոլոր մարդոց լաւութեան համար և երբ դուք քաջ, խելացի և աշխատասէր կլինէք, այն ժամանակ նա կսիրէ ձեզ այնպէս, ինչպէս որ ես և ձեր հայրը սիրում ենք ձեզ: Այդ օրից սկսած որմնագրի որդիքն առաւօտ և երեկոյ աղօթքի ժամանակ իրենց հօր և մօր անունների հետ յիշում էին նաև Արների անունը:

Գերտրուդն ու Լինհարդն որոշեցին նոր կարգադրութիւններ անել իրենց տան կարգապահութեան և զաւակների կրթութեան համար և այդ օրն երջանիկ և հանդիսաւոր օր էր նրանց համար:

Լինհարդն արիացաւ կրկին և երեկոյեան Գերտրուդը պատրաստեց նրա սիրած կերակուրը. նրանք երկուսն էլ ուրախ էին Արների օգնութեան և իրենց երկնային Հօր բաւութեան առթիւ:

Արներն ևս կարօտով սպասում էր առաւօտեան գալուն, որպէս զի մի գործ կատարէ,—ինչպիսին նա հազարն էր կատարում—իր գոյութեանը մի արժէք տալու համար:

3.

ԱՆՍԻՐՏ ՄԱՐԴԸ:

Այդ երեկոյ, երբ տանուտէրն Արների մօտ եկաւ, նրա հրամանները լսելու, նա ասաց, ես վաղը Բօննալ կգամ: Վամենում եմ եկեղեցու շինութիւնը կարգի դնել: Տանուտէրը պատասխանեց, տէր, Ձերդ Մեծութեան պալատական որմնագիրը ժամանակ ունի՞ այժմ: Ո՛չ, պատասխանեց Արները, բայց քո գիւղում կայ մի որմնագիր՝ Լինհարդ անունով, որին ես սիրով կշնորհեմ այդ վաստակը: Ինչո՞ւ նրան երբէք մի որևէ գործի համար չես առաջարկել ինձ:

Տանուտէրը գլուխ տուեց խոնարհաբար և ասաց, ես չէի համարձակուի մի աղքատ որմնագիր առաջարկել Ձերդ Մեծութեան շինութիւնների համար:

Արներ: Արդեօք նա ազնիւ մարդ է, տանուտէր, կարո՞ղ եմ նրան հաւատ ընծայել:

Տանուտէր: Այո, Ձերդ ողորմածութիւնը կարող է նը-

րան հաւատ ընծայել. նա չափից դուրս յստակամիտ մարդ է:

Արններ: Ասում են, որ նա մի առաքինի կին ունի, արդեօք այդ կինը շաղակրատ չէ՞, հարցրեց Արները ծանր կերպով:

Ո՛չ, ասաց տանուտէրը, նա ճշմարիտ որ աշխատասէր և խաղաղ կին է:

Լաւ, ասաց Արները, վաղը ժամի իննին եկեղեցու գաւթում եղիր, այնտեղ կտեսնեմ քեզ:

Տանուտէրն այս խօսակցութեան վրայ ուրախացած՝ վերադարձաւ գիւղը, որովհետեւ ինքն իրեն մտածում էր. ահա մի նոր կթան կով ինձ համար և արդէն ծրագրում էր որոգայթներ լարել. որով այդ շինութեան ժամանակ որմնագրի աշխատած փողերը դուրս պիտի գլչէր նրանից. նա շտապով վազեց տուն և այնտեղից դէպ որմնագրի փոքրիկ երճիթը:

Արդէն մութը կոխել էր, երբ նա ուժգնութեամբ դուռը բաղխեց:

Լինհարդն ու Գերտրուդը նստած էին սեղանի շուրջը. կերակրի մնացորդը դրուած էր դեռ ևս նրանց առաջը: Լինհարդը ճանաչեց նախանձոտ տանուտէրի ձայնը, վախեցաւ և մի անկիւն ձգեց կերակուրը:

Թէեւ Գերտրուդը սիրտ էր տալիս նրան, որ չվախենայ և վստահ լինի Արների վրայ, բայց այնուամենայնիւ դուռը բանալիս՝ նա մեռելի գոյն ստացաւ:

Տանուտէրն ինչպէս մի անյագ շուն, իսկոյն իմացաւ թագկացրած կերակրի հոտը, բայց հաճոյական կերպարանք առաւ և ասաց ժպտալով. այդպէս հեշտ է առանց պանդոկի ապրել, այնպէս չէ՞ Լինհարդ:

Ուս աչքերը խոնարհեցրեց և լռեց. սակայն Գերտրուդն առաւել համարձակ էր և ասաց. Ի՞նչ է հրամայում պարոն տանուտէրը. զարմանալի է, որ նա այցելում է այսպիսի մի աղքատ տուն:

Հումեւը ծածկեց իր բարկութիւնը, ժպտաց և ասաց. ճշմարիտ է, այսպիսի լաւ կերակուր չէի սպասում այստեղ, եթէ ոչ յաճախ կայցելէի:

Այդ խօսքը զայրացրեց Գերտրուդին: Տանուտէր, պապասխանեց նա, դու հոտոտում ես մեր ընթերիքն և չարակ-

նում, դու պէտք է ամաչէիր՝ դառնացնել մի աղքատ մարդու սիրած ընթրիքը, որին դուցէ տարին երեք անգամ հազիւ է արժանանում:

Ես չար դիտաւորութեամբ չասացի, պատասխանեց տանուտէրը ծիծաղելով: Սակայն մի վայրկեանից յետոյ շարունակեց մի փոքր աւելի լրջօրէն. ի՞նչ ամբարտաւան ես, Գերտրուդ, այդ չէ սաղում աղքատ մարդկանց: Բայց այժմ չեմ կամենում այդ բանի մասին խօսել: Ես միշտ ամուսնուդ բարին եմ ցանկացել և կարողացածիս չափ ծառայել եմ նրան. կամենամ օրինակներ բերիմ:

Գերտրուդ: Տանուտէ՛ր, ամուսինս ամեն օր քո պանդոկում թղթախաղի և արքեցուծեան է մատնւում, իսկ ես տանը զաւակներիս հետ ամեն տեսակ թշուառութիւնների ենթարկւում. այս է ահա՛ քո արած ծառայութիւնը:

Հումնի: Անարգար ես վարւում ինձ հետ, Գերտրուդ: Ճշմարիտ է, ամուսինդ մի փոքր ցով է, այդ ինքս էլ ասել եմ նրան, սակայն իմ պանդոկում ես պարտաւոր եմ ցանկացողին ուտելիք և խմելիք տալ. այդ անում է և իւրաքանչիւր մարդ:

Գերտրուդ: Այո՛, բայց ամեն մարդ չէ սպանում մի անբաղդ, աղքատ մարդուն օրէնքի անունով, եթէ նա իւրաքանչիւր տարի իր պարտքը չէ կրկնապատկում:

Տանուտէրն էլ չկարողացաւ իրեն զսպել: Նա դարձաւ կատաղաբար դէպի Լինհարդը. Լինհարդ, դու իմ մասին ոչ ոք պիտի բանե՛ր ես խօսում: — Ահանջովս պէտք է լսեմ, թէ ինչպէս դուք, մուրացկաններ, ալիւորիս պատուազուրկ և անուանազուրկ էք կամենում անել: Մի՞թէ ես միշտ դատաւորների առաջ չեմ տեսել քո հաշիւները: Լաւ որ բոլոր տոմսակներդ իմ ձեռքին են: Չլինի՞ թէ կամենում ես պարտքդ մերժել, Լինհարդ:

Խօսքը դրա մասին չէ բոլորովին, ասաց Լինհարդը, Գերտրուդը ցանկանում է միայն, որ ես նորեց պարտք չանեմ:

Տանուտէրը կրկին ուշքի եկաւ, մեղմացրեց իր ձայնն և ասաց. այդ վատ բան չէ, բայց և այնպէս դո՛ւ ես մարդը, նա չպէտք է վախեցնէ քեզ:

Գերտրուդ: Ո՛չ, տանուտէր, ես կամենում եմ նրան քո հաշուեմատեանի սիրուն թերթիկներից ազատել:

Հումել: Խող պարտքը վճարէ և ազատուած կլինի:
Գերտրուդ: Այդ կարող է անել, երբ նորից պարտք չանէ:
Հումել: Հպարտ ես, Գերտրուդ, տեսնե՞նք: Դու
կամենում ես աւելի սիրով տանն ամուսնուդ հետ միայնակ
մնալ, քան թոյլ տալ նրան՝ մի բաժակ գինի խմել ինձ մօտ:
Գերտրուդ: Դու անարգ մարդ ես, տանուտէ՛ր, սա-
կայն քո խօսքերն ինձ ցաւ չեն պատճառում:

Հումելն էլ չէր կարող այս խօսքերին երկար դիմանալ:
Նա զգաց, որ մի բան պատահած պէտք է լինի, որ այս
կնոջն այդպիսի համարձակութիւն է տուել: Այդ պատճա-
ռով չկարողացաւ իր կատաղութիւնը մեղմացնել և հրա-
ժեշտ տուեց:

Ուրիշ հրամայելու բան ունի՞ս, հարցրեց Գերտրուդը:
Ոչի՞նչ, եթէ այդպէս է, պատասխանեց Հումելը:

Ի՞նչպէս, կրկնեց Գերտրուդը ժպտալով և նայեց ուղ-
ղակի նրա երեսին: Այս աւելի շփոթեց տանուտէրին և
նա չգիտէր թէ ինչ ընթացք բռնէ:

Իջնելով սանդուխթի վրայից՝ նա մըրթմըրթում էր
ինքն իրեն, թէ արդեօք ինչ պէտք է պատահած լինի:

Լինհարդը բաւական չէր այս դէպքից, բայց տանու-
տէրն ևս առաւել:

4.

ՆԱ ԻՐ ՆՄԱՆՆԵՐԻ ՄՕՏ Է ԵՒ ՀԵՆՑ ԱՅԴՏԵՂ ԿԱՐԵԼԻ
Է ԽԱԲԵԲԱՆԵՐԻՆ ՃԱՆԱԶԵԼ

Համարեա՛ կէս գիշեր էր, բայց հէնց որ տանուտէրը
տուն հասաւ, մարդ ուղարկեց Լինհարդի երկու հարեան-
ների մօտ, որ իսկոյն իր մօտ գան:

Նրանք արդէն անկողնի մէջ էին, բայց և այնպէս չու-
շացան գալու:

Հումելը հարցրեց այն ամեն բանի մասին, ինչ որ արել
էին Լինհարդն ու Գերտրուդը մի քանի օրուայ ընթացքում,
բայց որովհետեւ նրանք չկարողացան իսկոյն գործը պարզել,
նա դրանց վրայ էլ կատաղեց:

Շնե՛ր, ինչ որ մարդ ցանկանում է ձեզնից, չէք կա-
րողանում երբէք գլուխ բերել: Ինչո՞ւ պէտք է ես միշտ ձեր
յիմարը լինեմ: Երբ դուք բռններով փայտ էք գողանում,

Ես պէտք է չգիտցող ձեռնամ, երբ դուք կալուածատիրոջ արօտատեղիներում արածեցնում էք և բոլոր շրջապատները վերցնում, պէտք է լռեմ: Դ՛ու Բուլլեր, քո որբերի հաշուի աւելի քան երրորդ մասը սխալ էր և— ես լռեցի: Կարծում ես թէ քո մի կտոր մկրտ չոր խոտով բաւականացա՞յ: Դեռ չէ՛ հնացել այդ գործը:— Եւ դ՛ու Քրուել, հանդիդ կէսը պատկանում է եղբօրդ զաւակներին: Ծե՛ր գող. ի՞նչ շահ ունիմ բեզնից, որ բեզ դահճի ձեռքը չեմ մատնում, որին դու իսկապէս պատկանում ես:

Այս խօսքերն երկիւղ պատճառեցին հարեաններին: Ի՞նչ կարող ենք անել, պարոն տանուտէր:

Հնե՛ր, ո՛չինչ չէք կարող անել, ո՛չինչ չգիտէք: Ես կատաղութիւնից գժուում եմ: Ես պէտք է իմանամ թէ սյս շարաթ որմնագրի կիսն ի՞նչ է արել, ի՞նչ է նրա գոռողութեան առիթը:

Այս միջոցին Քրուելը մի բան մտաբերեց: Կա՛ց, տանուտէր, կարծեմ կարող եմ ծառայել բեզ, նոր միտս եկաւ. Գերտրուդն այսօր մինչև ճաշ տանը չէր և երեկոյեան նրա Լիզելին աղբիւրի վրայ փառաբանում էր դղեակի տիրոջը, անպատճառ նա դղեակումն եղած կլինի: Առաջի գիշերն ողբ էր լսում նրանց սինեակից, սակայն ոչ որ չգիտէր թէ՛ ինչու: Այսօր նրանք ամենքն առանձնապէս ուրախ են:

Տանուտէրը համոզուեց արդէն, որ Գերտրուդը դղեակումն է եղել: Բարկութիւնն և անհանգստութիւնն այժմ առաւել ուժով կատաղեցնում էին նրան: Նա սարսափելի անէծքներ էր թափում, հայհոյում էր զգլուելի խօսքերով Արսերին, որ ամեն մուրացկանի լսում է և երգում էր Լինհարդին և Գերտրուդին վռէժխնդիր լինել: Բայց դուք պէտք է լռէք, հարեաններս, ես կամենում եմ այդ անպիտանների հետ քաղցրութեամբ վարուել մինչև որ ժամանակը գայ: Աշխատեցէք իմանալ թէ ինչ են անում նրանք և համբաւ բերէք ինձ. կարևոր եղած ժամանակն ես էլ ձեզ կ'օգնեմ:

Յետոյ Բուլլերին մի կողմը տարաւ և ասաց. դու ոչինչ չգիտե՞ս գողացուած ծաղկամանների մասին, անցեալ օրը քեզ տեսել են բարձուած էշով սահմանն անցնելիս, ի՞նչ ունէիր հետդ:

Բուլլերը վախեցաւ, ... ես... ես... ունէի... լաւ, ասաց տանուտէրը, — ինձ հաւատարիմ եղիր, ես քո կողմը կլինեմ երբ կարիքը պահանջէ:

Եւ հարեալները գնացին տուն:

Առաւօտը մօտ էր և Հուլիսը շուրջ ու մուր էր գալիս իր անկողնի մէջ մի ժամ շարունակ, մտածում էր վրէժ-խնդիր լինելու մասին, քնած միջոցին կրճըտացնում էր ատամները, զարկում էր ոտքերով, մինչև որ պայծառ օրը նրան անկողնից դուրս հանեց: Նա վճռեց մի անգամ ևս Լինհարդին տեսնել, իրեն զսպել և ասել, որ առաջարկել է Արներին՝ եկեղեցւոյ շինութիւնը նրան յանձնել: Նա ժողովեց իր բոլոր ուժերը՝ շողոքորթելու համար և գնաց Լինհարդի մօտ:

Գերտրուդն և Լինհարդը վաղուց արդէն այդ գիշերուայ պէս հանգիստ քուն չէին ունեցել: Նրանք առաւօտեան աղօթեցին այդ օրուայ յաջողութեան համար և մեծ յոյս ունէին Արների օգնութեան վրայ: Այս յոյսը պատճառում էր նրանց հոգեկան հանգստութիւն և մի անսովոր ուրախալի զուարթութիւն:

Այսպէս գտաւ նրանց Հուլիսը և նրա բարկութիւնն առաւել ևս վառուեց, սակայն զսպեց իրեն, քաղցրութեամբ բարի լոյս ասաց նրանց և աւելացրեց. Լինհարդ, երէկ մենք լաւ չվարուեցինք միմեանց հետ, այդպէս չպէտք է լինի: Ես լաւ բան ունիմ ասելու քեզ: Հէնց այժմ գալիս եմ մեր ողորմած Պարոնի մօտից, նա խօսեց եկեղեցու շինութիւնից և հարցրեց նոյնպէս քո մասին: Ես ասացի, որ դու կարող ես շինութիւնը գլուխ բերել և կարծում եմ, որ քեզ կ'յանձնէ: Տեսնո՞ւմ ես, այսպէս կարելի է միմեանց ծառայել, չպէտքէ շուտով բարկանալ:

Լինհարդ: Շինութիւնը պէտք է զղեակի որմնադրին տրուած լինի, չէ՞ որ դու արդէն վաղուց ասացիր այդ համայնքի մէջ:

Հուլիս: Կարծում էի, բայց այդպէս չէ. զղեակի որմնադիրը միայն նախահաշիւն է ներկայացրել և դու գիտես, թէ ինչպիսի հաշիւ կազմած կ'լինի: Եթէ այդ նախահաշիւով ստանաս շինութիւնը, մեծ վատտակ կ'ունենաս:

Լինե՛րտ, տեսնո՞ւմ ես այժմ, որ քո լաւն եմ ցանկա-
նում: —

Որմնադիրը շինութեան յուսով բաղդաւոր զգաց իրեն
և սրտանց շնորհակալ եղաւ նրանից: Սակայն Գերտրուդը
տեսնում էր, թէ թագցրած բարկութիւնից ինչպէս գունատ
էր տանուտէրի դէմքը և թէ ինչպէս նրա ծիծաղի տակ
ծածկուած էր կատաղութիւն և այդ պատճառով ուրախ չէր:
Այդ ժամանակ տանուտէրը դուրս գնաց և քայլելիս ասաց.
մի ժամից յետոյ Արները կգայ. Լինհարդի Լիզան, որ
կանգնած էր իր հօր կողքին, տանուտէրին ասաց. այդ մենք
երէկուանից գիտենք:

Հուժեղը թէև վախեցաւ այդ խօսքից, սակայն այնպէս
ձեւացրեց, իբրև թէ չէ լսում, իսկ Գերտրուդը լաւ իմանա-
լով, որ տանուտէրը շինութիւնից վաստակելու փողի
համար է լրտեսում, շատ անհանգիստ էր:

5.

ՏԱՆՈՒՏԷՐԸ ԳՏՆՈՒՄ Է ԻՐ ՎԱՐՊԵՏԻՆ

Արներն եկաւ եկեղեցու բակը. գիւղից նոյնպէս շատ
ժողովուրդ եկաւ այնտեղ, որպէս զի տեսնէ իր բարի տիրոջը:

Անգո՞րծ էք, թէ տօն է այսօր և ամենքդ ժամանակ
ունիք այստեղ թափառելու, ասաց տանուտէրը մի քանիսին,
որոնք նրա մօտն էին կանգնած, որովհետև միշտ զգու-
շանում էր, որ իրեն տրուած հրամաններն ոչոք չիմանայ:
Սակայն Արները նկատեց այդ և ասաց բարձրաձայն. տա-
նուտէր, ես ցանկանում եմ, որ իմ որդիքս այստեղ մնան
և լսեն, թէ ինչպէս պէտք է կարգադրեմ շինութեան գոր-
ծը, ինչո՞ւ ես գրանց արտաքսում:

Հուժեղը մինչև գետին խոնարհեց և կանչեց հարե-
ւաններին բարձրաձայն. կրկին յետ դարձէք, Նորին ողոր-
մածութիւնը թող է տալիս:

Արներ: Տեսա՛ր եկեղեցու շինութեան գնահատութիւնը:
Տանուտէր: Այո, ողորմած տէր:

Արներ: Ի՞նչ ես կարծում, կարո՞ղ է Լինհարդն այդ
շինութիւնն անել միւսնոյն գնով և լաւ ու գիմացկուն կերպով:

Այո, ողորմած տէր, պատասխանեց տանուտէրը բարձ-
րաձայն և աւելացրեց հազիւ լսելի կերպով. որովհետև նա

գիւղումն է բնակւում, կարծեմ որ կարող էր մի փոքր առաւել արժան յանձն առնել:

Սակայն Արները պատասխանեց բարձր ձայնով. որքան որ պալատի որմնադրին պէտք է տայի, նոյնքան էլ տալիս եմ դրան: Կանչել տուր նրան և հոգա՛, որ այն ամենն ինչ որ պալատի որմնադրին պէտք է տրուէր, յանձնուի դրան:

Լրաբերի գալուց միայն մի բանի րոպէ առաջ Լինհարդը գնացել էր գիւղի վերին թաղը և այդ պատճառով Գերտրուդը վճռեց լրաբերի հետ անձամբ գնալ եկեղեցու բակը և Արներին իր հոգսերը յայտնել:

Սակայն երբ տանուտէրը փոխանակ Լինհարդի, Գերտրուդին տեսաւ լրաբերի հետ, մահուան գոյն ստացաւ:

Արները նկատեց այդ և հարցրեց. ինչդ է ցաւում, պարոն տանուտէր:

Ո՛չ մի տեղս, ողորմած տէր, ո՛չ մի տեղս, գիշերս լաւ չեմ քնել:

Ճիշտ է, նկատելի է այդ, ասաց Արներն և նայեց ուղղակի նրա աչքերին, յետոյ դարձաւ դէպի Գերտրուդը, բարեւեց բարեկամաբար և ասաց. Ամուսինդ այստեղ չէ՞: Սակայն այդ միւսնոյն է, միայն նրան ասա, որ ինձ մօտ գայ: Կամենում եմ նրան յանձնել այս եկեղեցու շինութիւնը:

Գերտրուդը կանգնած էր մի վայրկեան անխօս և չէր համարձակւում այդչափ բազմութեան առաջ խօսել:

Արներ: Ի՞նչու չես խօսում, Գերտրուդ: Ես կամենում եմ շինութիւնը քո ամուսնուն յանձնել նոյն պայմաններով, ինչպէս որ պալատի որմնադիրը կշինէր: Այս պէտք է բեղ ուրախութիւն պատճառէր, Գերտրուդ:

Գերտրուդը կրկին ուշքի եկաւ և ասաց. տէ՛ր, եկեղեցին շատ մօտ է պանդոկից:—

Բոլոր ժողովուրդն սկսեց ծիծաղել և որովհետեւ շատերը կամենում էին իրենց ծիծաղը տանուտէրից ծածկել, դարձան նրանից ուղղակի դէպի Արները: Սակայն տանուտէրը, լաւ տեսնելով, որ Արներն ամեն բան նկատեց, վերկապաւ բարկացած, կանգնեց Գերտրուդի դիմաց և ասաց. Ի՞նչ ունիս իմ պանդոկի դէմ:

Սակայն Արները շուտով ընդհատեց տանուտէրին և ասաց. մի՞թէ այս խօսակցութիւնը քեզ է վերաբերում, տանուտէր, որ ընդմիջում ես: Յետոյ դարձաւ կրկին դէպի Գերտրուդն և ասաց. ի՞նչ է այդ, ի՞նչ կայ, որ եկեղեցին շատ մօտ է պանդոկից:

Դերտրուդ: Եւր, իմ ամուսնուն՝ գինի խմելու ժամանակ կարելի է դիւրութեամբ մոլորեցնել և եթէ նա ամեն օր պանդոկից այսպէս մօտ աշխատէ, ա՛խ Աստուած, Աստուած իմ, վախենում եմ, որ չի կարող այս փորձանքին դիմանալ:

Արներ: Մի՞թէ չի կարող պանդոկից հեռու մնալ, եթէ այդ փտանգաւոր է նրա համար:

Դերտրուդ: Տէր, աշխատելու ժամանակ մարդ ծարաւում է յաճախ և երբ արբեցողների խումբը նրան կգրաւէ ամեն տեսակ միջոցներով՝ թէ հաճոյականութեամբ և թէ ծաղրով, թէ գինի գնելով և թէ գրաւ գալով, ա՛խ Աստուած, ի՞նչպէս կարող է դիմանալ: Իսկ եթէ կրկին մի փոքր պարտք ունենայ, դարձեալ կկապուի: Տէր, եթէ գիտենա՜յիք թէ ինչպէս մի գիշերուայ ընթացքում այսպիսի տներում կարող է աղքատ մարդն այնպիսի թակարդի մէջ ընկնել, որի միջից ազատուելը համարեա՛ թէ անկարելի է:

Արներ: Ես գիտեմ այդ, Գերտրուդ և զայրացած եմ քո երէկուայ պատմածի վրայ: Այստեղ, քո աչքի առաջ և ամբողջ ժողովրդի ներկայութեամբ ուզում եմ քեզ ցոյց տալ, թէ ես չեմ կամենում, որ աղքատ մարդիկ ճնշուին:

Արներն իսկոյն դարձաւ դէպի տանուտէրն և ասաց՝ խիստ ձայնով և թափանցող հայեացքով. տանուտէր, ճշմարիտ է, որ խեղճ մարդիկ քո տանը ճնշուում, զրկւում և խաբւում են:

Ուշքը կորցրած և դիակի նման գունատ տանուտէրը պատասխանեց. կեանքումս, ողորմած տէր, այսպիսի բան երբեք չէ պատահել ինձ. այն օրից, երբ ես կամ և տանուտէր եմ, ասաց նա, սրբեց ճակատի քրտինքը, հազաց և սկսեց դարձեալ—սարսափելի է—

Արներ: Դու անհանգիստ ես, տանուտէր: Հարցը շատ պարզ է: Ճշմարիտ է, որ խեղճ մարդոց ճնշում, մոլորեցնում ես և պանդոկիդ մէջ այնպիսի որոգայթի մէջ ձգում, որ դժբաղդացնում է նրանց ընտանիքը:

Տանուտէր: 2է, իհարկէ չէ, ողորմած տէր: Այդ է մուրացկաններին ծառայելու վարձատրութիւնը: Ես պէտք է այդ մասին առաջուց մտածէի: Ամեն անգամ մարդ այսպիսի շնորհակալութիւն է ընդունում վճարելու փոխանակ:

Արններ: Վճարելու վերաբերմամբ հոգս մի՛ քաշի, հարցը նրանումն է միայն՝ արդեօք այս կինը ստո՞ւմ է:

Տանուտէր, Այո՛, իհարկէ, ողորմած տէր, հազար կերպ կապացուցեմ:

Արններ: Մէկ ապացոյցը բաւական է, տանուտէր: Սակայն զգուշացիր. երէկ ասում էիր, որ Գերտրուդը քաջ, խաղաղ, աշխատասէր կին է և շաղակրատ չէ:

Ես չգիտեմ, ես..... ես..... մտաբերում եմ..... դուք ինձ.... ես նրան..... ես նրան.... այդպէս կարծեցի, ասաց շնչասպառ տանուտէրը:

Արններ: Դու այնպէս անհանգիստ ես այժմ, տանուտէր, որ քեզ հետ կարելի չէ խօսել. ամենից լաւն է, ես կտեղեկանամ այդ մասին ներկայ եղող հարեաններիցդ: Եւ իսկոյն դարձաւ դէպի այն երկու ծեր մարդիկը, որոնք հանգիստ, ուշադիր և ծանրաբարոյ կանգնած էին այնտեղ և ասաց նրանց. Ճամարի՞տ է, սիրելիներ, որ ձեր պանդոկում մարդոց ճնշում և գայթակղեցնում են: Այդ մարդիկը նայում էին միմեանց երեսին և չէին համարձակում խօսել, սակայն Արնները քաջալերեց նրանց սիրալի կերպով. մի՛ վախենաք, միայն ճշմարիտն ասացէ՛ք:

Այդ ճշմարիտ է, տէր. բայց ի՞նչպէս գանգատուենք տանուտէրի դէմ, ասաց վերջապէս ամենից ծերը, սակայն այնպէս կամաց, որ միայն Արնները կարող էր հասկանալ: Բաւական է, ծերուկ, ասաց Արնները և դարձաւ կրկին դէպի տանուտէրը. իսկապէս այժմ նրա համար չեմ եկել, որ այդ գանգատը քննեմ, սակայն հաստատ իմացիր, որ աղքատ հպատակներիս կամենում եմ բոլոր ճնշումներից ազատ տեսնել և վաղուց արդէն մտածում էի, որ ոչ մի տանուտէր չպէտք է պանդոկապետ լինի: Բայց այս գործը յետաձգում եմ մինչև երկուշաբթի: Գերտրուդը, ասա՛ ամուսնուդ, որ ինձ մօտ գայ, իսկ դու հանգիստ եղիր նրա վերաբերմամբ ու մի՛ վախենայ պանդոկի վտանգներից: Դրանից յետոյ Արնները պարապեց մի քանի գործերով և երբ վերջացրեց, գնաց մօտակայ անտառը և

արդէն բաւական ուշ էր, երբ տուն վերադարձաւ: Տանուտէրը նոյնպէս Արներին ընկերակցելով՝ գիշերը միայն տուն դարձաւ:

Երբ Հումելը մօտեցաւ իր տանը, սենեակում լոյս չտեսաւ և ոչ մի մարդու ձայն չլսեց այնտեղից, չար բան նախազգաց, որովհետեւ սովորաբար նրա տունը միշտ լի էր և բոլոր լուսամուտները լուսաւորուած՝ սեղանների վրայ դրուած ճրագներով: Իսկ կոնժողների աղաղակները թնդում էին գիշերուան խաղաղութեան մէջ, այնպէս որ փողոցի ներքին ծայրից կարելի էր լսել, թէ և փողոցն երկար էր և տանուտէրի տունը նրա վերին ծայրին էր գտնուած: Այս անսովոր խաղաղութիւնից տանուտէրը շատ վախեցաւ: Նա կատաղութեամբ բացեց դուռը և ասաց. այս ի՞նչ է նշանակում, որ այստեղ մարդ չկայ: Նրա կինը ողբում էր մի անկիւնում: Այ մարդ, դու կրկին այստե՞ղ ես, Աստուած իմ, ի՞նչ դժբաղդութիւն է պատահել: Թշնամիներդ ուրախանում են գիւղում և ոչ որ չէ համարձակում գոնէ մի բաժակ գինի խմել մեղ մօտ: Ամենքն ասում են, որ քեզ անտառից տարել են Արնբուրգ:

Ինչպէս բռնուած վարազը կապած ժամանակ մըրթմըրթում է, ժանիքները բացանում, ոլորում աչերն ու կատաղութիւն արտայայտում, այնպէս էլ այժմ Հումելը կատաղեց, սկսեց ոտքով տրոփել, աղաղակել և մտածում էր Արներին վրէժխնդիր լինել: Յետոյ սկսեց ինքն իրեն խօսել. — այսպէս ուրեմն երկիրը զբնւում է իր իրաւունքներից: Նա կամենում է պանդոկապետ լինելու իրաւունքն ինձնից յափըշտակել և իրեն սեպհականել: Անյիշատակ ժամանակներից տանուտէրները միշտ պանդոկապետ են եղել, ամեն գործ մեր ձեռքովն էր անցնում: Իսկ սա այժմ ինքն է ամեն տեղ վազում, հարցնում ամեն մի չնչին բանի մասին, այդ պատճառով էլ այժմ տեղից վերկացողը գիմադրում է դատաւորին և ասում, որ ինքն էլ կարող է Արների հետ խօսել:

Այսպիսով դատարանը գրկւում է իր նշանակութիւնից և մենք լուծւում ենք, ինչպէս միւս անպիտանները, մինչդեռ նա մեզնով անպատում և ոչնչացնում է երկրի հին իրաւունքները: —

Այսպէս յեղաշրջում էր ծեր խաբեբան ագնիւ տիրոջ

բարի և իմաստուն գործերը, մըրթմըրթում և վրէժխնդրութեան մասին էր մտածում, մինչև որ քնեց:

6.

ԲՈՒՆ ՌԱՄԿԱԿԱՆ ԽՕՍԱԿՑՈՒԹԻՒՆ

Հումեղն առաւօտը վաղ վերկացաւ և սկսեց պատուհանի տակ երգել և սուլել, որպէս զի տեսնողները կարծեն, թէ երէկուայ դէպքի մասին չէ հոգում: Բայց նրա հարեւան Փրիցը կանչեց փողոցի միւս կողմից. — այսպէս կանուխ արդէն հիւրեր ունիս, որ այդպէս ուրախ ես և ծիծաղեց ինքն երեն:

Նրանք կգան շուտով, Փրից, ասաց տանուտէրը, օղիի բաժակը պատուհանից դուրս մեկնեց և գոչեց. Փրից, ուզո՞ւմ ես մի մի կոնծենք: Դեռ ևս շատ կանուխ է, պատասխանեց Փրիցը, ուզում եմ սպասել մինչև աւելի շատ մարդիկ գան: — Դու միշտ նոյն խորամանկն ես, ասաց տանուտէրը, բայց հաւատա՛, որ երէկուայ կատակն այնքան էլ վատ հետեանք չի ունենայ: Ո՛չ մի թռչնակ թռած բարձրութեան վրայ չէ մնում, այլ կրկին ցած է իջնում:

Չգիտեմ, պատասխանեց Փրիցը, իմ ասած թռչունը դեռ ես չի իջել: Սակայն գուցէ մենք խօսում ենք տարբեր թռչունների մասին: Նախաճաշի են կանչում, տանուտէր, ուզո՞ւմ ես ինձ հետ նախաճաշել, ասաց Փրիցը և փակեց պատուհանը:

— Կարճ կտրեց, փընթփընթաց տանուտէրն ինքն իրեն, և այնպէս շարժեց գլուխը, որ մազերն ու այտերը դողացին: Կարծեմ որ սատանայի աշխատանք պիտի ունենամ, մինչև որ երէկուայ եղելութիւնը մոռացութեան տրուի, ասում էր նա ինքն իրեն, բաժակը լցնում, խմում և նորից խօսում. արիացիր, երբ գայ ժամանակը, կգայ և խորհուրդը: Այսօր չաբաթ է, մեր յիմարները մազերը խուզել են տալիս. կերթամ սափրիչի մօտ և այնտեղ մի բաժակ գինով ամենքը՝ մէկը միւսի ետևից կհնազանդուին ինձ: Գիւղացիք ինձ բահանայից տասն անգամ աւելի են հաւատում. տանուտէրը խօսեց ինքն իրեն ու դարձաւ կնոջը, խողի փուչիկը լցնող ծխախոտով, սակայն ՚չ իմ գործածածից, այլ անհոգի, դա լաւ է անպիտանների համար: Իսկ երբ սափրիչի աշա-

կերտը գինի տանելու գայ, տուր նրան երեք անգամ ծծմբա-
խառն գինուց և իւրաքանչիւր չափի մէջ լցրու մի բաժակ
օղի: Յետոյ Հոռմէլը դուրս գնաց, բայց փողոցի վրայ, իրենց տան
մօտ, նորից մտածեց, յետ դարձաւ և ասաց կնոջը. կա-
րող է պատահել, որ անպիտաններն ինձ էլ խմեցնեն,
պէտք է զգուշանամ, ուղարկիր դեղին ներկած ջրից,
երբ ես «La Cote» պահանջեմ և ինքդ անձամբ բեր: Յե-
տոյ դարձեալ դուրս գնաց, բայց սափրիչին հասնելուց ա-
ռաջ, ուսումնարանի մօտի լոռենու տակ, պատահեց Նի-
քէլ Շալիցին և Եօզլի Րուբէլին:

Ո՛ւր ես գնում շաբաթ օրուայ հագուստով, պարոն
տանուտէր, հարցրեց Նիքէլ Շալիցը:

— Պէտք է երեսս սափրել տամ:

Նիքէլ: Ջարմանալի բան է, որ արդէն շաբաթ
առաւօտը ժամանակ ունիս դրա համար:

Տանուտէր: Զջմարիտ է, տարուայ ընթացքում միշտ
այդպէս չէ լինում:

Նիքէլ: Ոչ, երկար ժամանակ է, որ դու միշտ կիւրա-
կի առաւօտ, քարոզի ժամանակն էիր գալիս վարսավիրայի մօտ:

Տանուտէր: Այո՛, մի երկու անգամ:

Նիքէլ: Այո՛, մի երկու և վերջին անգամ, որովհետեւ
այն օրից, երբ տէրտէրը քո շունն եկեղեցուց դուրս հա-
նել տուեց, այլ ևս եկեղեցի չես գնում:

Տանուտէր: Խեղար ես, Նիքէլ, որ այդպիսի բաներ
ես խօսում: Շան հալածելն ես վաղուց մոռացել եմ:

Նիքէլ: Ես եթէ տէրտէր լինէի, գրանով չէի բաւականանալ:

Տանուտէր: Խեղ՞ք կաց, Նիքէլ և հետո արի, գուցէ
սափրիչի մօտ մէկը գինի բերել տայ:

Նիքէլ: Շատ շնորհակալ կլինես ա՛յ սափրիչից, եթէ
նա իր տանը գինի խմեցնել տայ ուրիշներին*):

Տանուտէր: Ասածիդ կէսի չափ անգամ ագահ չեմ.
այժմ էլ կամենում եմ իմ պանդոկապետութեան իրաւուն-
քը բոլորովին խլել: Սակայն Նիքէլ, դեռ այդ օրին չենք հասել:
Նա, որի մասին ես ակնարկում եմ, դեռ ամենաքիչը վեց շաբաթ

*) Տանուտէրն իբրեւ պանդոկապետ իրաւունք չէր տալիս, որ
մի այլ տան մէջ, բացի իր պանդոկից, մի որեւէ դէպքի առիթով գի-
նի տրուի ուրիշներին:

և երեք օր պէտք է աշխատէ, մինչև որ այդ իրաւունքը ստանայ:

Նիքէլ: Հաւատում եմ. բայց և այնպէս քեզ համար լաւ չէ, որ երիտասարդ պարոնն իր պապի հաւատը խախտեց քո վերաբերութեամբ:

Տանուտէր: Այո, նա իր պապի հաւատը չունի բոլորովին:

Նիքէլ: Ես վստահ եմ մինչև անգամ, որ նա նոյն իսկ տասերկու պատուիրաններից ոչ մէկի վերաբերութեամբ իր պապի հաւատակիցը չէ:

Տանուտէր: Վարդ է պատահել, սակայն հանգուցեալն ինձ համար մի այլ մարդ էր:

Նիքէլ: Հարկաւ: Նրա դաւանութեան առաջին պատուիրանն էր. հաւատում եմ քեզ, իմ տանուտէրին:

Տանուտէր: Զուարճալի է. երկրորդ պատուիրանն ինչ էր:

Նիքէլ: Չգիտեմ ճիշտը, կարծեմ այսպէս էր. բացի քեզանից, իմ տանուտէրից, ես ոչ ոքի խօսքը չեմ հաւատում:

Տանուտէր: Դու պէտք է տէրտէր դառնայիր, Նիքէլ, դու ոչ միայն կբացատրէիր քրիստոնէական վարդապետութիւնը, այլ մի ուրիշն էլ կյօրինէիր:

Նիքէլ: Այդ ինձ թել չէին տալ, սակայն եթէ անէի, այնպէս պարզ կգրէի, որ մանուկներն առանց տէրտէրի հասկանալին, այն ժամանակ վերջինս էլ բանի պէտք չէր լինի:

Տանուտէր: Շարունակենք մեր խօսքը, Նիքէլ, քրիստոնէական վարդապետութիւնն էլ նոյն է ինձ համար, ինչ որ մի այլ բան — ապագայից երբէք աւելի շատ չի կարելի սպասել:

Նիքէլ: Այդ մի առած է, որ երբեմն ճշմարիտ է, երբեմն ոչ. քեզ համար, ինչպէս երեւում է, ուղիղ է նոր կալուածատիրոջ վերաբերմամբ:

Տանուտէր: Դեռ ուրիշներին էլ կյարմարուի, եթէ համբերութիւն ունենաք. ես այնչափ էլ երկիւղ չեմ կրում այսնոր պարոնից:

Նիքէլ: Ճշմարիտ է, սակայն և այնպէս քո ժամանակն անցել է:

Տանուտէր: Նիքէլ, ես հօ մի անցեալ ունեցել եմ, թող այժմ ուրիշներն որոնեն:

Նիքէլ: Ճշմարիտ է, մի ժամանակ դեր էիր խաղում, բայց այդպէս կլինէր իհարկէ, բանի որ գրագիրը և փոխանորդը քո պարտապաններն էին:

Տանուտէր: Այդպէս էին ասում, բայց ճշմարիտ չէր:
Նիքէլ: Ինչպէս թէ ճշմարիտ չէր, չէ՞ որ մի
երկուսի հետ վեճ ունեցար, երբ նրանք փողդ չէին կա-
մենում վերադարձնել:

Տանուտէր: Խելար, կարծես թէ ամեն բան գիտես:

Նիքէլ: Աւելի շատ բան գիտեմ: Ես այն էլ գիտեմ, թէ
դու Ռուդիի հօր հետ ինչպէս անխիղճ դատ վարեցիր. ես
տեսայ բեզ շան որջի մօտ, դարմանի մէջ, Ռուդիի պատուհա-
նի առաջ փորիդ վրայ ընկած, երբ նրա փաստաբանը մօտն էր:
Մինչև առաւօտեան ժամի երկուսը փորիդ վրայ ընկած
լսում էիր՝ ինչ որ սենեակում խօսում էին: Այնօրը ես էի
գիշերապահ և ամբողջ շաբաթը բեզնից ձրի գինի էի ստա-
նում, որ լուեմ:

Տանուտէր: Դու հերետիկոս ես, ասածիդ ոչ մի խօսքը
ճշմարիտ չէ, բանդ բուրդ կլինէր, եթէ ապացուցանելու
ստիպուած լինէիր:

Նիքէլ: Ապացուցանելու մասին չէ այժմ խօսքը, բայց
որ այդ ճշմարիտ է, ինքդ էլ լաւ գիտես:

Տանուտէր: Լաւ է, որ յետ ես առնում խօսքդ:

Նիքէլ: Սատանան փչեց գլխիդ՝ մութ գիշերուայ մէջ դար-
մանի տակից ականջ դնելու միտքը: Դու լսեցիր բոլոր խօս-
քերը և դրանով կարողացար գրագրի մօտ քո իսկական
ցուցմունքները յեղաշրջել:

Տանուտէր: Ի՞նչեր ես խօսում:

Նիքէլ: Ինչեր եմ խօսո՞ւմ. եթէ գրագիրը քո իսկա-
կան ցուցմունքները չփոփոխէր դատաւորին ներկայացնելուց
առաջ, Ռուդին այժմ էլ կունենար իր մարգագետի-
նը և Աիւստն ու Կայբախերը ստիպուած չէին լինի
երդուելու:

Տանուտէր: Այո՛, դու ճիշտ այնպէս ես հասկանում
գործը, ինչպէս անուս վարժապետն երբայեցերէն:

Նիքէլ: Եթէ ես այդ չհասկանայի էլ, բեզնից կսովորէի:
Ինքդ բանի՞, բանի անգամ իմ ներկայութեամբ ծիծաղել ես
քո հնազանդ ծառայ գրագրի վրայ:

Տանուտէր: Այո՛, ճիշտ է. սակայն քո ասածները
չէր անում նա: Ճշմարիտ է, նա շատ խորամանկ սա-
տանայ էր, Աստուած ողորմի հոգուն, սուրբ Միքայէ-

լին 10 տարի կլինի, ինչ որ նա գետնի տակն է:

Նիքէլ: Ինչոր դժոխքն է իջել, ուզում ես ասել:
Տանուտէր: Այդ լաւ չէ. մեռածների մասին չար
չպէտք է խօսել:

Նիքէլ: Նթէ այդ չասելի, ես կպատմեի թէ ի՞նչպէս
վարուեց նա Նիօպալի որդոց հետ:

Տանուտէր: Ինչպէս երևում է, մահուան անկող-
նում նա քեզ է խոստովանել, որ ամեն բան լաւ գիտես:

Նիքէլ, Այո, գիտեմ:

Տանուտէր: Ամենից լաւն այն էր, որ ես գործը տա-
րայ: Նթէ դու գիտենայիր, որ այդ գործը տանուլ եմ
տուել, այն ժամանակ միայն կցաւէի:

Նիքէլ: Ո՛չ, ես լաւ գիտեմ, որ գործը տարար.
բայց այն էլ գիտեմ, թէ ի՞նչպէս:

Տանուտէր: Գուցէ, գուցէ և ոչ:

Նիքէլ: Աստուած փրկէ գրչից բոլոր աղքատ մարդկանց:

Տանուտէր: Իրաւունք ունիս, միայն պատուաւոր և հա-
րըստութիւն ունեցող մարդիկ պէտք է իրաւունք ունենային
դատարանի առաջ գրելու: Այդ շատ լաւ կլինէր, Նիքէլ, սա-
կայն ի՞նչ արած, պէտք է եղածով բաւականանալ:

Նիքէլ: Տանուտէ՛ր, բո իմաստուն խօսքը յիշեցնում
է ինձ մի առակ, որ մէկ անգամ լսել եմ մի էլզասցի ուխ-
տաւորից: Սա պատմեց՝ սեղանի շուրջը ժողովուած բոլոր
մարդկանց առաջ, որ մի միայնակեաց ամբողջ աշխարհը նը-
կարագրել է մի առակագրքի մէջ և ինքը համարեա՛
այդ ամբողջ գիրքը բերան գիտէ: Մենք խնդրեցինք, որ այդ ա-
ռակներից մէկը պատմէ, և նա պատմեց ուղիղ այն առակը,
որ այժմ ինձ յիշեցրիր:

Տանուտէր: Եւ ո՞րն է այդ, շատախօս:

Նիքէլ: Հետեւեալն է. — բարեբաղդաբար դեռ գի-
տեմ — «Ոչխարը գանգատւում և լալիս էր, որ գայլը, ա-
ղուէսը, շունն և սպանդարարը նրան սաստիկ չարչարում
են: Մի աղուէս, որ հէնց փարախի առաջն էր կանգնած,
լսեց այդ գանգատը և ասաց ոչխարին. միշտ պէտք է գոհ լի-
նել այն իմաստուն կարգերից, որ աշխարհումս գոյութիւն
ունին, եթէ այլ կերպ լինէր, աւելի վատ կլինէր»:

Դրա հետ համաձայն եմ, պատասխանեց ոչխարը, երբ

փարախի դուռը փակ է, իսկ եթէ բաց լինէր, ասածդ ճշմարտութիւն չէր լինի ինձ համար»:

Դրանից նա հանեց հետեւեալ բարոյականը. «հարկաւ լաւ է, որ գայլերը, աղուէսներն և գիշատիչ կենդանիները գոյութիւն ունին. սակայն նոյնպէս լաւ է, որ փարախներն օրինաւոր փակուին, և բարի ու թոյլ կենդանիներն գիշատիչների դէմ լաւ հովիւներ և պահապան շներ ունենան»:

«Աստուած պահպանէ իմ խրճիթը, աւելացրեց ուխտաւորը, ամեն տեղ գիշատիչ կենդանիները շատ են, իսկ բարի հովիւները սակաւ: Սո՛ւրբ Աստուած, դո՛ւ գիտես, թէ ինչու է այսպէս, մենք պէտք է լռենք»: Նրա ընկերները կրկնեցին. «Այո՛, պէտք է լռենք...» և ապա աղօթեցին. «Տո՛ւ սուրբ Աստուածածին, աղաչիր մեզ համար այժմ և մեր մեռնելու ժամանակ. ամէն»:

Մենք բոլորս զգացուեցանք, երբ ուխտաւորներն այսպէս աղօթում էին. թէև այլ դէպքում յայտնի է, որ «սուրբ Աստուածածին, աղաչիր մեզ համար» խօսքերը բողոքականներիս վրայ շատ էլ չէ ազդում, սակայն այդ րոպէին մենք ներքուստ յուզուած էինք:

Տանուտէր: Հաւատում եմ:

Նիքէլ: Զարմանում եմ, որ հաւատում ես:

Տանուտէր: Ինչո՞ւ չէ. ոչխարային գթասրտութիւնը պէտք է հարկաւ նոյնպէս ոչխարի գլուխ և ոչխարի սիրտ ունեցողներին խիստ յուզէր. սակայն այդ սրտագին ոչխարային կարծիքով գայլերը, աղուէսներն և բոլոր այդպիսի կենդանիները քաղցից կսատակէին:

Նիքէլ: Եւ այդ փնաս էլ չէր լինի:

Տանուտէր: Դի՞շտ գիտես այդ:

Նիքէլ: Ոչ — յիմար բան ասացի — նրանք չպէտք է սովից սատակեն. հոտած դիակներ և վայրենի կենդանիներ կգտնեն և այդ է նրանց բաժինը և ոչ թէ ընտանի կենդանին, որ մարդկանց հոգացողութեամբ և ծախսերով է խնամւում ու պահպանւում:

Տանուտէր: Ուրեմն դու է՛լ չես թողնում նրանց բոլորովին սովից սատակելու: Այդ արդէն շատ է ընտանի կենդանիների բարեկամի համար. սակայն ես մրսում եմ, ե՛կ սենեակ:

Նիքէլ: Չեմ կարող, ես պէտք է գնամ:

Տանուտէր: Է՛, Տէր ընդ ձեզ, դրացիներ՝, ցտեսութիւն: Նա ներս մտաւ: Ռուբէլն ու Նիքէլը մնացին մի վայր: Կեան կանգնած, յետոյ Ռուբէլն ասաց Նիքէլին. դու նրան թթու բաներ ուտացրիր:

Նիքէլ: Կցանկանայի պղպեղած էլ լինէր, որ մինչև առաւօտ նրա լեզուն այրէր:

Ռուբէլ: Ութ օր առաջ այդպէս չէիր խօսի նրա հետ:

Նիքէլ: Ութ օր առաջ նա էլ այդպէս չէր պատասխանի:

Ռուբէլ: Այդ էլ ճշմարիտ է: Իմ շունն էլ, երբ առաջին անգամ դնչկալ կրեց, այդպէս խաղաղ էր:

Նիքէլ: Երբ ամանը լիքն է լինում, թափուում է փերից. այդ միշտ և ամենքի համար ճշմարիտ է եղել և տանուտէրի համար էլ ճշմարիտ կլինի:

Ռուբէլ: Աստուած ազատէ պաշտօններից: Ես չէի կամենալ տանուտէր լինել, նոյն իսկ եթէ նրա երկու ազարակներն էլ ինձ տային:

Նիքէլ: Իսկ եթէ միայն կէսն առաջարկէին և տանուտէրի պաշտօնն էլ հետը միասին, ի՞նչ կանէիր:

Ռուբէլ: Խելա՛ր:

Նիքէլ: Խելացի, ասա, ի՞նչ կանէիր. տեսնում ես, դու իսկոյն կհամաձայնէիր, երկոյն վերարկուի մէջ կփաթթուէիր և տանուտէր կլինէիր:

Ռուբէլ: Այդպէ՞ս ես կարծում:

Նիքէլ: Այո՛, այդպէս եմ կարծում:

Ռուբէլ: Մենք ժամանակ ենք կորցնում վայրահաչուութեամբ, միաս բարեւ, Նիքէլ:

Նիքէլ: Մնա՛ս բարեւ, Ռուբէլ:

7.

ՆԱ ՏԱՆՈՒՏԷՐԻՆ ԶԱՏՈՒԿ ՄԻ ԳՈՐԾ Է ՍԿՍՈՒԾ

Երբ տանուտէրը սափրիչի սենեակը մտաւ, նստելուց առաջ բարեւեց սափրիչին, նրա կնոջն և գիւղացիներին՝ առանց հաղալու: Ուրիշ ժամանակ նա միշտ առաջ հաղում էր և նստելուց ու թքելուց յետոյ էր բարեւ ձեզ ասում:

Գիւղացիները պատասխանեցին ծիծաղելով և գլխարկներն առաւել արագ ծածկեցին բան այլ անգամ, երբ տա-

նուտերը նրանց բարեւում էր: Նա սկսեց շուտով իր խօսակցութիւնը — միշտ լաւ եկամուտ ունիս, վարպետ սափրիչ և այնչափ գործ ունիս, որ զարմանում եմ թէ ինչպէս ես այս բոլորը մե: Նա կ'երկու ձեռքով անում: Սափրիչն ընդհանրապէս խաղաղ մարդ էր և այսպիսի խօսքերին չէր ախորժում պատասխանել. սակայն տանուտէրը մի քանի ամիս շարունակ ամեն կիրակի առաւօտ, քարոզի միջոցին, այսպիսի խայթող խօսքերով բարկացել էր նրան և ինչ էլ լինէր, այս անգամ ցանկանում էր պատասխանել ու ասաց. պարոն տանուտէր, դուք չպետք է վարմանաք, որ մարդ կարող է երկու ձեռքով շատ աշխատել, բայց թիչ վաստակել, ձեզ աւելի այն պէտք է զարմացնէ, որ մարդ կարող է երկու ձեռքով ոչինչ չշինել, սակայն շատ փող վաստակել:

Տանուտէր: Ըշմարիտ է, սափրիչ. այդ էլ պէտք է փորձէիր, շնորհքն էլ այդ է. պէտք է ձեռքերը մի որոշ դիրքով և եղանակով միմեանց վրայ դնել, ինչպէս հարկն է և այդպիսով կտուրից ոսկի կանձրեւէ:

Սափրիչն առաւել համարձակութիւն ստացաւ և ասաց. ո՛չ, այդպէս չէ, տանուտէր, այլ պէտք է փաթաթուել երկգոյն վերարկուի մէջ և ասել հետեւեալ երեք խօսքերը. այլ ալիս է, երդուում եմ. այս ալիս է և յաջող դէպքում պէտք է բարձրացնել 3 մատը դէպի վեր և երկուսը դէպի ցած և բսակները կլցուին փողով:

Տանուտէրը կատաղեց և պատասխանեց. դու կարող էիր կախարդել, սափրիչ: Սակայն ուրիշ տեսակ չի կարելի, քո գործի տէր մարդիկ անհրաժեշտ է, որ կախարդանք և ստանայական արուեստ հասկանան:

Այս արդէն բաւական էր բարի սափրիչին. նա շատ զղջաց, որ տանուտէրի հետ բանակութեւ սկսեց և լռեց՝ թոյլ տալով ուրիշներին խօսելու ու խիստ հանդարտ կերպով սապնեց իր առաջ նստած մարդու երեսը:

Բայց տանուտէրը շարունակելով ասաց. սափրիչը կատարեալ պարոն է, նա կարող է մեզպէսներին չպատասխանել: 2^է որ նեղ վարտիկ ու քաղաքացու կոշիկներ ունի և կիրակի օրերը ձեռնոց է հագնում. նա քնքոյշ ձեռքեր և քաղաքացի գրագրի սրունգներ ունի:

Գիւղացիները սիրում էին սափրիչին. այդ էլ լսել էին

արդէն և չծիծաղեցին տանուտէրի կատակի վրայ: Միայն երիտասարդ Գալլին, որ սափրուում էր, չկարողացաւ քաղաքային գրագրի սրունգների վրայ իր ծիծաղը բռնել, — որովհետեւ հէնց նոր էր եկել դիւանատնից, ուր նոյնպէս հասել էր սրունգների կատակը — սակայն սափրիչը կըտրեց նրա վերին շրթունքը: Այս գէպքը տհաճութիւն պատճառեց գիւղացիներին, այնպէս որ բոլորն էլ գլուխները շարժեցին և պառաւ Ուլին բերանից հանեց ծխամորժն ու ասաց. տանուտէ՛ր, լաւ չէ, որ սափրիչին այդպիսի անհանգստութիւն ես պատճառում: Միւսները տեսնելով, որ ծեր Ուլին չքաշուեց և բարձր ձայնով ասաց այդ, իրենք էլ մոմռացին բարձրաձայն և ասացին. Գալլի շրթունքից արիւն է հոսում, մենք չենք կարող այս դրութեամբ սափրել տալ մեզ:

Ցաւում եմ, ասաց տանուտէրը. թող տուժեմ ուրեմն. ա՛յ տղա՛, գնա՛ երեք շիշ գինի բեր. գինին վերքերը բժշկելու յատկութիւն ունի:

Հէնց որ տանուտէրն սկսեց գինուց խօսել, գիւղացոց մոմռալն այսպիսացաւ: Միքանիսը թէև չէին հաւատում, որ Հումելն առանց կատակի է ասում այդ, բայց անկիւնում նստած Լէնքը բացատրեց հանելուկը և ասաց. տանուտէրի գինին երէկ գերեզմանատանն իր արժէքը կորցրեց:

Տանուտէրը վերցրեց իր ծխախոտով լի քսակը և դրեց սեղանի վրայ. առաջին անգամ մի ծխամորժի ծխախոտ պահանջեց Գրիստէն, փողոցային երգիչը. Հումելը տուեց. շուտով եկան միւսներն էլ և սենեակը լցուեց այդ հոտած ծխախոտի ծխով: Բայց տանուտէրը ծխում էր լաւ տեսակից: Այդ միջոցին սափրիչն ու դրացիները դեռ լուռ էին և աղմուկ չէին հանում: Վարպետ Ուրիասին այդ լաւ չթուաց. նա բարձր ու ցածր էր անում սենեակում և ցուցամատը քթի վրայ պտտեցնում, ինչպէս անում էր միշտ, երբ մի բան նրա սրտովը չէր լինում. «չատ ցուրտ է այստեղ, այսպէս ես ոչինչ չեմ կարող անել», ասաց նա ինքն իրեն, յետոյ դուրս գնաց, աղախնին մի քանի կոպէկ տուեց, որ աւելի լաւ տաքացնէ և շուտով սենեակը տաքացաւ:

8.

ՄԻՆԶԵՒ ԱՆԻՒԼ ԶԻՒԼԵՆ՝ ՍԱՅԼԸ ԶԻ ՇԱՐԺՈՒԻ

Այդ միջոցին բերին ծծմբախառը գինին. — բաժակներ բեր, վարպետ սափրիչ, ասաց տանուտէրը. սափրիչի կինն ու մանուկները շուտով բերին բաւականաչափ բաժակներ: Գիւղացիներն ամենքն էլ մօտեցան գինու գաւերին և տանուտէրը լցրեց բաժակները: Թէ ծեր Ուլին և թէ միւս բոլոր գիւղացիները գոհ էին և երիտասարդ Գալլի վերքի մասին չէին էլ խօսում: Եթէ յիմարը հանգիստ նըստէր, ասում էին նրանք, սափրիչը չէր կտրի նրա շրթունքը: Հետզհետէ բոլորի ունենները բացուեցին և շուտով բարձրացաւ արբեցողների աղաղակը: Ամենքը դարձեալ գովում էին տանուտէրին և որմնագիր Աինհարդը մէկ սեղանի վրայ կոչւում էր անպիտան, իսկ միւսի վրայ՝ մուրացկան: Մէկը պատմում էր թէ ինչպէս նա ամեն օր լաւ կոնծում էր, իսկ այժմ սուրբ է ձեւանում. միւսը պատմում էր, որ ինքը հասկանում է թէ ինչո՞ւ գեղեցիկ Գերարուպն է գնացել ամրոց՝ երիտասարդ պարոնի մօտ, և ոչ ինքը, որմնագիրը. մի երրորդը՝ թէ ինչպէս ինքը գիշերն երազում տեսաւ, որ տանուտէրը շուտով պիտի տրորէ որմնագրի քիթը: Ինչպէս որ մի քանի զզուելի թռչուններ կտուցը խրում են հոտած ջրի մէջ և փթող աղբից կերակրւում, այնպէս էլ Հումելն ամոքում էր իր չար սիրտը գիւղացիների խօսակցութիւններով: Բայց ինքը շատ լուրջ և մտածելով էր մասնակցում այդ արբեցողների և դատարկախօսների աղմուկին: Դրացի Ռիխտեր, ասաց նա և առաջարկեց նրան մի բաժակ, դուք և մի ուրիշ երդուեալ ներկայ էիք վերջին հաշուին: Դուք գիտէք, որ այն ժամանակ որմնագիրն 30 գուլդէն պարտ մնաց ինձ. ահա՛ կէս տարի է և նա դեռ մի գրոշ սնդամ չէ վճարել: Ես այդ փողը նրանից չեմ էլ պահանջել և ոչ մի վատ խօսք ասել նրան, բայց կարող է պատահել, որ ես կորցնեմ իմ փողի մինչև իսկ վերջին կոպէկը:

Այդ հասկանալի է, կրկնեցին գիւղացիները, դու այլ ևս ոչ մի գրոշ չես տեսնի քո փողից և բաժակները լցրին: Սակայն տանուտէրը հանեց գրպանի օրացոյցի միջից որմ-

նազրի ձեռագիրը, դրեց սեղանի վրայ և ասաց. ահա՛, կարող էք տեսնել՝ թէ արդեօք ասածս ճշմարիտ է:

Գիւղացիները տնտղեցին ձեռագիրը, կարծես թէ կարգալ իմանային և ասացին. որմնադիրը խաբեբայ է: Եւ փողոցային երգիչ Քրիստէն, որ չաւ կոնծում էր, թեւքերով սրբեց իր ռեխը, կանգնեց, բարձրացրեց բաժակը և գոռաց. կէցցէ՛ տանուտէրը, թող սատկեն բոլոր շողոքորթները. յետոյ բաժակը դատարկեց, նորից տուեց լցնողին, նորից դատարկեց և երգեց.

Ուրիշներին փոս փորողը,
Այլոց որոգայթ լարողը,
Թէ և լինի չար սատանայ,
Եւ բարձր դիրքի արժանանայ,
Դարձեալ կընկնի, ինչպէս կասեն,
Վերջի վերջոյ աղբի միջին:

9.

ԵՐԿՐԻ ԻՐԱՒՈՒՆՔՆԵՐԸ

Այդպէս մի աղաղակի, Քրիստէն, ասաց տանուտէրը, անօգուտ է: Շատ կցաւէի, եթէ որմնադրին մի դժբաղդութիւն պատահէր: Ես սիրով ներում եմ նրան, որովհետեւ աղքատութիւնից ստիպուած ստեց. բայց վատն այն է, որ օրէնքներն այլ ևս ապահով չեն մեր երկրում:

Գիւղացիներն անշարժ լսում էին, երբնա երկրի օրէնքների մասին էր խօսում. մի քանիսը մինչև անգամ բաժակները մի կողմը դրին:

Ես տարիքով մարդ եմ, դրացիներ և ինձ համար այդ մեծ նշանակութիւն չունի. որդի չունեմ և իմ բանս էլ վերջացած է, բայց դուք զաւակներ ունիք, ձեզ համար ձեր իրաւունքները մեծ նշանակութիւն պէտք է ունենան:

— Այո՛, մեր իրաւունքները, գոչեցին գիւղացիները: Դուք մեր տանուտէրն էք, մի մաղի չափ մի ղիջանէք մեր իրաւունքներից:

Տանուտէր: Այո՛, դրացիներ, պանդոկապետի իրաւունքները համայնքին են պատկանում և այդ թանկագին իրաւունքը պէտք է պաշտպանենք մենք:

Գիւղացիներից մի քանիսը շարժեցին գլուխները և միմեանց

ականջում փսփսացին. նա երբէք համայնքին ոչինչ չէ հարցրել իսկ այժմ ցանկանում է համայնքն էլ այն աղբի մէջ թաղել, որով ինքը շաղախուած է: Բայց մեծամասնութիւնն ևս առաւել աղաղակում էր, երգում, անիծում և պահանջում, որ երկու օրից յետոյ համայնքի ժողով լինի: Հասկացողները լռում էին և կամաց իրենց մէջ ասում. այդ այն ժամանակ կտեսնենք, երբ գինին ձեր գլխներից կգուրս գայ:

Տանուտէրը զգուշութեամբ միշտ իր եռացրած ջրից էր խմում և շարունակում էր տաքացած գիւղացիներին՝ իրենց երկրի իրաւունքների մասին հոգսեր պատճառել:

Դուրք բոլորդ գիտէք, ասաց նա, թէ մեր նախահայր Ռիւպլին 200 տարի առաջ ի՞նչպիսի կռիւներ ունէր այժման փալուածատիրոջ նախահօր հետ: Ծեր Ռիւպլիի *) — պապս շատ անգամ պատմել է ինձ այդ — ամենասիրելի առածն էր. «երբ աղաները գիւղի մուրացկաններին լաւ խօսքեր ասին, այն ժամանակ վայն եկել է գիւղացիներին»: Նրանք այդ առում են, որ գիւղացիների մէջ երկպառակութիւն ձգեն և իրենք միայն իշխեն: Դրացիներ, մենք պէտք է միշտ խաղի մէջ յիմարի դերը կատարենք:

Դիւղացիներ: Դրանից ճիշտ բան չկայ. մենք պէտք է միշտ յիմարը լինինք խաղի մէջ:

Տանուտէր: Այո, երբ ձեր դատաւորներն այլ ևս նշանակութիւն չունին, դուք օգնութիւնից ղուրկ զինուորների վիճակումն էք: Նոր կալուածատէրը խորամանկ է սատանայի պէս: Այդ ոչ որ չէ տեսնում և հարկաւ առանց պատճառի նա ոչ որին մի բարի խօսք չէ ասում: Եթէ դուք միայն իմ գիտեցածի կէսն իմանայիք, այն ժամանակ ես կարիք չէի ունենալ խօսելու, բայց դուք էլ յիմարներ չէք, մի բան կնկատէք և կզգուշանաք:

Էրին, Որի հետ տանուտէրն առաջուց պայմանաւորուել էր և այժմ նշանացի արել, պատասխանեց. կարծում ես,

*) Ռիւպլին Բօննալի պատուարժան նախահայրերից մէկն էր և Արնհայմի ծեր ժառանգի դէմ հաւատարմութեամբ պաշտպանել էր իր համայնքը և իր ունեցած չունեցածը կորցրել, որ գիւղն աղային չծառայէ: Սակայն այս առածը, որ Հումելը նրա բերանն է դնում, ոչ որ չգիտէ ճշտութեամբ, որ նա իր ամբողջ կեանքում մի անգամ ասած լինէր:

տանձուտէր, մենք չենք նկատում որ Արները կամե-
նում է պանդոկապետի իրաւունքը գրաւել:

Տանուտէր: Նկատում էք:

Գիւղացիներ: Այո, Աստուած վկայ, բայց չենք կա-
րող թոյլ տալ: Մեր զաւակները պէտք է այժմեանի պէս ա-
ղատ պանդոկ ունենան:

Էջի: Ամբողջում Արները կարող է մի չափ գինին մի
դուկատով ծախել մեզ վրայ և մենք խաբեբաներ կլինէինք
մեր զաւակների առաջ:

Տանուտէր: Այդ էլ չափազանցութիւն է, Էջի, մի չափ
գինին չի կարող մի դուկատի հասցնել:

Էջի: Այո, այո, դարբինն և կառք շինողն այնպէս են
թանկացնում, որ սարսափելի է. նոյն իսկ փայտը տասն
անգամ աւելի թանկ է քան յիսուն տարի առաջ: Ի՞նչ կա-
րող ես ասել, տանուտէր, քանի որ ամեն բանի վրայ հարկ
պէտք է լինի, հարկաւ պէտք է թանկանայ. Ի՞նչ ես կար-
ծում՝ որչափ կարժենայ մի չափ գինին, եթէ միայն ամբո-
ցում կարելի լինէր քնել. այժմ էլ հօ թանկ է:

Տանուտէր: Այդպէս է, այժմ ամեն բանում առաւել
ստիպմունք և արգելք կայ, ուստի և ամեն բան թանկանում է:

Այո, այո, և մենք այս ամենը պէտք է տանենք...
ասում էին գիւղացիները, աղաղակում, խմում և սպառնում:
Խօսակցութիւնը վերջապէս դարձաւ մի այնպիսի կատաղի, վայ-
րենի աղաղակ, որ այլ ևս նկարագրել չեմ կարող:

10.

ՍԱՓՐԻՉԻ ՀՈՒՆՆ ԱՆԺԱՄԱՆԱԿ ԽՄՈՒՄ Է ԶՈՒՐԸ ԵՒ ՓՉԱՑ-
ՆՈՒՄ ՊԱՐՈՆ ՏԱՆՈՒՏԷՐԻ ԵԱԶՈՂ ԽԱՂԸ

Մեծամասնութիւնն արդէն հարբած էր և փողոցային
երգիչ Քրիստէն, որ տանուտէրի մօտ էր նստած, ամենից թունդ
էր հարբած: Սա աղաղակեց. ճանապարհ տուէր ինձ: Տանուտէ-
րը և գիւղացիները վերկացան և նրան տեղ տուին, բայց
նա օրօրուեց սեղանի վրայ և դիպչելով տանուտէրի ջրի ա-
մանին՝ թափեց: Վախեցած տանուտէրը շտապով մաքրեց սե-
ղանի վրայ թափած ջուրը, որ ոչ որ չնկատէ թա-
փուածի ինչ լինելը և իր խաբեբայութիւնը տեսնէ. սակայն
սափրիչի սեղանի տակը թագկացած շունը ծարաւ լինելով՝

Թափուած ջուրը լակեց գետնից. այդ բանը տարաբաղդաբար տեսաւ այն գիւղացին, որ աչքը ձգել էր սեղանի տակ Թափուած ընտիր գինու վրայ. նա ձայն տուեց. ա՛յ բեզ հրաշք և երևոյթ, տանուտէր, ժամանակիս շները գինի են խմում:

Յիմար, վաղուց է խմում են, պատասխանեց տանուտէրը, ձեռքով ու գլխով նշան արաւ և ոտքով խփեց սեղանի տակից, որ լռէ: Հանը նոյնպէս մի հարուած տուեց, որ մի ալլ տեղ որոնէ իր համար, բայց նա ալդ հրամանը չհասկացաւ, որովհետեւ Սափրիչին էր պատկանում: Հունը կլանչեց և սկսեց նորից լակել գետնին Թափուած ջուրը: Ցանուտէրը սփռթնեց, որովհետեւ գիւղացիներից շատերն սկսեցին սեղանի տակը նայել: Հուտով ամեն կողմից սկսեցին քփչալ և շան վրայ մատնացոյց անել: Սափրիչի կինը մինչև անգամ գետնից վերցրեց կոտրուած ամանի կտորները, մօտեցրեց քթին և երբ տեսաւ որ ջրի հոտ է փչում, ուժգին շարժեց գլուխը և բարձր ձայնով ասաց. լաւ բան չէ:

Հետզհետէ գիւղացիներն սկսեցին քփչալ ամեն կողմից. այդտեղ մի բան կայ և սափրիչը քթի տակը փնթփնթաց. տանուտէր, բո լաւ գինին եռացրած ջուր է եղել: Ճշմարիտ է, գոչեցին գիւղացիները: Այս ի՞նչ սատանայութիւն է, տանուտէր, ինչո՞ւ ես ջուր խմում:

Հիփոթուած տանուտէրը պատասխանեց. առողջ չեմ, պէտք է զգուշանամ. բայց գիւղացիները հաւատ չէին ընծայում այդ պատասխանին և հետզհետէ աջ ու ձախ սկսեցին ամենքը դժգոհութիւն յայտնել. բացի դրանից միքանիսն սկսեցին գանգատուել, որ խմած գինին նրանց գլուխը պտտեցնում է և այդպէս չպէտքէ լինէր այդչափ քիչ գինուց: Ներկայ եղող գիւղացիներից երկուսը վերկացան, վճարեցին սափրիչին, մնաս բարեւ ասացին ու գնացին:

Միանգամից, պարոններ, ինչո՞ւ այդպէս յանկարծ հեռանում էք ընկերութիւնից, գոչեց տանուտէրը:

Ուրիշ գործ ունենք, պատասխանեցին այդ մարդիկն ու դուրս գնացին: Սափրիչն էլ դուրս գնաց նրանց ետևից և ասաց. ես աւելի սերով կցանկանայի, որ տանուտէրը դուրս եկած լինէր. ո՛չ մի բանում անկեղծ չէ նա. նոյնպէս և գինու ու ջրի վերաբերութեամբ:

Մենք էլ չենք հաւատում, եթէ ոչ այնտեղ նստած կը մնայինք, պատասխանեցին այդ մարդիկը:

Սափրիչ: Այս հարեցողների աղմուկն էլ տանել չեմ կարող:

Այդ մարդիկը: Թէեւ առիթ չես տուել, սակայն կարող ես փորձանքի մէջ ընկնել: Եթէ ես քո տեղը լինէի, աւելացրեց այդ երկուսից աւագը, ինքս կվերջացնէի բանը: Ես չեմ համարձակում, պատասխանեց Սափրիչը:

— Այլ ևս հին ժամանակը չէ և դու տակաւին տանդ մէջ տէր ես, ասացին այդ մարդիկը:

— Ես կամենում եմ հետևել ձեր ասածին, ասաց Սափրիչը և կրկին դարձաւ իր սենեակը:

— Այդ մարդոց ինչն էր ցաւում, որ այդպէս յանկարծակի վերկացան և գնացին, հարցրեց տանուտէրը:

Սափրիչ: Ես էլ նրանց պէս եմ. այսպիսի մի աղմուկ անպատշաճ բան է և իմ տունը բոլորովին դրա տեղը չէ: Տանուտէր: Այդ էլ նոր կարծիք է:

Սափրիչ: Այո՛, պարոն տանուտէր, ճշմարիտ, ես խաղաղ տեղ եմ սիրում:

Այս բանակոխւել հաճոյ չթուեցաւ միւս պատուելի հիւրերին: Մենք հանգիստ կմնանք, ասաց մէկը. մենք արդար կվարուենք, ասաց մի ուրիշը. միշտ լաւ բարեկամ լինելը լաւ է, ասաց երրորդը. տանուտէր, դարձեալ մի աման գինի բերել տուր, ասաց Քրիստէն:

Այո՛, դրացինե՛ր, ես էլ սենեակ ունիմ, մենք կարող ենք պարոն սափրիչին հանգիստ թողնել, ասաց տանուտէրը:

— Այդ ինձ համար էլ լաւ կլինի, պատասխանեց սափրիչը: Սակայն ինչպէս համայնքի, նոյնպէս և պանդոկապետի իրաւունքը մոռացուեց, ասաց ծարաւ աւագ Երէն:

Թող ինձ հետևէ, ով անկեղծ է, գոչեց սպառնալով տանուտէրը, հայհոյեց, նայեց վայրենի կերպով իր շուրջը, ոչ ոքի մնաս բարեւ չասաց և դուռն այնպէս շուրկացրեց, որ սենեակը դողդողաց:

Ի՛նչ անամօթութիւն, ասացին գիւղացիներից շատերը: Դատապարտելի վարմունք է, ասաց երիտասարդ Մայէրը. ես այլ ևս չեմ գնայ տանուտէրի տուն: Ես էլ չէ՛, պատասխանեց Լեօյպին: Ո՛չ էլ ես. յիշում եմ երեկուայ

առաւօտը, ասաց Ռէնուլդը, ես ամենից մօտիկ էի կանգնած Արներին և լաւ տեսայ, թէ ի՞նչ էր նշանակում այդ։

Գիւղացիները միմեանց էին նայում և չգիտէին թէ ինչ անեն. սակայն մեծամասնութիւնը կրկին նստեց ու մնաց։ Միայն Էրին, Քրիստէն և մի քանի այլ մուրացկաններ սեղանի վրայից առան տանուտէրի դատարկ շշերը և թւերի տակ բռնելով՝ հետևեցին նրան։

Տանուտէրն իր պատուհաններից նայելով դէպի սափրիչի տունը տանող փողոցը և տեսնելով որ ոչ ոք չէ գալիս այնտեղից, ինքն իր վրայ բարկացաւ և ասաց. ի՞նչ յիմարն եմ, շուտով ճաշ կլինի և դեռ ոչինչ չեմ շինել. անպիտանները կոնծեցին ու այժմ էլ վրաս ծիծաղում են. ես նրանց հետ ծծկեր մանկան պէս թոթովեցի և ինձ ստորացրի։ Այո, եթէ ես սյդ շների բարին կամենայի, եթէ այն ինչ որ օգտակար է համայնքի համար, ինձ համար էլ սիրելի ու լաւ լինէր, կամ եթէ արտաքուստ աւելի լաւ կարողանայի այնպէս ցոյց տալ, որ իբրև թէ նրանց բարին եմ ցանկանում, սյն ժամանակ բանս կ'յաջողուէր։ Գիւղական համայնքն իսկոյն սկսում է պարել մի խելօքի ծափով, եթէ հաւատում է նրա բարեմտութեանը։ Սակայն անցած-գնացածը չի կարելի յետ բերել։ Ծեր կալուածատիրոջ ժամանակ համայնքն ինձ համար մի այծի նշանակութիւն էլ չունէր։ Տանուտէր լինելու օրից իմ զուարճութիւնն ու ուրախութիւնն է եղել միշտ յիմարացնել նրանց, հայհոյել և ձեռքիս մէջ ամփոփել. այժմ էլ մտադիր եմ նոյնը շարունակելու, բայց դրա համար պէտք է, որ ինձնից մի փոքր հեռու պահեմ նրանց։ Ամեն մարդու ձեռք սեղմելը, զիջողութիւնը, խորհուրդ տալը, ամենքին «աներորդի» կոչելն էլ չեն օգնում, երբ արդէն ճանաչում են քեզ։ Ես պէտք է պսոտհետևել լուռ և առանձին գործեմ, միայն այն մարդոց բանի դնեմ, որոնց ճանաչում եմ և համայնքը թողնեմ հանգիստ։ Հովիւը չէ խորհրդակցում ոչ խարների հետ, իսկ ես սյսօր այնչափ յիմարացայ, որ կամենում էի այդպէս անել։

Այդ միջոցին եկան դատարկ շշեր բերողները։

Մենակ էր, հարցրեց տանուտէրը, այն շները չկամեցան գալ։

Ո՛չ. ո՛չ մէկը, պատասխանեց Էրին։

Տանուտէր: (ծաղրելով) շատ մեծ նշանակութիւն ունի այդ:

Քրիստէն: (նոյնպէս ծաղրելով) Այո՛, շատ մեծ, ես էլ այդպէս եմ կարծում:

Տանուտէր: Այնուամենայնիւ ես կցանկանայի իմանալ, թէ նրանք ի՞նչ են խօսում ու խորհրդակցում այժմ միմեանց հետ: Քրիստէն, գնա՛ւ և այլ շէտ որոնիր այնտեղ:

Քրիստէն: Բոլորը բերի:

Տանուտէր: Յիմար, այդ միւսնոյն է, գնա՛ւ և որոնիր. իսկ եթէ ոչինչ չգտար, մազերդ խուզել տուր կամ երակիցդ արիւն թողնել տուր, սպասիր ու լսիր այն ամենը, ինչ որ կխօսեն նրանք: Եթէ շատ տեղեկութիւններ կբերես՝ մինչև առաւօտ բեզ հետ կկոնծեմ: Իսկ դ՛ու, Լեօլի, պէտք է գնաս որմնագրի աւագ աշակերտ Յովսէփի մօտ, բայց տես, որ ոչ ոք չնկատէ բեզ: Ասա՛ նրան, որ ճաշի ժամանակ ինձ մօտ գայ:

Մի բաժակ գինի տուր, ծարաւ եմ, ասաց Լեօլին, յետոյ որսի շան պէս կվազեմ ու մի ակնթարթում կրկին այստեղ կլինեմ:

Լա՛ւ, ասաց տանուտէրը և մի մի բաժակ գինի տուեց նրանց: Երբ նրանք գնացին, տանուտէրի ամուսինը միւս երկուսի առաջն էլ գինի զրեց:

11.

ԼԱՒ ՄՏԱԾՈՒԱԾ ԽԱՐԵԲԱՅԱԿԱՆ ՆԱԽԱԳԾԵՐ

Տանուտէրը մտաւ իր սենեակը և ինքն իրեն խորհըրդակցում էր, թէ ի՞նչպէս պէտք է բանը սարքէ, երբ Յովսէփը գայ:

Նա կեղծաւոր է և սատանայի պէս խորամանկ, նրա վրայ կարող եմ յուսալ. նրա կոնծած գինու շատ թալէրները գրուած են իր վարպետի հաշուի մէջ: Նա կվախենայ և ինձ չի հաւատայ—արդէն ճաշի զանգերը խփում են— ես նրան կառաջարկեմ մինչև տասը թալէր. եթէ նա ցանկացածիս պէս անէ, այն ժամանակ երեք շաբաթուայ ընթացքում ամբողջ նոր աւելացրած շինութիւնը կկործանուի: Տասը թալէր տալով չեմ զղջայ, ասաց տանուտէրը: Երբ նա այս-

պէս ինքն իրեն խօսում էր, Լեօլին ու Յովսէփն եկան, բայց առանձին առանձին, որ կասկածի չենթարկուեն:

— Բարեւ, Յովսէփ, վարպետդ չգիտէ՞ արդեօք, որ այստեղ ես:

Յովսէփ: Նա դեռ դղեակումն է, սակայն ճաշին կը գայ: Եթէ ես ժամի մէկին կրկին գործի վրայ լինիմ, իմ բացակայութիւնը չի նկատուի:

Տանուտէր: Լաւ, ես քեզ հետ խօսելիք ունիմ, միայն պէտք է մենակ լինենք, ասաց տանուտէրը և առաջնորդեց նրան ետևի սենեակը, ծածկեց դուռը և փականքը գոցեց: Սեղանի վրայ դրուած էին երշիկներ, խողի միս, գինի և հաց: Տանուտէրն երկու աթոռ դրեց սեղանի մօտ և ասաց Յովսէփին. այսօր ճաշից զրկուում ես այնտեղ, նստի՛ և կե՛ր ինձ հետ միասին:

Այդ կարելի է, պատասխանեց Յովսէփը, նստեց և շարունակեց. պարոն տանուտէր այժմ կարող էք ասել՝ թէ ինչ էք կամենում, ես պատրաստ եմ ծառայելու ձեզ:

Տանուտէր: Աննացդ, Յովսէփ, խմի՛ր և յետոյ այս երշիկների համը տես. դրանք լաւը պէտք է լինին: Ինչո՞ւ չես ձեռք մեկնում, վարպետիդ մօտ աղատ ժամանակ հօ շա՛տ ունիս:

Յովսէփ: Այդ ճիշտ է, բայց այսուհետև աւելի լաւ կլինի, երբ նա դղեակից դործ կստանայ:

Տանուտէր: Յիմար ես, Յովսէփ, այդ դեռ շա՛տ երկար կտևէ. թէև ես սիրով կցանկանայի, բայց նա յարմար չէ մի այդպիսի գործի համար: Նա դեռ ո՛չ մի նշանաւոր շինութիւն չէ արել, բայց այս անգամ քեզ վրայ է յղյս դրել:

Յովսէփ: Կարող է լինել. այդպիսի մի բան կայ, կարծեմ:

Տանուտէր: Այդ շատ լաւ գիտեմ ես և այդ պատճառով էլ կամենում եմ խօսել հետդ: Դու կարող ես ինձ մեծ ծառայութիւն անել:

Յովսէփ: Ծառայ եմ, պարոն տանուտէր: Ձեր թանկագին կենացը:

Դործը քեզ է վերաբերում, որմնագիր, ասաց տանուտէրը, երշիկներ դրեց նրա առաջը և շարունակեց. ես ցանկանում եմ, որ եկեղեցու շրջապատի հիմքը Շվինդիբերուխի հանքի քարերով դրուի:

Յովսէփ: Թո՛ւ, սատանան տանի, պարոն տանուտէր,

այդ անկարելի է, երևի չէք հասկանում. այդ բարը հիմքի համար բոլորովին անպէտք է:

Տանուտէր: Զէ, քարն այնքան էլ անպիտան չէ, քանի՜ շէնքերի վրայ են բանեցրել դրանից. Աստուած վկայ, չպէ՛ն է, իսկ ինձ համար մեծ բաւականութիւն կլինի, եթէ այդ քարահանքը նորից բացուի:

Յովսէփ: Անկարելի է:

Տանուտէր: Այդ ծառայութեան համար կվարձատրուես:

Յովսէփ: Պատն եթէ այդ քարից շինուի, վեց տարուայ ընթացքում կխախտուի:

Տանուտէր: Ե՛հ, ոչինչ չեմ ուզում լսել այդ մապին, դատարկ բաներ են:

Յովսէփ: Վկայ է Աստուած, որ ասածս ճշմարիտ է: Պատի հիմքի մօտ աղբանոցներ կան. իսկ այդ քարն եղևնու փայտի պէս կփթի:

Տանուտէր: Վերջապէս ի՛նչ քո գործն է թէ պատը տաս տարուց յետոյ կկործանուի, թէ աւելի ուշ. վախեցում ես թէ գղեակի տէրը չկարողանայ կրկին նորը շինել տա՛լ: Եթէ ասածս կատարես մեծ վարձատրութիւն կստանաս:

Յովսէփ: Շատ լաւ, բայց եթէ կալուածատէրն ինքը նկատէ, որ այդ քարը բանի պէտք չէ՞:

Տանուտէր: Նա չի կարող հասկանալ. դրա մասին խօսք չի կարող լինել:

Յովսէփ: Մի քանի բաներում նա աւելի շատ գիտէ, քան թէ կարելի էր կարծել: Սակայն դու ինձնից աւելի լաւ ես ճանաչում նրան:

Տանուտէր: Այո՛, այդ նրա խելքի բանը չէ:

Յովսէփ: Եթէ այդպէս է, համաձայն եմ. քարն արտաբուստ գեղեցիկ է և ուրիշ գործի համար շատ լաւը:

Տանուտէր: Ձեռքդ խփիր, եթէ Լինհարզն այդ հանքի քարից գործածէ, հինգ թալէր վարձատրութիւն կստանաս:

Յովսէփ: Շա՛տ է, միայն թէ ձեռքիս լինէր:

Տանուտէր: Աստուած է վկայ, կատակ չեմ անում. եթէ Լինհարզն այդ քարից շինէ պատը, հինգ թալէր կը ստանաս ինձնից:

Յովսէփ: Եթէ այդպէս է, խօսք ես տալիս պարոն

տանուտէր: Ի՞նչ իմ գործն է՝ պաշտպանել զդեակի տիրոջ շահերը:

Տանուտէր: Մի խօսք էլ ունիմ ասելու, Յովսէփ, դեղատանը ծառայող մի պարոն ինձ մի քսակ փռչի է տուել, որ իբրև թէ պատի սրուածքն երկաթի պէս ամուր կպահի, եթէ կրի հետ խառնուի. բայց ես այնքան էլ չեմ հաւատում այդ նեղ-վարտիկ պարոններին, այդ պատճառով էլ կուզենայի առաջ ուրիշի շէնքի վրայ փորձել դրա զօրութիւնը:

Յովսէփ: Այդ կարող եմ անել. մի գիւղացու շէնքի անկիւնի վրայ կփորձեմ:

Տանուտէր: Այդպիսի փորքիկ փորձն օգուտ չունի. թէ յաջող և թէ անյաջող դէպքում մարդ կսխալուի և այդպիսով չի կարելի բոլորովին ապահով լինել՝ թէ մեծ շինութեան վրայ ինչպիսի ազդեցութիւն կունենայ. մի՞թէ չի կարելի այդ փորձն էլ եկեղեցու աշտարակի շինութեան վրայ անել:

Յովսէփ: Արդեօք կրի մէջ շատ պետք է խառնել այդ նիւթից:

Տանուտէր: Կարծեմ ամեն մի տակաւուի մէջ կարելի է մի երկու ֆունտ խառնել:

Յովսէփ: Եթէ այդպէս է, շատ հեշտ է:

Տանուտէր: Ուրեմն կանե՞ս:

Յովսէփ: Այո, ի հարկէ:

Տանուտէր: Իսկ եթէ չյաջողուի, կլռե՞ս:

Յովսէփ: Չեմ կարծում, որ չյաջողուի. բայց հակառակ դէպքում հարկաւ պետք է լռել:

Տանուտէր: Այդ նիւթն ամեն անգամ այստեղից կը տանես և մի բաժակ գինի էլ կկոնծես:

Յովսէփ: Շատ լաւ, կգամ. բայց այժմ պէտք է գնամ, ժամի մէկը խփեց: (Վերցնում է գինով լի բաժակը) Ընորհակալութիւն, պարոն տանուտէր:

Տանուտէր: Ընորհակալութեան ոչինչ չկայ. եթէ խօսքդ կատարես, հինգ թալէրը կստանաս:

— Անպատճառ, պարոն տանուտէր, ասաց Յովսէփը, տեղից վեր կացաւ, տակի աթոռը մի անկիւն դրեց, վեր-

ջին բաժանն էլ դատարկեց ու շարունակեց. ապահով եղիր, խօսքս կկատարեմ, շնորհակալութիւն:

Տանուտէր: Յտեսութիւն, Յովսէփ, պայմանը չմոռանաս:

Յովսէփը դուրս եկաւ և գնալիս ինքն իրեն ասում էր. ի՞նչ տարօրինակ բաներ ասաց տանուտէրը. մի՞թէ կարելի է այդպիսի մի փորձ անել ամբողջ աշտարակի վրայ. ինչ և իցէ, ես ստանալիքս կառնեմ նրանից, իսկ յետոյ թէ արդեօք կկատարեմ նրա ասածը թէ ոչ—այդ ուրիշ խնդիր է:

Բանս լաւ գնաց, շա՛տ լաւ, ասում էր տանուտէրն ինքն իրեն, աւելի լաւ, քան թէ կարծում էի և այն էլ կէս գնով: Եթէ նա բանի էութիւնը հասկանար, հնգի փոխանակ տասը թալէր կխոստանայի նրան: Շա՛տ ուրախ եմ, որ գործս կարգի ընկաւ: Ո՛չ, ո՛չ, մարդ իր արիութիւնն երբէք չպէտք է կորցնէ: Երանի՛ թէ պատի հիմքն արդէն դրուած լինէր. համբերութիւն, երկուշաբթի արդէն կսկսեն հիմքի համար բար կտրել: Խե՛ղճ, բարի որմնադիր, կինդ վա՛տ բան արաւ քեզ համար, իսկ դու կարծում ես թէ արդէն գահի վրայ ես նստած:

12.

ԸՆՏԱՆԵԿԱՆ ՈՒՐԱՆՈՒԹԻՒՆ

Որմնադիր Լինհարդը, որ առաւօտեան վաղ գնացել էր դղեակ, կրկին վերադարձաւ իր կնոջ մօտ:

Իսկ Գերտրուդը մինչև ամուսնու գալը շտապել էր վերջացնել շաբաթ օրուայ գործը. սանրել էր մանուկների մազերը և հիւսել, զգեստները զննել, փոքրիկ սենեակը մաքրել ու աշխատելու ժամանակ իր սիրելիներին մի երգ սովորեցրել:

Երբ հայրիկը տուն գալ՝ այդ երգը պէտք է երգէր նրա ներկայութեամբ, ասաց նա մանուկներին. և երեսնաները սիրով սովորում էին՝ գիտենալով, որ դրանով պէտք է ուրախութիւն պատճառեն իրենց հօրը: Աշխատելու ժամանակ նրանք առանց դժուարութեան, առանց բանից ընկնելու և առանց գրքի այնչափ երգեցին իրենց մօր հետ, մինչև որ կարողացան սովորել:

Երբ հայրը տուն եկաւ, մայրը բարեւեց նրան և եր-

գեց բոլոր մանուկների հետ միասին: Լինհարդի աչքերն արտասուքով լցուեց, երբ մայրն ու երեխաները բոլորն էլ այդպէս երգելով՝ զուարթ ու հանգիստ դիմաւորեցին իրեն: Աստուած օրհնէ ձեզ, սիրելիներս, Աստուած օրհնէ քեզ, սիրելիս, ասաց նա յուզուած սրտով:

Սիրելիս, պատասխանեց Գերտրուդը, երկիրն երկինք է դառնում, երբ մարդ խաղաղութիւն է որոնում, իր պարտքը կատարում և սակաւ ցանկանում:

Լինհարդ: Եթէ կարող լինեմ գոնէ մի ժամ վայելել կեանքի այդ երկինքն ու սրտի խաղաղութիւնը, պատճառը դու պէտք է լինես: Մինչև մահ չնորհակալ կլինեմ քեզնից, որ ինձ աղատեցիր. իսկ այս մանուկները մահիցդ յետոյ էլ չնորհակալ կլինին քեզնից: Մանուկներս, միշտ ձեր պարտքը կատարեցէք, հետևեցէք ձեր մօր օրինակին և այդպէսով միայն լաւ վիճակ կունենաք:

Գերտրուդ: Այսօր դու էլ շատ ուրախ ես երևում:

Լինհարդ: Արների մօտ էի և բանս լաւ գնաց:

Գերտրուդ: Փա՛ռք Աստուծոյ, սիրելիս:

Լինհարդ: Արների նման լաւ մարդ չկայ. կին, ճորչափ երեխայ էի, որ չէի համարձակում նրա մօտ գնալ:

Գերտրուդ: Միշտ այդպէս յետոյ ենք խելօքանում, սիրելիս: Սակայն պատմիր՝ ի՞նչ շինեցիր Արների մօտ:

13.

ԱՊՐԱՅՈՅՑ, ՈՐ ԼԻՆՀԱՐԴԸ ՍԻՐՈՒՄ ԷՐ ԳԵՐՏՐՈՒԴԻՆ

Գերտրուդը ձեռքն առաւ կիսագործ գուլպան և նստեց Լինհարդի մօտ՝ իր աշխատանքը շարունակելու: Լինհարդն ասաց. հարկաւ պէտք է պատմեմ, քանի որ այնպէս ես նըստում, կարծես կիրակի երեկոյեան Աստուածաշնչի ընթերցումն պիտի լսես:

Գերտրուդ: Բոլորը, բոլորը պէտք է պատմես, սիրելիս:

Լինհարդ: Հէնց այդ է, կարծես թէ այժմ բոլորը միտս է, բայց չէ՞ որ այսօր շաբաթ է և շատ ժամանակ չես ունենայ: Գերտրուդը ծիծաղեց. աչքերով բաց արաւ Լինհարդը նայեց շուրջը և ասաց. արդէն վերջացրե՛լ ես:

Լիզան: (Միջամտելով) այսօր մայրիկը շատ շտապեց, հայրիկ: Ես ու Էմմեն էլ օգնեցինք նրան սենեակը կարգի

բերելիս. լաւ չենք արել: Ի հարկէ լաւ էք արել, պատաս-
խանեց հայրը: Սակայն մկսիր պատմել, ասաց Գերտրուդը:

Լինհարդ: Արները հարցրեց մինչև անգամ հօրս
անունը, մեր բնակած փողոցի անունն ու տան համարը:

Գերտրուդ: Ճիշտ չես պատմում, Լինհարդ, ես գի-
տեմ, նա այդպէս չսկսեց:

Լինհարդ: Ինչո՞ւ չէ, ապա ի՞նչպէս:

Գերտրուդ: Գու առաջ ողջունեցիր նրան ու նա շնոր-
հակալ եղաւ: Ի՞նչպէս արեցիք այդ:

Լինհարդ: Իրաւունք ունիս. ես սկզբից չսկսեցի:

Գերտրուդ: Տեսնո՞ւմ ես, Լինհարդ:

Լինհարդ: Նա հէնց որ տեսաւ ինձ, իսկոյն հարցրեց
թէ արդեօք էլ չե՞մ վախենում իրենից: Ես խոնարհ գլուխ
տուի, որչափ կարող էի ու ասացի. ներեցէք ինձ, ողորմած
Տէր: Նա ծիծաղեց և իսկոյն մի աման գինի դնել տուեց
առնջս:

Գերտրուդ: Ճշմարիտ որ այդ բոլորովին ուրիշ տեսակ
սկսուեց. շուտով դատարկեցիր գինու ամանը:

Լինհարդ: Ո՛չ, սիրելիս, ես նորահարսի նման ամաչ-
կոտ էի, և չէի կամենում ձեռք դիպցնել բաժակին, բայց
չթողեց: Ես լաւ գիտեմ, որ ճանաչում ես գինու համը,
ածա՛ ու խմիր, ասաց նա: Այդպէս էլ արի և զգուշու-
թեամբ խմեցի նրա կենացը: Բայց նա այնպիսի խիստ հայեացք
ձգեց վրաս, որ բաժակը դողում էր բերանիս:

Գերտրուդ: Երևի խիղճդ զարթեց, Լինհարդ, խի՞ղճդ:
Արդեօք երկիւղդ շուտով անցաւ:

Լինհարդ: Այո՛, շատ շուտով, որովհետև Արները շատ
սիրալի կերպով ասաց. բնական է, որ շատ աշխատող մար-
դը հաճութեամբ մի բաժակ գինի խմէ. ոչ ոք չի կարող
դրա դէմ բան ասել. սակայն դժբաղդութիւնն այն է, որ
ոմանք փոխանակ մի բաժակ գինով զովանալու՝ հարբելով
յիմարանում են և կին ու զաւակ մոռանում:

Այդ դժբաղդութիւնն է, Լինհարդ: Այդ խօսքերը
լսելիս կարծես սրտիս մէջ մի բան ցցեցին, բայց և այնպէս
ինքս ինձ ժողովեցի և պատասխանեցի. ես այնպիսի դժբաղդ
հանգամանքների մէջ էի խճճուած, որ ինձ այլ ևս օգնել
չէի կարողանում և—վկայ է Աստուած—այդ միջոցին ու-

րախ սրտով մի բաժակ դինի անգամ չէի կարողանում խմել:
Գերտրուդ: Կարողացա՞ր այդչափն արտասանե՞լ:

Լինհարդ: Եթէ Արներն այնպէս սիրալի չլինէր դեպի
ինձ, հարկաւ չէի կարող արտասանել:

Գերտրուդ: Էլ ի՞նչ ասաց յետոյ:

Լինհարդ: Նա ասաց, որ դժբաղդաբար չքաւորները
մեծ մասամբ կարիքի ժամանակ այնպիսի մարդոց հետ են
կապուում, որոնցից պէտք է փախչէին, ինչպէս ժանտախտից: —
Այդ միջոցին ես ակամայ հառաչեցի. կարծեմ նա նկատեց
այդ, որովհետեւ ցաւակցաբար շարունակեց. եթէ կարելի
լինէ՞ր այդպիսիներին բան հասկացնել... Չքաւորը կիսով
չափ ազատուած կլինի, եթէ գոնէ տղուկի ձեռքը չընկնի: —
Մի փոքր լռելուց յետոյ շուտով կրկին սկսեց և ասաց.
«սիրտս ցաւում է, երբ մտածում եմ, թէ որչափ չքաւոր-
ներ զօգորալի թշուառութեան մէջ են ընկնում և հասկա-
ցողութիւն ու սիրտ չունին իրենց հանգամանքները մի այն-
պիսի տեղ յայտնելու, որտեղ նրանց սիրով կօգնէին, եթէ
գիտենային բանի էութիւնը: Աստուծոյ առաջ չես կարող
արդարանալ, որ տարիներով մոլորուել ես տանուտէրի շնոր-
հիւ և կնոջդ ու որդոցդ թողել անհանգստութեան ու վտան-
գի մէջ, առանց գոնէ մի անգամ ինձնից խորհուրդ և օգնու-
թիւն խնդրելու: Որմնադիր, մտածիր, եթէ կինդ քեզնից աւել-
ի հասկացողութիւն և սիրտ չունենար, ի՞նչ կլինէր քո վերջը:

Գերտրուդ: Նա այդ բոլորն ասաց տան համարը հարց-
նելուց առաջ:

Լինհարդ: Այո, ինչպէս որ ասացի:

Գերտրուդ: Դու աշխատում էիր այդ չասել ինձ:

Լինհարդ: Կարծեմ որ այդ աւելի խելացի կլինէր,
եթէ ոչ չա՞տ կհպարտանաս, որ այդպէս սրտո՞ւ ես եղել:

Գերտրուդ: Կարծում ես, որմնադիր: Այո, ճիշտ է,
ես միշտ կհպարտանամ արածիս վրայ, քանի որ կենդանի եմ
ու քանի որ այդ մեզ համար լաւ հետեւանքներ կունենայ:
Սակայն էլ ի՞նչ ասաց Արները:

Լինհարդ: Նա հարցաքննեց ինձ շինութեան վերաբե-
րութեամբ: Լաւ էր, որ դեռ բոլորը չէի մոռացել: Ամեն բան
սաժէնով հաշուեցի և կրի ու աւազի սայլերի թիւը ման-
րամասնորէն յայտնեցի:

Գերտրուդ: Հաշուի մէջ չսխալուեցա՞ր:

Լինհարդ: Ո՛չ, այս անգամ ո՛չ, սիրելիս:

Գերտրուդ: Փա՛ռք Աստուծոյ:

Լինհարդ: Այո՛, փա՛ռք Աստուծոյ:

Գերտրուդ: Այժմ՝ ամեն բան կարգի՞ն է:

Լինհարդ: Այո՛, շատ լաւ է: Կարո՞ղ ես գուշակել, թէ ո՞րչափ փող տուեց առաջուց:—Լինհարդը շխշկացրեց իր քսակի միջի թալէրները և շարունակեց—երկար ժամանակ է, որ այսպէս չեմ շխշկացրել գրպանիս թալէրները, այնպէս չէ: Գերտրուդը հառաչեց:

Լինհարդ: Էլ մի հառաչի, սիրելիս, ապրենք, խնայենք և առաջուպ կարիքն էլ չենք զգայ:

Գերտրուդ: Այո՛, Աստուած օգնեց մեզ:

Լինհարդ: Եւ մեզ հետ՝ գիւղի շատ մարդկանց: Երեւակայիր, Արնէրն աշտարակի շինութեան համար մշակներ վարձեց տասը չքաւոր և կարիք ունեցող ընտանիքի հայրեր և իւրաքանչիւրին պէտք է տայ օրական 25 կրոյցէր: Սիրելիս, դու պէտք է տեսնէ՛ր՝ թէ նա ի՞նչպիսի հոգացողութեամբ ընտրեց այդ մարդկանցը:

Գերտրուդ: Ասա՛, ի՞նչպէս:

Լինհարդ: Կասէի, եթէ միտս լինէր:

Գերտրուդ: Մտածի՛ր մի փոքր:

Լինհարդ: Լաւ: Նա հարցրեց ինձ գիւղի բոլոր չքաւոր ընտանիքների մասին. թէ քանի՞ երեխայ ունեն, ի՞նչ հասակի են, ի՞նչ աշխատանք ու օժանդակութիւն են ստանում. յետոյ ընտրեց այնպիսիներին, որոնք ամենեւին աշխատանք չունէին կամ թէ ամենից շատ անչափահաս զաւակների տէր էին ու երկու անգամ ասաց. եթէ ճանաչում ես մէկին, որ քեզ պէս ճնշուած դրութեան մէջ է, ասա՛ ինձ: Ես էլ Հիւբէլ Բուդիի անունը տուի և նա անկասկած մի ամբողջ տարուայ աշխատանք կունենայ:

Գերտրուդ: Շատ լաւ ես արել, որ մեր գետնախնձորը գողանալու համար Բուդիին վրէժխնդիր չես եղել:

Լինհարդ: Չքաւորին չեմ կարող վրէժխնդիր լինել, սիրելիս, այդ ընտանիքը սարսափելի թշուառութեան մէջ է: Բուդիին մի երկու օր առաջ կրկին տեսայ գետնախնձոր հանելիս, սակայն չտեսնելու դրի: Սի՛րտս ցաւեց. նրա ար-

տաքին տեսքը թանկութեան և սովի է նմանում իսկ մենք, փառք Աստուծոյ, միշտ գոնէ ուտելու բան ունեցել ենք:

Գերտրուդէ: Այդ լաւ է, սիրելիս, բայց թշուառութեան միջոցին գողութիւնը չէ օգնում և գող չքաւորը կրկնակի կարիքի մէջ է ընկնում:

Լինհարդէ: Ի հարկէ. բայց երբ մարդ քաղցած է և միւսնոյն ժամանակ տեսնում է, որ ուտելիքը գետնի մէջ փութում է ու անասուններն են վայելում, ո՞րչափ կամքի ոյժ է հարկաւոր, որ նա գաղտնագողի ձեռք չմեկնի դէպի այդ անհրաժեշտ պիտոյքը:

Գերտրուդէ: Դժուար է, բայց չքաւորը պէտք է ունենայ այդ կամքի ոյժը, եթէ ոչ անխուսափելի է նրա դրժ-բաղդութիւնը:

Լինհարդէ: Սիրելիս, ո՞վ կարող է անել այդ և ո՞վ կարող է պահանջել այդ նրանից.

Գերտրուդէ: Աստուած այդ ոյժը պահանջելով չքաւորից, կարողութիւն է տալիս նրան և օգնում՝ յաղթելու կարիքի ստիպմունքին և հանգամանքների անյաջողութեանը: Հաւատա՛ ինձ, Լինհարդ, Աստուած օգնում է չքաւորին և ոյժ ու հասկացողութիւն է տալիս նրան՝ դիմանալու այն բանին, ինչ որ համարեա՛ թէ անհաւատալի է թւում: Իսկ երբ անցնում է այդ վայրկեանը և մարդ հանգիստ խղճով է մնում, այն ժամանակ նրա ուրախութիւնն երկնային է. նա իրեն առաւել լաւ է զգում, քան նրանք, որոնք առիթ չունեն այդչափ չարչարուելու:

Լինհարդէ: Գիտեմ, Գերտրուդ, գիտեմ, որ դու ել այդպէս ես, կոյր չեմ: Յաճախ տեսնում էի, թէ ի՞նչպէս ամենամեծ կարիքիդ ժամանակ Աստուծոն էիր ապաւինում և գոհ էիր. բայց շա՛տ քիչ մարդիկ կան, որ կարիքի ու թշուառութեան մէջ քեզ պէս լինեն. մեծամասնութիւնն ինձ պէս թոյլ է: Այդ պատճառով միշտ մտածում եմ, որ պէտք է աւելի աշխատել բոլոր չքաւորների համար հաց ու գործ գտնելու: Ես կարծում եմ, որ նրանք այն ժամանակ աւելի լաւ կլինեն, քան այժմեան չքաւորութեան ու վշտերի մէջ:

Գերտրուդէ: Այդպէս չէ, սիրելիս: Եթէ միայն գործն ու աշխատանքը բաղդաւորեցնէին չքաւորներին, այդ դէպ-

քում կարելի կլինէր շուտ օգնել նրանց, սակայն այդպէս
չէ: Երջանիկ լինելու համար թէ հարստի և թէ չքաւորի
խիղճը պէտք է հանգիստ լինի. իսկ այդ նպատակին մարդ
հասնում է աւելի շուտ կարիքի ու հոգսերի մէջ, քան թէ
հանգստութեան և ուրախութեան միջոցին: Աստուած սի-
րով աւելի շատ ուրախութիւններ կպատճառէր մեզ, բայց
որովհետեւ մարդիկ բաղդաւորութիւնը, հանգստութիւնն
ու ուրախութիւնը միայն այն ժամանակ կարող են վայել-
լիւ, երբ նրանց սիրտը զօրեղ, համբերող և ընդունակ է
շատ բաներին դիմանալու, այդ պատճառով էլ կարեւոր է,
որ շատ թշուառութիւն և կարիք լինի աշխարհում: Առանց
կարիքի շատ քիչ մարդոց սրտերն են կարգի ընկնում և
ներքին հանգստութիւն գտնում. իսկ ում խիղճը հանգիստ
չէ, գործ ունենալն ու չունենալը, հարուստ կամ աղքատ
լինելը նշանակութիւն չունի: Հարուստ, ծեր Մայէրն ամեն
բան ունի իր սրտի ուղածին չափ, սակայն ամեն օր գինե-
տանն է ընկած և աղքատ Վեխտէրից աւելի բաղդաւոր
չէ. թէ և Վեխտէրն էլ ամեն օր ծարաւում է, բայց միայն
երբեմն երբեմն է մի բաժակ գինի գտնում իր տանը:

Լինհարդը հառաչեց. գերարուգը լռեց մի վայրկեան
և ապա ասաց. արդեօք աշակերտներդ նայեցիր. աշխատո՞ւմ
են: Յովսէփն սյսօր էլ գինետուն մտաւ ծածկաբար:

Լինհարդ: Այդ անհաճոյ բան է: Հարկաւ տանուտե-
րը կանչած կլինի նրան. նա մի տարօրինակ բան ասաց: Տուն
դալուց առաջ ես նրա մօտ էի և եթէ ճիշտ է, որ նա նոր
էր գինետնից եկել, այն ժամանակ նրա ասածն ինձ անհա-
ւըստացնում է. երեւի իր խելքի փչածը չէր ասում:

Գերտրուդ: Ի՞նչ ասաց:

Լինհարդ: Նա ասում էր՝ թէ Շվինդիբրուտի բարը
շատ լաւ է եկեղեցու պատի համար: Իսկ երբ ես պա-
տասխանեցի, թէ այն մեծ դաշտաբարերը, որ ահագին քա-
նակութեամբ ածած են այս ու այնտեղ՝ աւելի լաւ են, նա
ասաց որ իբրեւ թէ ես կամենում եմ միշտ յիմար մնալ և իմ
օգուտը չեմ հասկանում և թէ եկեղեցու պատն աւելի գե-
ղեցիկ ու տեսքով կլինի, եթէ Շվինդիբրուտի բարով շինուի:
Ես կարծեցի թէ նա իմ բարին կամենալով է այդպէս ասում,
բայց որովհետեւ յանկարծ սկսեց բարի մասին խօսել, մի

փոքր տարօրինակ թուաց ինձ: Եթէ նա տանուտէրի մօտ է եղել, այն ժամանակ անկասկած այդտեղ մի գաղտնիք կայ: Ըզնդիբբուհի քարը փերուն ու աւազոտ է և այդ շէնքի համար բոլորովին անպէտք: Զինի՛ր թէ տանուտէրը մտածում է թակարդի մէջ ձգել ինձ:

Գերտրուդ: Յովսէփն էլ բարի պտուղ չէ, զգուշացի՛ր նրանից:

Լինհարդ: Այդտեղ ես թակարդի մէջ չեմ ընկնի: Արնե՛րն եկեղեցու պատի համար աւազաբար չէ կամենում:

Գերտրուդ: Ինչո՞ւ:

Լինհարդ: Նա ասաց, թէ որովհետեւ պատի տակը աղբանոցներ և գոմերի կոյուղիներ կան, աւազաբարը կփթի ու կմաշուի բորակից:

Գերտրուդ: Զի՞շտ է նրա ասածը:

Լինհարդ: Այո՛, մի անգամ, երբ դեռ օտար երկրումն էի աշխատում՝ մի շէնքի հիմքն աւազաբարից շինեցինք, բայց շուտով ստիպուած եղանք ամբողջ հիմքը նորից քանդելու:

Գերտրուդ: Զարմանալի է, Արնե՛րը որտեղից գիտէ այդ բաները:

Լինհարդ: Ես էլ զարմանում եմ, բայց շատ լաւ է հասկանում: Նա հարցրեց նոյնպէս, թէ ամենալաւ աւազն ո՞րտեղ կարելի է գտնել. ստորին ջրաղացի մօտ, պատասխանեցի ես: Այդ շատ հեռու է և ճանապարհն էլ զառիվեր, ասաց նա, թէ սոյլապանները և թէ անասուններն շատ կչարչարուեն, աւելի մօտիկ տեղ չգիտե՛ս: Ես ասացի՝ թէ նոյն իսկ եկեղեցու մօտ շատ մաքուր աւազ կայ, բայց գետինն ուրիշի սեպհականութիւն է, պէտք է փողով գնել և որովհետեւ ճանապարհն էլ մարգագետնի միջով է անցնում, դրա համար էլ պէտք է վճարել: — Անասունների, աւելի լաւ է փող վճարել, քան թէ այնքան հեռուից բերել, ասաց Արնե՛րը: — Դեռ մի բան էլ ունիմ պատմելու: Երբ Արնե՛րն աւազի մասին էր խօսում, ծառան յայտնեց Օբէրհոֆէնի կալուածատիրոջ գալուստը: Ես կարծեցի թէ պէտք է արդէն հրաժեշտ տամ և ասացի. չեմ ուզում խանգարել ձեզ, ուրիշ անգամ կգամ. սակայն Արնե՛րը ծիծաղեց և ասաց. ո՛չ, որմնադիր, ես սիրում եմ սկսած գործս վերջացնել և յետոյ միայն տեսնել թէ էլ ո՞վ խօսելու բան ունի ինձ հետ: Դու քո ճիշտ բա-

րևում» լաւ ձեռքս ընկար. ինչպէս տեսնում եմ, քո հին սո-
վորութիւնն է ամեն մի դատարկ բանի համար գործ ցե-
աշխատանք դէն ձգելն ու տեղից վերկենալը: Այդ բանին
պէտք է վերջ դնես:—Ականջիս ետեւը քերեցի և ինքս ինձ
մտածեցի. աւելի լաւ կլինէր, որ լռէի և «մնաս բարեւ» հա-
մար այս յանդիմանութիւնն էլ չստանայի:—Մասամբ էլ ար-
ժանի էիր գրան, ասաց Գերտրուդը և հէնց այդ միջոցին
մի մարդ աղաղակեց նրանց տան առաջը. տանը մարդ չկա՞յ:

14.

ՍՏՈՐ ՀԱՀԱՆԻԴՐՈՒԹԻՒՆ

Որմնադիրը բացեց դուռը և ներս մտաւ Շնաբէլբրի-
տէն, ժամկոչի հարսը, տանուտէրի հանգուցեալ եղբօր աղ-
ջիկը: Նա բերանը մի փոքր բանալով՝ բարեկց որմնադրին
ու իր կնոջը և ասաց. երեւի այժմ էլ չես ցանկանայ մեր
փչացած վառարանը նորոգել, Լինհարդ:

Լինհարդ: Ինչո՞ւ չէ, ի՞նչն է փչացել:

Գրիտէ: Գեռ չի փչացել, կամենում էի միայն հարց-
նել, որ կարեւոր եղած ժամանակը գիտենամ:

Լինհարդ: Հա՛տ հոգացող ես երևում, Գրիտէ, բայց
կարող ես սխալուել:

Գրիտէ: Այո՛, ժամանակները փոխւում են և դրանց
հետ նաև մարդիկը:

Լինհարդ: Այդ ճշմարիտ է, բայց վառարան նորոգող
մարդիկ միշտ կգտնուին:

Գրիտէ: Հա՛տ լաւ է, որ այդպէս է,

Գերտրուդը, որ ցայժմ լռութիւն էր պահպանել,
վերցնում է հաց կտրելու դանակը և մի չորացած սև հաց
կտրում՝ ընթրիքի արգանակի համար: Սև հաց ես կտրտում,
ասաց Գրիտէն, բայց շուտով աւելի լաւը կունենաք, որով-
հետև ամուսինդ պալատական որմնադիր է դարձել: Ի՞նչ
յիմար ես, Գրիտէ, ես շնորհակալ կլինեմ Աստծուց, եթէ
մինչև մահս միշտ այսպիսի հաց ունենամ, ասաց Գերտրուդը:

Գրիտէ: Չէ՞ որ սպիտակ հացն աւելի լաւ է. և ին-
չո՞ւ չպէտք է սպիտակ ունենաք. երեւի շուտով տանուտե-
րի կին կդառնաս, իսկ ամուսինդ էլ գուցէ տանուտէր, բայց
այդ ժամանակ վայն եկել է ու մեզ տարել:

Լինհարդ: Այդ կծու խօսքերով ի՞նչ ես կամենում
ասել, այդպիսի բան չեմ սիրում. եթէ ասելու բան ու-
նիս, ուղղակի ասա:

Գրիտէ: Ասեմ, որմնագիր, եթէ այդպէս է. իմ
մարդը լուսարարի աղջկայ ամուսինն է և մեր եկեղեցու
գոյութեան օրից սկսած, երբէ՛ք լսուած չէ, որ վերանորո-
գութեան ժամանակ լուսարարի ընտանիքի անդամներն առա-
ջին տեղը չբռնեն բանուորների մէջ:

Լինհարդ: Յետոյ ի՞նչ:

Գրիտէ: Յետոյ այն, որ այժմ տանուտէրի ձեռքն եղած
տոմսակում նշանակուած են աւելի բան 12 գձուձների ա-
նուններ, եկեղեցու շինութեան վրայ բանելու համար, իսկ
լուսարարի ընտանիքից մէկն էլ չէ յիշուած այդտեղ:

Լինհարդ: Բայց ի՞նչ իմ բանն է այդ. մի՞թէ ես եմ
գրել այդ անունները:

Գրիտէ: Ո՛չ, դու չես գրել, բայց այդ անունները
գո՛ւ ևս ասել Արներին:

Լինհարդ: Այդ արդէն չափից դուրս կլինէր, եթէ
ե՛ս թելագրէի Արների գրած տոմսակները:

Գրիտէ: Արդէն յայտնի է, որ դու ամեն օր գղեա-
կում ես ու հէնց այսօր էլ այնտեղ ես եղել: Եթէ դու
էլ այնպէս յայտարարէիր, ինչպէս եղել է ցայժմ, այն
ժամանակ այդպիսի փոփոխութիւն չէր լինի:

Լինհարդ: Սխալում ես, Գրիտէ, եթէ հաւատում
ես այդ բաներին: Արներն այն մարդը չէ, որ պահպանէ
հինը, եթէ համոզուած լինի, որ նորով աւելի լաւ բան կա-
րող է անել:

Գրիտէ: Երևում է:

Լինհարդ: Բացի դրանից, նա կամենում էր այդ աշ-
խատանքով չքաւորներին ու կարօտեալներին օգնել:

Գրիտէ: Այո՛, հէնց միայն գձուձներին և մուրացկան-
ներին է կամենում օգնել:

Լինհարդ: Բոլոր չքաւորներն անպիտան մարդիկ չեն,
Գրիտէ, երբէք այդպէս չպէտք է խօսես. մեզնից ոչ ոք չգիտէ՝
թէ ինչ կլինի իր վերջը:

Գրիտէ: Հէնց այդ է բանը. ամեն մարդ պէտք է իր

հացի կտորի համար հոգայ և այդ պատճառով էլ ցաւում ենք, որ մոռացուել ենք:

Լինհարդ: Ա՛խ, Գրիտէ, այդ ուրիշ բան է: Գու գեղեցիկ կալուածներ ունես և կերակրում ես հօրդ տանը, իսկ հայրդ ամենից լաւ աշխատանքն ունի գիւղում: Գու մեր չքաւորների նման ամենօրեայ հացի կարիք չունես:

Գրիտէ: Ասա՛, ինչ որ կամենաս: Երբ մենք՝ կարծում ենք թէ մի բան մեզ է պատկանում, անշուշտ կցաւենք՝ եթէ այդ բանն ուրիշ շան բերանն ընկնի:

Լինհարդ: Շներին մի կոլմը թող, Գրիտէ, երբ մարդկանց մասին ես խօսում, եթէ ոչ մի անգամ էլ այնպիսի մի շանը կպատահես, որ կկծէ քեզ: Իսկ եթէ կարծում ես, թէ այդ աշխատանքը քոնն է, կարող ես գործդ տեղ հասցնել և յայտնել այնտեղ, ուր կօգնեն քեզ՝ իրաւունքդ պաշտպանելու. դեռ երիտասարդ, ուժեղ ես և առողջ ոտքեր ու խօսելու կարողութիւն ունես:

Գրիտէ: Շատ շնորհակալ եմ, պարոն որմնագիր, սիրուն խորհրդիդ համար:

Լինհարդ: Դրանից լաւ խորհուրդ չեմ կարող տալ:

Գրիտէ: Գուցէ դէպք լինի փոխադարձ ծառայութեան: Մնաս բարև:

Լինհարդ: Մնաս բարև, Գրիտէ, դրանից աւելի չեմ կարող օգնել:

Գրիտէն գնաց տուն, իսկ Լինհարդն իր բանուորներին մօտ:

15.

ՄԻ ՅԻՄԱՐՈՒԹԻՒՆ, ՈՐ ՄԻ ԲԱԺԱԿ ԳԻՆԻ ԱՐԺԷ

Առաւօտը Լինհարդը դեռ նոր էր հեռացել դղեակից, երբ Արները գգիր Քլինքի ձեռքով տանուտէրին ուղարկեց այն տոմսակը, որի մէջ գրուած էին նոր նշանակուած մշակների անունները: Տանուտէրը պէտք է իմաց տար նրանց: Գղերն այդ հրամանը տանուտէրին հասցրեց ճաշից առաջ: Յայտմ դղեակից տանուտէրի հասցեով ստացուած նամակների վրայ գրուած էր լինում. «Իմ սիրելի և հաւատարիմ տանուտէր Հումբլին, Բօննայում». այժմ գրուած էր միայն՝ «տանուտէր Հումբլին, Բօննայում»:

Ի՞նչ է մտածում դղեակի այդ անիծուած գրագիրը, որ ինձ յատուկ տիտղոսը չէ գրում հասցէի վրայ, ասաց տանուտէրը գղբին, հէնց որ նամակը ձեռքն առաւ:

Գղբիւրը պատասխանեց. մտածիր թէ ի՞նչ ես ասում, տանուտէր. Արներն ինքը գրեց նամակի հասցէն:

Տանուտէր: Ճշմարիտ չէ. ես ճանաչում եմ պուգր քսած աղքատ գրագրի ձեռքը:

Ֆլինքը շարժեց գլուխն ու ասաց. աչքովս տեսայ, որ Արներն ինքը գրեց. գրելիս հէնց նրա կողքին էի կանգնած սենեակում:

Տանուտէր: Այդ դէպքում ես սխալուեցի, Ֆլինք, խօսքը բերնիցս դուրս թռաւ, մոռացիր այդ և արի՛ մի բաժակ գինի խմիր:

— Միւս անգամ զգոյշ եղի՛ր, տանուտէր, այդպիսի բաներից կարող են անհամութիւններ ծագել. ասաց Ֆլինքը, երբ մտաւ սենեակը, կարճ հրացանը մի անկիւն դրեց, մի բաժակ խմեց և ապա կրկին դուրս գնաց:

Տանուտէրը նամակը բաց արաւ, կարդաց և ասաց. սրանք սկզբից մինչև վերջը բոլորն էլ սրիկաներ ու մուրացկաններ են. իմ մարդկանցից ոչ ոք չկայ՝ բացի Շուարէնմիսեցից. Տէ՛ր Աստուած, այս ի՞նչ է նշանակում, մինչև անգամ մի մշակ չեմ կարող առաջարկել նրան և հէնց այսօր էլ պէտք է իմաց տամ նրանց: Այս շատ ծանր աշխատանք կլինի ինձ համար, բայց պէտք է անեմ: Նոյն իսկ այժմ կ'այտնեմ նրանց և խորհուրդ կտամ, որ երկուշաբթի դղեակ գնան ու շնորհակալութիւն յայտնեն Արներին: Դրանցից ոչ մէկին չէ ճանաչում նա և պարզ երևում է, որ որմնագիրն է առաջարկել դրանցը: Երբ դրանք երկուշաբթի դղեակ գնան և ամենքն էլ այդպէս փախստականների նման ներկայանան Արներին՝ մէկն առանց գլխարկի, միւսն առանց կօշիկի, զարմանք կլինի, եթէ որ հետեանքն ինձ համար նպաստաւոր չլինի:

Այսպէս մտածեց տանուտէրն ինքն իրեն, հագնուեց ու կրկին տոմսակը ձեռքն առաւ տեսնելու՝ թէ արդեօք ո՞վքեր են միմեանց մօտիկ ապրում, որ նոյն ճանապարհն երկու անգամ չգնայ: Հիւբէլրուպին թէև ամենից մօտիկը չէր, բայց տանուտէրն առաջ նրա մօտ գնաց, որովհետև

Բրունէն կոչուած մարգագետինը նրա հօր ձեռքից կորզելուց յետոյ, նա սիրով չէր մանում այդ տունը և տեսնելով նրանց աղքատ վիճակը, յիշում էր իր վատ արարքը: Հուտ գնամ այդ անպիտանի մօտ, ասաց և իսկոյն նրանց պատուհանի առաջն էր:

16.

ԳԼԽԱՐԿՆԵՐԴ ՎԵՐՅՐԷ՛Ք, ՄԱՆՈՒԿՆԵՐ, ՄԱՀՈՒԱՆ ԱՆ-
ԿՈՂԻՆ Է

Հիւրէրուդին հէնց այդ միջոցին նստած էր իր չորս զաւակների մօտ: Երեք ամիս առաջ վախճանուել էր խեղճի կինն, եսկ այժմ յարդով լցրած քսակի վրայ ընկած էր նրա մեռնող մայրը և ասում Բուդին. ճաշից յետոյ չոր տերև աւելացրու վերմակիս մէջ, մրսում եմ:

Մայր, հէնց որ վառարանի կրակը մարի, կերթամ, ասաց Բուդին:

Մայր: Արդեօք փայտ ունի՞ս, Բուդի, կարծեմ — ո՛չ, դու չես կարող ինձ և մանուկներին մենակ թողնել ու անտառը գնալ: Ա՛խ, Բուդի, ծանր բեռն եմ քեզ համար:

Բուդի: Մայր, այդպէս մի՛ ասի, ծանր բեռը չես ինձ համար, Աստուած իմ, գոնէ կարողանայի տալ քեզ այն, ինչ որ անհրաժեշտ է. դու ծարաւ ու քաղցած ես և չես գանգատոււմ. սիրտս կտրտոււմ է, մայր:

Մայր: Մի՛ տանջուիր, Բուդի. ցաւերս, փա՛ռք Աստուծոյ, այնչափ էլ մեծ չեն, Աստուած կօգնէ շուտով և իմ օրհնութիւնը վարձատրութիւն կլինի արածիդ փոխարէն:

Բուդի: Ո՛հ, մայր, երբէք իմ չքաւորութիւնն այնչափ ցաւ չէ պատճառել ինձ, որչափ այժմ, երբ ոչինչ չեմ կարող տալ քեզ և ոչինչ անել: Ա՛խ, Աստուած, այդպէս հիւանդ ու թշուառ դրութեան մէջ նեղութիւն ես կրում նա և իմ չքաւորութեան պատճառով:

Մայր: Երբ մարդ մօտենում է իր վախճանին՝ քիչ պահանջ ունի երկրիս վրայ. իսկ ինչ որ կարևոր է, տալիս է երկնաւոր Հայրը: Հնորհակալ եմ նրանից, Բուդի, նա դժ է տալիս ինձ վերջին ժամին:

Բուդի (արտասուելով) Մայր, կարծում ես թէ էլ չե՞ս լաւանայ:

Մայր: Ո՛հ, Բուդի, հարկաւ ո՛չ:

Բուդի: Աստուած իմ:

Մայր: Սփոփուիր, Բուդի, միւս կեանքում աւելի երջանիկ կլինեմ:

Բուդի: (հեկեկալով) Ո՛հ, Աստուած իմ:

Մայր: Սփոփուիր, Բուդի, դու իմ երիտասարդութեան ուրախութիւնն էիր, իսկ այժմ ծերութեանս սփոփանքն ես. շնորհակալ եմ Աստծուց:

Շուտով քո ձեռքերը կփակեն աչքերս, ես կերթամ Աստծոյ մօտ, կաղօթեմ քեզ համար և դու լաւ կլինես յաւիտեան: Մտածիր երբեմն իմ մասին, Բուդի, այս կեանքի բոլոր չարչարանքն ու ցաւը լաւ է մարդու համար, եթէ նա դիմանում է այդ ամենին: Ինձ սփոփում և ինձ համար սուրբ է այն ամենը, ինչ որ անցել է գլխովս: Շնորհակալ եմ Աստծուց իմ մանկութեան օրերի համար. սակայն երբ աշնանը կեանքի պտուղը հասունանում է և ցաւը ձմեռուան քնի համար տերեւներից մերկանում, այն ժամանակ կեանքի չարչարանքը սուրբ է, ուրախութիւնները միայն երա՛զ. յիշիր ինձ, Բուդի և լաւ կլինես թշուառութեանդ ժամանակ:

Բուդի: Մայր, սիրելի մայր:

Մայր: Մի բան էլ ունեմ ասելու, Բուդի:

Բուդի: Ի՞նչ է, մայր:

Մայր: Երեկուանից այդ բանը բարի նման ճնշում է սիրտս, պէտք է ասեմ քեզ:

Բուդի: Ի՞նչ է այդ, սիրելի մայր:

Մայր: Ես տեսայ երէկ, որ Բուդէլին անկողնիս ետեւը թաքեցած՝ գրպանից խորոված գետնախնձոր էր հանում և ուտում: Նա իր քոյր ու եղբայրներին էլ տուեց ու նրանք էլ ծածուկ կերան: Բուդի, ինչպէս երևում է, այդ գետնախնձորը մերը չէ. եթէ ոչ երեխան սեղանի վրայ կածէր և բարձրաձայն մօտ կկանչէր իր քոյր ու եղբայրներին: Ա՛խ, և մի հատ էլ ինձ կտար, ինչպէս որ արել է հազար անգամ: Ամեն անգամ սիրտս կտրտւում էր, երբ նա մի բան ձեռքին դէպի ինձ էր թռչում և սրտանց ասում. դու էլ կեր, մե՛ծ մայր — Ո՛հ, Բուդի, մի՞թէ այս սիրելի երեխան գո՛ղ պէտք է դառնայ. Բուդի, այս միտքն երեկուա-

նից տանջում է ինձ. ո՞ւր է նա, բեր նրան այստեղ, ուզում եմ հետը խօսել:

Բուդելի: Ո՛հ, թշուառս. (նա վազում, որոնում է մանկան և բերում մեծ մօր անկողնի մօտ):

Մայրն ուժով նստում է անկողնում, վերջին անգամ գեմքը դարձնում դեպի մանուկը, բռնում նրա ձեռքերը և իր թոյլ մեռնող գլուխը խոնարհում մանկան վրայ: Մանուկը լալիս է բարձրաձայն եւ ասում. մեծ մայր, ի՞նչ ես ուզում՝ դեռ հօ չես մեռնում, ա՛խ, մի՛ մեռնի, մեծ մայր: Նա պատասխանում է կոտորուած ձայնով. այո, Բուդելի, ես շուտով կմեռնեմ:

Ա՛խ, Աստուած իմ, մի՛ մեռնի, մեծ մայր, ասում է փոքրիկը: Հիւանդի շունչը կտրւում է և ստիպուած է լինում պառկել: Մանուկն ու իր հայրն արտասուում են:

Սակայն մայրը նորից ուշքի է գալիս և ասում. այժմ այսպէս պառկած լաւ եմ:

Բուդելի: Էլ չե՛ս մեռնում, այնպէս չե՞, մեծ մայր:

Մայր: Այդպէս մի՛ անի, սիրելիս, ես գոհ սրտով եմ մեռնում և պէտք է գնամ երկնաւոր Հօր մօտ. եթէ դու գիտենա՞ս, Բուդելի, թէ ի՞նչպէս ուրախ եմ, որ շուտով նրա մօտ պէտք է գնամ, այդպէս չես տիրի:

Բուդելի: Ե՛ս էլ ուզում եմ բեզ հետ մեռնել, մեծ մայր:

Մայր: Ո՛չ, Բուդելի, դու ինձ հետ չպէտք է մեռնես, այլ եթէ Աստուած կամենայ, երկար պէտք է ապրես ու քաջ լինես, իսկ երբ մի անգամ հայրդ կծերանայ ու թոյլ կլինի, դու պէտք է նրա օգնականը և սփոփանքը լինես: Այնպէս չե՞, Բուդելի, դու կլսես նրան, քաջ կլինես ու պարտքդ կկատարես. խոստացիր ինձ այդ, սիրելիս:

Բուդելի: Այո, մեծ մայր, պարտքս կկատարեմ ու կլսեմ նրան:

Մայր: Բուդելի, երկնաւոր Հայրը, որի մօտ ես կերթամ շուտով, տեսնում ու լսում է այն ամենը, ինչ որ անում ենք ու խոստանում: Դու գիտես այդ ու հաւատում ես, այնպէս չե՞:

Բուդելի: Այո, մեծ մայր, ես գիտեմ ու հաւատում եմ:

Մայր: Ապա ինչո՞ւ երէկ իմ անկողնի ետեւը ծածկա-
բար գետնախնձոր կերար:

Րուդելի: Ներքի՛ր ինձ, մեծ մայր, էլ չեմ անի: Ներքի՛ր
ինձ, երբեք էլ չեմ անի, մեծ մայր:

Մայր: Գողացած գետնախնձոր էր:

Րուդելի: (Տեկեկալով) Ա.....ա.....այո՛, մեծ մայր:

Մայր: Ո՞ւմնից գողացար:

Րուդելի: Արմ.... որմ.... Որմնագրից:

Մայր: Դու պէտք է գնաս նրա մօտ, Բուդելի ու
խնդրես, որ ներէ քեզ:

Րուդելի: Մեծ մայր, ի սէ՛ր Աստծոյ, այդ չեմ կա-
րող անել:

Մայր: Պէտք է անես, Բուդելի, որ միւս անգամ էլ
չգողանաս: Առանց ընդիմախօսելու պէտք է գնաս,— և ի
սէ՛ր Աստծոյ, սիրելիս, էլ ոչինչ չգողանաս. Աստուած ոչ
ոքի չէ թողնում անօգնական: Բուդելի, երբ քաղցած լինես,
ոչինչ չունենաս և ոչինչ չգիտենաս, յոյսդ դիր Աստծոյ
վրայ ու ոչինչ մի գողանայ:

Րուդելի: Մեծ մայր, մեծ մայր, էլ ոչինչ չեմ գողա-
նայ, եթէ քաղցած էլ լինեմ, դարձեալ չեմ գողանայ:

Մայր: Աստուած օրհնէ քեզ և պաշտպանէ, սիրելիս:
— Նա սեղմում է փոքրին իր սրտին, լաց է լինում ու շա-
րունակում. — այժմ պէտք է որմնագրի մօտ գնաս ու ներու-
ղութիւն խնդրես նրանից: Բուդի, դու էլ նրա հետ գնա՛ և
ասա՛ որմնագրի ընտանիքին, որ ես էլ եմ ներողութիւն
խնդրում նրանցից և շատ ցաւում եմ, որ չեմ կարող վե-
րադարձնել նրանց գետնախնձորը. ասա՛, թէ ես Աստծուց
կխնդրեմ, որ օրհնէ նրանց: Ես շա՛տ եմ ցաւում, որովհետեւ
նրանք իրենց համար էլ հազիւ ուտելու բան ունեն և եթէ
Գերտուզն այնպէս գիշեր ցերեկ չաշխատէր, չէին կարող
իրենց մեծ ընտանիքն էլ կառավարել: Բուդի, դու սիրով մի
երկու օր կաշխատես նրա համար, որ յետ ստանայ իր
կորուստը, այնպէս չէ՛:

Րուդի: Ա՛խ, Աստուած իմ, ամենայն սիրով կանեմ
այդ, սիրելի մայր:

Հէնց որ նա այդ խօսքերն արտասանեց, տանուտէրը
դուռը թակացրեց:

ՀԻՒԱՆԴԻ ԿԻՆԸ ՇԱՏ ԼԱՒ Է ՎԱՐԻՈՒՄ

Հիւանդը նրա հազից ճանաչեց տանուտէրին ու ասաց. Բոլորի, տանուտէրն է: Երեւի այն հացի ու իւղի գինը, որից ինձ համար արգանակ էիր պատրաստում, դեռ չես վճարել: Բոլորի: Ի սէր Աստծոյ, այդ մասին մի մտածի, մայր, այդ ոչինչ:

Ես կաշխատեմ նրա համար, հունձ կանեմ կամ ինչ որ կամենայ:

—Ա՛խ, նա չի սպասի քեզ, ասաց մայրը: Բուրին սե-
նեակից դուրս գնալով մօտեցաւ տանուտէրին, իսկ հիւանդը
հառաչեց ու ինքն իրեն ասաց. մեր դատից յետոյ—Աս-
տուած թող ներէ այդ կուրացած խեղճին—երբ տեսնում
եմ դրան, կարծես սրտիս մէջ մի բան են ցցում: Վերջին
ժամիս էլ հէնց նա՛ պէտք է գար պատուհանիս առաջ և
հազար: Երեւի Աստծոյ կամքն է, որ նրան այժմ ներեմ
և նրա հոգու համար աղօթեմ: Այդպէս էլ կանեմ: Աս-
տուած, դու ես կառավարում մեր բոլոր գործերը, ների՛ր
նրան: Յետոյ նա լսեց տանուտէրի բարձր խօսակցութիւնը,
վախեցաւ ու ասաց, ա՛խ Աստուած, նա բարկացած է:

Խեղճ Բոլորի, իմ պատճառով դու ես նրա ճանկն ընկ-
նում: Եւ հիւանդը կրկին լսելով նրա բարձրաձայն խօսակ-
ցութիւնը, ուշաթափուեց:

Բոլորեւին սենեակից դուրս է թռչում և կանչում հօ-
րը. հայր, ե՛կ, ե՛կ, մեծ մայրը կարծեմ մեռաւ:

Բոլորին բացականչում է. Տէ՛ր Աստուած, տանուտէր,
պէտք է ներս գնամ:

Տանուտէր: Այո՛, այդ շատ կարեւոր է, շա՛տ մեծ
դժբաղդութիւն կլինի, եթէ այդ կախարիւր մեռնի:

Բուրին չլսեց նրա խօսքերն ու արագ մտաւ սենեակը:
Հիւանդը շուտով ուշքի եկաւ ու երբ աչքերը բացեց, իս-
կոյն ասաց, նա բարկացած էր, Բոլորի, երեւի չի ուղում
սպասել:

Բոլորի: Ո՛չ, մայր, այս անգամ նա լա՛ւ բան ասաց,
սակայն լա՛ւ ես զգում քեզ:

Այո՛, ասաց մայրը լրջօրէն և ցաւակցաբար նայելով

ներադէմքին: Ինչ բարի լուր կարող է բերել այդ մարդը, ինչ ես ասում, երևի կամենում ես ինձ սփոփել և ինքդ միայն տանջուել. նա սպառնում էր քեզ:

Բուդի: Ո՛չ, վկայ է Աստուած, մայր, նա յայտնեց ինձ, որ ես բանուոր եմ նշանակուած եկեղեցու վերանորոգութեան համար և օրական 25 կրոյցէր պէտք է ստանամ:

Մայր: Տէ՛ր Աստուած, ձի՛շտ է արդեօք:

Բուդի: Այո՛, մայր, և վերանորոգութիւնը մէկ տարուց աւելի կտևի:

Մայր: Այժմ թեթեացած սրտով կմեռնեմ, Բուդի: Ո՛րքան բարի ես, բարձրեալդ Աստուած. Բուդի, հաւատացած եղիւր միշտ, որ որչափ մեծ է կարիքը, այնչափ մօտիկ է Աստուած: Հիւանդը լուեց մի վայրկեան ու ապա ասաց կրկին. կարծեմ բանս վերջացաւ. շունչս հետզհետէ կտրւում է: Մենք պէտք է բաժանուենք իրարից, ու զում եմ վերջին հրաժեշտս տալ ձեզ:

Բուդին դողում է, հանում գլխարկը, ընկնում ծնկների վրայ մօր անկողնի առաջ, կցում է ձեռքերը և աչքերը դէպ երկինք բարձրացնում. արտասուքն և հեկեկանքը չեն թողնում նրան խօսելու:

Մայրն ասում է. ուրախացիր, Բուդի, յոյս ունեմ որ յաւիտենական կեանքում մենք կրկին կտեսնուենք:

Մահը մի անցողական վայրկեան է. ես չեմ վախենում նրանից: Ես գիտեմ, որ իմ Փրկիչն ապրում է իմ փոշու վրայ. և երբ իմ մորթը կրկին ոսկորներիս վրայ կանցնի, այն ժամանակ ես իմ մարմնաւոր աչքով կտեսնեմ Աստծուն:

Բուդին մի փոքր հանգստացաւ և ասաց. ուրեմն օրհնիր ինձ, մայր, եթէ Աստուած կամենայ, ես էլ շուտ կգամ այն երջանիկ աշխարհը:

Մայր: Լսիր, երկնաւոր Հայր և տուր քո օրհնութիւնը միակ որդուս, որ շնորհել ես ինձ և որին ես սրտանց սիրում եմ: Բուդի, իմ Աստուածը և իմ Փրկիչը լինի քեզ հետ և ինչպէս որ Իսահակին և Յակոբին իրենց հօր Աբրահամի պատճառով բարութիւն արաւ, ա՛խ, այնպէս էլ թող իմ օրհնութեան շնորհիւ բարութիւն անէ քեզ, որ սիրտդ նորից ուրախանայ և նրա անունը փառաբանես:

Լսիր այժմ Բուդի և կատարիր ինչ որ ասեմ. երե-

խաներիդ սովորացրու կարգ ու աշխատանքի, որ նրանք չքաւորութեան մէջ անկարգ ու անպիտան չլինեն. սովորացրու նրանց՝ յոյս դնել Աստծոյ վրայ՝ թէ ուրախութեան և թէ ցաւի ժամանակ միշտ սիրով մեան միմեանց հետ: Այդպիսով նրանք չքաւորութեան մէջ ևս երջանիկ կլինեն: Ներքի նոյնպէս տանուէրին ու երբ ես մեռած ու թաղուած կլինեմ, գնա՛ նրա մօտ ու ասա՛, որ ես նրա հետ հաշտ սրտով մեռայ: Եւ եթէ Աստուած իմ խնդիրը լսէ, նա բաղդաւոր կլինի և իր մահից առաջ կճանաչէ ինքն իրեն:

Մի վայրկեանից յետոյ մայրը կրկին շարունակեց. ԲՈՒՂԻ, տուր ինձ իմ երկու Աստուածաշունչ գրեթէ, իմ աղօթագիրքը և փոքրիկ արկղի մէջ գտնուող գիրքը:

Բուդին վերկենալով չոքած տեղեց, բերեց այդ ամենը մօր մօտ:

Այժմ առաջ բեր բոլոր երեխաներին, ասաց մայրը: Երեխաները սեղանի մօտ նստած լաց էին լինում. Բուդին բերեց նրանց հիւանդի անկողնի մօտ և բոլորն էլ ընկան ծնկների վրայ:

Մայր: Այդպէս մի՛ լաց լինէք, սիրելիք, երկնաւոր Հայրը կպահպանէ ձեզ և կօրհնէ. դուք սիրելի էիք ինձ, թանկագիններս և ինձ ցաւ է պատճառում, որ ձեզ այսպէս աղքատ ու առանց մօր եմ թողնում: Բայց յոյսներդ Աստծոյ վրայ դրէք և հաւատացէք նրան՝ ինչ էլ որ պատահելու լինի ձեզ, այդ աւելի կօգնէ ձեզ, քան ձեր ծնողների հաւատարմութիւնը:

Յիշեցէք ինձ, սիրելիներս, թէ և ձեզ համար ոչինչ չեմ թողնում, սակայն սիրելի էիք ինձ և գիտեմ, որ ես էլ սիրելի էի ձեզ:

Իմ բոլոր կարողութիւնն այս Աստուած շունչները և աղօթագիրքն է, բայց բիշ բան չկարծէք այդ, զաւակներս. իմ թշուառ կեանքի ընթացքում դրանց ընթերցմունքը հազար անգամ սփոփանք և նոր ոյժ են տուել ինձ: Թող Աստծոյ խօսքը լինի նոյնպէս ձեր սփոփանքը և ձեր ուրախութիւնը. սիրեցէք և օգնեցէք միմեանց ձեր խորհուրդներով, քանի որ կենդանի էք և անխարդախ, հաւատարիմ ու սիրով ե-

ղէք բոլոր սարդկանց հետ. այդպիսով բաղդաւոր կլինէք կեանքի մէջ:

ԲՈՒՂԻ, մեծ սուրբ գիրքը պահիր սիրելի Բեթելիի, իսկ փոքրը Բուդելիի համար. իմ հրկու աղօթագիրքը փոքրիկին լինի:

—Ա՛խ, քեզ համար ոչինչ չունեմ, Բուդի, բայց կ'արիք էլ չունես, դու չես մոռանայ ինձ: Յետոյ դիմում է դարձեալ Բուդելիին. տո՛ւր ինձ ձեռքդ, սիրելիս, դու էլ ուրիշից բան չես վերցնի, այնպէս չէ:

—Ա՛չ, մեծ մայր, հաւատա՛ ինձ, ես էլ ոչ որից բան չեմ վերցնի, ասաց Բուդելին արտասուալի աչքերով:

—Լա՛ւ, աշտմ հաւատում եմ ու կաղօթեմ քեզ համար, ասաց մայրը: Ցե՛ս, սիրելիս, քո հօրը տալիս եմ մի թուղթ, որ ստացել եմ այն քահանայից, որի մօտ ծառայում էի: Երբ մեծանաս, կ'արդա՛, յիշիր ինձ ու համեստ և հաւատաւորիմ եղիր:

Այդ թուղթը Այսշտեանի հանգուցեալ քահանայի տուած վկայականն էր, որի մէջ ասուած էր, թէ հիւանդ Կատարինէն տասը տարի շարունակ ծառայել է նրա մօտ և իր կնոջ մահից յետոյ օգնել է նրան իր զաւակները դաստիարակելու և թէ Կատարինէին է ամեն բան յանձնուած եղել և նա ամեն բան կառավարել է մեծ հոգացողութեամբ: Քահանան շնորհակալութեամբ վկայում է, որ Կատարինէն մօր պէս է վարուել իր որդոց հետ և այդ պատճառով մինչև իր կեանքի վերջը չի կարող մոռանալ նրա բարութիւնը:

Քահանայի մօտ ծառայելու միջոցին Կատարինէն բաւականին դրամ էր վաստակել և իր ամուսնուն տուել՝ այն մարգագետինը գնելու, որ յետոյ տանուտէրը կրկին կորզեց նրա ձեռքից: Այս թուղթը Բուդիին յանձնելուց յետոյ, հիւանդը շարունակեց. երկու նոր շապիկ էլ ունեմ, դրանցից ո՛չ մէկն ինձ հետ գերեզման չդնես. հագինս էլ լաւ է. մահիցս յետոյ հագուստս կտրտել ատուր երեխաների համար. հո՞գ աւար Բեթելիի վրայ, նա կրկին մրսել է. միշտ մաքուր պահի՛, բոլորին լուա՛, սանդղիկ: Եթէ կարողանաս ամառը մի այծ պահիր դրանց համար, Բեթելին կ'արող է պահել նրան:

Ցաւում եմ, որ մենակ ես մնում, սակայն արիացիր և

արա՛ ինչ որ կարող ես: Եկեղեցու շինութեան վրայ բանելու համար ստացածի վարձատրութիւնը մի փոքր կ'ընթացնէ գործդ. այդ բանի համար էլ շնորհակալ եմ Աստուծոյ:

Մայրը լռեց. հայրն ու զաւակները մի վայրկեան մնացին ծնկների վրայ և ասում էին իրենց գիտցած բոլոր աղօթքները:

Յետոյ ուրիշ կանգնեցին և Բուդին ասաց. մայր, հիմա գնամ չոր տերև բերեմ վերմակիդ համար. հիւանդը պատասխանեց. էլ շտապելու բան չէ այդ, Բուդի, այժմ, փառք Աստուծոյ, սենեակում աւելի տաք է, իսկ դու փոքրիկի հետ պէտք է գնաս որմնադրի մօտ:

Բուդին նշանով դուրս կանչեց Բեթելին սենեակից և ասաց. մեծ մօր մօտ նստիր և եթէ նրան մի բան պատահի, Աննիին ուղարկիր ետեւիցս, որմնադրի մօտ կլինեմ:

18.

ԽԵՂՁ ՄԱՆՈՒԿԸ ԳՈՂԱՅԱԾ ԳԵՏՆԱԽՆՁՈՐԻ ՀԱՄԱՐ ՆԵՐՈՂՈՒԹԻՒՆ Է ԽՆԴԻՈՒՄ. ՀԻՒԱՆԳԸ ՄԵՌՆՈՒՄ Է

Բուդին փոքրիկի ձեռքից բռնելով՝ գնաց Լինհարդի տուն: Գերտրուդը մենակ էր տանը, երբ սրանք եկան և իսկոյն նկատեց, որ հօր ու որդու աչքերը արտասուքով լի էին: Ի՛նչ ես ուզում, դրացի Բուդի, ինչո՞ւ է լաց լինում փոքրիկը, հարցրեց նա սիրալի կերպով ու ձեռքը մեկնեց դէպի երեխան:

—Ա՛խ, Գերտրուդ, դժբաղդ եմ, պատասխանեց Բուդին, Բուդելին մի բանի անգամ ձեր գետնախնձորից ծածուկ վերցրել է. մայրս երէկ նկատել էր այդ և սա էլ խոստովանեց իր յանցանքը. ների՛ր մեզ, Գերտրուդ, մայրս մահուան անկողնի մէջ է. ա՛խ, Աստուած, իսկոյն չեմ կարող վերադարձնել ձեր գետնախնձորը, բայց սիրով կաշխատեմ ձեզ մօտ դրա փոխարէն: Ների՛ր մեզ. երեխան այդ արել է սաստիկ քաղցից ստիպուած:

Գերտրուդը: Լո՛ւր այդ մասին, Բուդի, իսկ դո՛ւ, փոքրիկ, ե՛կ խոստացիր ինձ, որ էլ ուրիշից բան չես վերցնի ծածուկ: Գերտրուդը համբուրում է երեխային և ասում. դու ազնիւ մեծ մայր ունես, նրա պէս համեստ ու պարկեշտ եղի՛ր:

Րուդելի: Ներքի ինձ, տիկին, վկայ է Աստուած, որ ես
էլ չեմ գողանայ:

Գերտրուդ: Ո՛չ, սիրելիս, էլ այդպիսի բան չանես,
դու չգիտես թէ ի՞նչ թշուառ և դժբաղդ դրութեան
մէջ են ընկնում գողերը. էլ մի գողանայ և երբ քաղցած
լինես, աւելի է, արի մօտս և ասա ինձ. եթէ կարողանամ
միշտ մի բան կտամ քեզ:

Րուդի: Անորհապալ եմ Աստուծոց. այսուհետեւ կբա-
նեմ եկեղեցու շինութեան վրայ և երեսաներս էլ քաղցից
ստիպուած գողութիւն չեն անի:

Գերտրուդ: Ես ու իմ ամուսինը նոյնպէս շատ ուրա-
խացանք, որ Արները քեզ չէ մոռացել և բանուոր է նշա-
նակել:

Րուդի: Ա՛խ, ո՛րքան ուրախ եմ, որ մայրս այդ սիր-
տանքը լսեց: Ասա ամուսնուդ, որ ես նրա մօտ հաւատար-
մութեամբ ու պատուով կաշխատեմ առաւօտից — երեկոյ և
տիրով իմ վարձից կտամ ձեր գետնախնձորի գինը:

Գերտրուդ: Այդ մասին թող խօսք չլինի, Բուդի,
Աինհարդը հարկաւ քեզից ոչինչ չի վերցնի. մենք էլ, փա՛ռք
Աստուծոյ, այդ շինութեան գործի միջոցով մի փոքր թե-
թեւացանք: Բուդի, ես կգամ քեզ հետ մօրդ մօտ:

Գերտրուդը լցրեց Բուդելիի գրպանը չոր պտուղ-
ներով և մի անգամ էլ ասաց. սիրելիս, այլ ևս ոչ ոքից
քան մի վերցնի ծածուկ. յետոյ Բուդիի հետ միասին գնաց
նրա մօր մօտ: Երբ Բուդին ընկուզենու տակ սկսեց տե-
քեներ ժողովել իր մօր վերմակի համար, Գերտրուդն էլ
օգնեց նրան և ապա միասին շտապեցին Կատարինէի մօտ:

Գերտրուդը բարեկեց հիւանդին, բռնեց նրա ձեռքն ու
արտասուեց:

Դո՛ւ ես լալիս, Գերտրուդ, ասաց մեծ մայրը, մենք
պէտք է լանք. ներքի մեզ:

Գերտրուդ: Ա՛խ, ի՞նչ ներելու բան կայ, Կատարինէ,
ձեր կարիքը սիրտս կտրտում է, իսկ դու ո՛րչափ բարի ու
հոգացող ես:

Աստուած քո բարութեան ու հոգացողութեան փոխա-
դէն ընտանիքդ կօրհնէ:

Կատարինէ: Ներեցի՛ր մեզ, Գերտրուդ:

Գերտրուդ: Այդ մասին մի՛ խօսիր, Կատարինէ, ես սիրով կ'ցանկանայի հիւանդութեանդ ժամանակ մի բանով օգնել բեզ:

Կատարինէ: Շատ բարի ես, Գերտրուդ, շնորհակալ եմ քեզնից, սակայն Աստուած շուտով ինքը կ'օգնէ: Բուդե՛լի, ներողութիւն խնդրեցի՛ր Գերտրուդից, ներե՛ց արդեօք բեզ:

Բուդե՛լի: Այո՛, մեծ մայր, տե՛ս, ո՛րքան բարի է նա, (ցոյց է տալիս մրգով լի գրպանը):

Ի՛նչպէս բունս տանում է, ասաց մեծ մայրը, օրինաւոր կերպով ներողութիւն խնդրեցի՛ր նրանից, Բուդե՛լի:

Բուդե՛լի: Այո՛, մեծ մայր.

Կատարինէ: Աչքերս մթնում են. պէտք է շտապեմ, Գերտրուդ, ասաց նա ցածր ու կոտրուած ձայնով:

Մի բան էլ պէտք է խնդրեմ քեզնից. կարո՞ղ եմ... այս դժբաղդ մանուկը քեզնից գողացել է... կարո՞ղ եմ խնդրել, Գերտրուդ, ... երբ ես մեռնեմ... այս խեղճ, անտէր մանուկներս, ... դրանք անտէր են... (նա մեկնում է ձեռքը. աչքերն արդէն փակ են) - կարո՞ղ եմ յուսալ... լսի՛ր և հետեիր նրան, Բուդե՛լի... Հիւանդը հոգին աւանդեց՝ չկարողանալով խօսքը վերջացնել:

Բուդին կարծելով թէ հիւանդը քնեց, ասաց մանուկներին. ոչ ոք ձայն չհանի, նա քնած է: Երանի նորից ուշքի գա՛ր. սակայն Գերտրուդը զգաց, որ Կատարինէն մեռաւ և յայտնեց Բուդիին:

Ես չեմ կարող նկարագրել՝ թէ ի՛նչպէս Բուդին ու փոքրիկները ձեռքերը միմեանց խփեցին և ողբում էին՝ անմխիթար: Ընթերցո՞ղ, թո՞ղ ինձ, որ լռեմ ու լաց լինեմ, որովհետեւ սիրտս կտրտւում է, երբ մտածում եմ թէ մարդկուծիւնն ի՛նչպէս երկրի փոշու մէջ հասուցանում է անմահութեան համար. իսկ փարթամութեան և ունայնութեան մէջ դեռ չհասուցած՝ թառամում է:

Մարդկութիւն, կեանքի արժէքը մարդուս մահուան անկողնի վրայ կշռի՛ր: Եւ դո՛ւ, որ արհամարհում ես չբաւորներին, ցաւակցում՝ բայց չես ճանաչում, ասա՛ ինձ, արդեօք կարո՞ղ է մեռնել նա, ով դժբաղդ կեանք է ունեցել: Սակայն, ես լռում եմ, ես չեմ ցանկանում ձեզ ուսուցանել, մարդիկ: Միայն սիրով կ'ցանկանայի, որ դուք ձեր աչքերը

քանայիք և շուրջներդ նայելով՝ տեսնէիք թէ ո՞ր տեղ է աշխարհիս բաղդաւորութիւնն ու դժբաղդութիւնը, օրհնութիւնն ու անէծքը:

Գերտրուդը սփոփեց խեղճ Բուդիին և յայտնեց նրա ազնիւ մօր վերջին ցանկութիւնը, որ նա կսկծից չէր լսել:

Բուդին անկեղծ սրտով սեղմեց Գերտրուդի ձեռքը և ասաց. «Կոստ իմ խեղճ մայր, ո՞րչափ բարի էր նա: Գերտրուդ, դու էլ չես մոռանայ նրա խնդիրը, այնպէս չէ»:

Գերտրուդը: Պէտք է բարասիրտ լինէի, որ նրա ասածները մոռանայի. կարողացածիս չափ կօգնեմ զաւակներինդ:

Բուդի: Ա՛խ, արած բարութեանդ փոխարէն Աստուած կվարձատրէ բեզ: Գերտրուդը դէմքը դարձրեց դէպի պատուհանը, արտասուքը սրբեց, աչքերը դէպ երկինք բարձրացրեց, հառաչեց և յետոյ արտասուալի աչքերով գրկեց երեխաներին, ննջեցեալին պատրաստեց՝ թաղելու համար ու ամեն բան հոգալուց յետոյ գնաց իր խրճիթը:

19.

ՀՈԳՈՒ ԼԱՒ ՏՐԱՄԱԴՐՈՒԹԻՒՆԸ ՍՓՈՓՈՒՄ, ԶՈՒԱՐԹԱՑՆՈՒՄ ԵՒ ՕԳՆՈՒՄ Է ՄԱՐԴՈՒՆ. ԻՍԿ ՏԻՐՈՒԹԻՒՆԸ ԶԱՐԶԱՐՈՒՄ

Տանուտէր Հովմելը Բուդիի մօտից գնաց միւս բանուորների մօտ և առաջ տեսաւ Եօգլի Բէրին: Սա երգելով ու սուլելով փայտ էր կոտրտում, բայց երբ տանուտէրին տեսաւ, աչքերը չռեց ու ասաց. եթէ փողի համար ես գալիս, տանուտէր, ոչինչ չունեմ:

Տանուտէր: Արտի մէջ եղած թռչնակի պէս ես երգում ու սուլում, մի՞թէ կարելի է, որ փող չունենաս:

Բէր: Եթէ ողբալով հաց ստանայի, այն ժամանակ չէի սուլի, բայց ճիշտն ասա, ի՞նչ ես ուզում:

Տանուտէր: Ոչինչ, պէտք է յայտնեմ միայն, որ դու եկեղեցու շինութեան վրայ բանուոր ես նշանակուած և օրական 25 կրոյցեր վարձատրութիւն կստանաս:

Բէր: Ծշմարիտ:

Տանուտէր: Լուրջ բան եմ ասում, երկուշաբթի օրը պէտք է դղեակ գնաս:

Բէր: Եթէ Ծշմարիտ ես խօսում, շատ շնորհակալ եմ,

պարոն տանուտէր, տեսնում ես, որ այսօր կարող եմ երգել ու սուրել:

Տանուտէրը ծիծաղելով հեռացաւ նրանից և գնալիս ինքն իրեն ասաց. կեանքիս մէջ մի ժամ անգամ այս մուրացկանի պէս ուրախ չեմ եղել:

Բէրը ներս մտաւ, իր կնոջ մօտ և ասաց. միշտ պէտք է արիասիրտ լինել: Աստուած մեր բարին է ցանկանում. կեն, ինձ էլ բանուոր են նշանակել եկեղեցու վերաշինութեան համար:

Կիկնը: Այո, դեռ շատ երկար ժամանակ կանցնի, մինչև հերթը բեզ գայ, դու միշտ պարկով լի սփոփանք ունես, իսկ հաց՝ երբէք:

Բէր: Այսուհետև հացն էլ անպակաս կլինի, եթէ օրական վարձ ստանամ:

Կիկնը: Բայց արդեօք օրական վարձն էլ անպակաս կլինի:

Բէր: Այո, սուրբ խորհուրդը վկայ, Արեւբը լաւ է վարձատրում իր բանուորներին և այդ էլ անպակաս կլինի:

Կիկնը: Վատակ ես անում, թէ ճիշտ է շինութեան մասին աւածդ:

Բէր: Հէնց այժմ յայտնեց տանուտէրը, որ երկուշաբթի օրը միւս բանուորների հետ դղեակ գնամ:

Կիկնը: Այդ շատ լաւ կլինէր. երանի՜ թէ գոնէ մի ժամ հանգիստ լինելու յոյս ունենայի:

Բէր: Այդպիսի ժամեր շատ կունենաս այսուհետև. երեխայի պէս ուրախ եմ, որ դու էլ չես բարկանայ, երբ ես ուրախ ու զուարթ տուն կգամ: Ստացած վարձատրութեանս վերջին կոպէկն էլ տուն կբերեմ: Կեանքն ինձ երբէք ուրախութիւն չէր պատճառի, եթէ յոյս չունենայի, որ կգայ ժամանակ, երբ դու ուրախութեամբ կմտածես, թէ մի բաջ ամուսին ունես, թէև ունեցած կարողութիւնդ շատ պակասել է իմ շնորհիւ: Ների՛ր ինձ, եթէ Աստուած կամենայ, այն էլ կրկին ձեռք կբերեմ:

Կիկնը: Քո արիասրտութիւնն ուրախացնում է ինձ, բայց անհոգութիւնն էլ լաւ բան չէ:

Բէր: Մի՛թէ պարտքս չեմ կատարում:

Կիկնը: Այդ չեմ ասում, բայց երբ տանը հաց չի լինում՝ երբէք չես տրամում:

Բէր: Սահայն եթէ տխրեմ՝ հաց կստանանք:

Կինը: Ուրիշ կերպ չեմ կարող. ես միշտ տխուր եմ լինում:

Բէր: Արիացի՛ր ու զուարթացիր, կին և կրկին ուրախ կլինես:

Կինը: Այո, երկուշաբթի ծրը դրեակ գնալու համար կարգին հագուստ չունես:

Բէր: Ե՛հ, ինչ անեմ. դու էլ միշտ հոգսեր պիտի ունենան:

Հումելը գնաց Լոյպի մօտ, բայց նա տանը չլինելով՝ տանուտէրը պատուիրեց նրա դրացի Հիւզլին, որ յայտնէ նրան ու ինքը գնաց Հանս Լէէմանի մօտ:

20.

ՋՈՒՐ ԵՒ ԱՒԵԼՈՐԻ ՀԵՏԱՔՐՔՐՈՒԹԻՒՆԸ ՇՐՋՄՈՒԿ Է ԴԱՐՉՆՈՒԾ ՄԱՐԴՈՒՆ

Լէէմանն իր տան առաջը կանգնած՝ յորանջելով այս ու այն կողմն էր նայում, երբ հեռուից տեսաւ տանուտէրին ու ինքն իրեն ասաց. երևի մի նոր բան կա՛յ և աղաղակեց. ո՛ւր ես գնում, տանուտէ՛ր:

Տանուտէր: Քեզ մօտ եմ գալիս, Լէէման:

Լէէման: Մեծ պատիւ է ինձ համար, տանուտէ՛ր, բայց ասա՛ խնդրեմ՝ ի՞նչ է անում որմնագրի կինը. նա էլի մեծ բերա՞ն է բաց անում, ինչպէս որ արեց անցեալ օրն եկեղեցու բակում: Վատարեա՛լ կախարդ էր:

Տանուտէր: Կարո՞ղ ես այդպէս խօսել, դու նրա մարդու մշակն ես այժմ:

Լէէման: Ուրիշ ոչինչ նորութիւն չգիտե՞ս:

Տանուտէր: Ո՛չ, ես ճիշտ եմ ասում, դղեակից եկած հրամանի համաձայն՝ եկել եմ քեզ յայտնելու այդ:

Լէէման: Ի՞նչպէս արժանացայ այդ պատուին, պարո՞ն տանուտէր:

Տանուտէր: Ես ի՞նչ գիտեմ:

Լէէման: Ե՛րբ պէտք է գործի գնամ:

Տանուտէր: Կարծեմ առաւօտեան:

Լէէման: Քանի՞ բանուոր ենք ընդամենը, պարո՞ն տանուտէր:

Տանուտէր: Տասը:

Լէէման: Ասա խնդրեմ, ո՞րոնք են:

Տանուտէրը դրանց անունները տուեց, իսկ Լէէմանը քսանից աւելի անուններ ասաց ու հարցրեց. նա չէ՞, նա նոյնպէս չէ. ուշանում եմ, ասաց վերջապէս տանուտէրը և շարունակեց իր ճանապարհը:

21.

ԱՊԵՐԱԽՏՈՒԹԻՒՆ ԵՒ ՆԱԽԱՆՁ

Լէէմանի մօտից տանուտէրն ուղղակի գնաց Եօզի Լէն-
կի մօտ: Սա նստած էր վառարանի բարի վրայ և ծխում էր.
կինը թել էր մանում, իսկ հինգ կիսամերկ մանուկներն ածած
էին յատակի վրայ: Տանուտէրը համառօտ յայտնեց նրան
իր գալու պատճառը: Լէնկը բերնից հանեց ծխամորջը և
պատասխանեց. շատ զարմանալի է, որ մի անգամ ինձ էլ
մի լաւ բան է ընկնում. կեանքումս միշտ զրկուած եմ ե-
ղել ամեն բարի բանից:

Տանուտէր: Լէնկ, կարծեմ մենակ դու չես այդպէս:

Լէնկ: Իմ եղբայրն էլ վարձուածների թւումն է:

Տանուտէր: Ո՛չ:

Լէնկ: Ո՞վքեր են միւսները:

Տանուտէրը տալիս է նրանց անունները:

Լէնկ: Իմ եղբայրը հօ աւելի լաւ բանուոր է, քան
Բուդին, Բէրն ու Մարքսը. իսկ Արիսէրի մասին չեմ էլ ուզում
խօսել: Աստուած վկայ, այդ տասը մարդկանց մէջ մէկն էլ
չկայ, բացի ինձնից, որ իմ եղբօր կիսի չափ էլ կարողանար
աշխատել: Տանուտէր, չե՞ս կարող այնպէս անել, որ նա էլ
գայ բանելու:

Չգիտեմ, ասաց տանուտէրը, ընդհատեց խօսակցու-
թիւնն և գնաց:

Լէնկի կինը լուռ էր, քանի որ տանուտէրն այդտեղ
էր, բայց այդ խօսակցութիւնը նրա սրտին դիպաւ և հէնց
որ տանուտէրը գնաց, նա իր մարդուն ասաց. դու ապե-
րախտ ես Աստուծոյ ու մարդկանց առաջ: Երբ ամենամեծ կա-
րիքիդ ժամանակ Աստուած քեզ օգնութիւն է ուղարկում,
դու զրպարտում ես դրացիներիդ, որոնց Աստուած նոյն
բարութիւնն է արել:

Լէնկ: Իմ ստացած կոպէկների փոխարէն պէտք է աշխատեմ, զուր հօ չեմ ստանալու:

Կինը: Բայց չէ՞ որ մինչև այժմ ոչինչ վաստակ չունէիր:

Լէնկ: Այո՛, սակայն աշխատանք էլ չունէի:

Կինը: Եւ մանուկներդ հաց չունէին:

Լէնկ: Բայց ես էլ ձեզ նման ոչինչ չունէի:

Կինը լռում է և լաց լինում դառն արտասուքով:

22.

ՍՐՄՏՈՒԹԵԱՆ ՊԱՏՃԱՌԱԾ ՀՈԳԵԿԱՆ ԱՆՀԱՆԳՍՏՈՒԹԻՒՆԸ ԶԻ ԿԱՐԵԼԻ ԱՐՀԵՍՏԱԿԱՆ ԿԵՐՊՈՎ ՀԱՆ.

ԴԱՐՏԱՑՆԵԼ

Տանուտէրը Լէնկի մօտից գնաց Կրիխերի մօտ ու ծանապարհին զիպուածով պատահեց Հանս Վիլստին: Եթէ հեռուից տեսնէր նրան, ծանապարհից կշեղուէր, որովհետև Բուդիի գործից յետոյ այդ երկուսը միմեանց պատահելիս, կարծես ամաչում էին իրարից: Բայց այժմ անսպասելի կերպով պատահեցան միմեանց, ներքին աղբիւրի մօտ, փողոցի անկիւնում:

— Դո՛ւ ես, Վիլստ, հերցրեց տանուտէրը. — այո՛, ես եմ, պատասխանեց Վիլստը:

Տանուտէր: Ինչո՞ւ էլ ինձ մօտ չես գալի. երևի բոլորովին մոռացել ես, որ ինձ փող ես պարտական:

Վիլստ: Ես այժմ փող չունեմ, իսկ երբ մտաբերում եմ անցեալը՝ վախենում եմ. քո փողը շատ թանկ նստեց ինձ:

Տանուտէր: Երբ փողը տուի, այդպէս չէիր խօսում. տե՛ս, ո՞րքան վատ բան է եղել մէկին օգնելը:

Վիլստ: Օգնելը վատ բան չէ՛, բայց երբ այնպէս են օգնում, որ օգնութիւն ստացողը յետոյ մի ժամ անգամ հանգստութիւն չէ ունենում, այդ ուրիշ բան է:

Տանուտէր: Այդպէս մի՛ խօսի Վիլստ, այն ժամանակ միայն ճշմարիտն ասացիր:

Վիլստ: Ի հարկէ դու միշտ այդպէս ես ասում, բայց իմ խիղճն անդադար ասում է, որ ես սուտ երդուեցի:

Տանուտէր: Այդ ճշմարիտ չէ, Վիլստ, հոգիս վկայ, ճշմարիտ չէ: Դու երդուեցիր միայն այն, ինչ որ առաջդ

կարդացին, իսկ գրածը ճիշտ էր. հարկւր անգամից աւելի կարդացի ես այն գրուածքը քեզ մօտ և դու միշտ ասում էիր. այո՛, ճիշտ է, կարող եմ երգուել:

Միթէ՞ ճշմարիտ չէր: Այդպէս ես խօսում, որ պարտքը չպահանջեմ և էլի երկար սպասեմ:

Վիւստ: Ա՛չ, տանուտէր, սխալուում ես: Եթէ փող ունենայի, հէնց այս րոպէիս կտայի, որ էլ աչքիս չերևայիր. քեզ տեսնելիս սիրտս սկսում է բաբախել:

Ի՛նչ յիմար ես, ասաց տանուտէրը, բայց նրա սիրտն էլ էր բաբախում:

Վիւստ: Ես արդէն վաղուց նկատել էի թէ դու ի՛նչպէս էիր կարդում, բայց հէնց սկզբից կալուածատիրոջ խօսքերից հասկացայ, որ նա կարծես թէ ուրիշ տեսակ էր ըմբռնել:

Տանուտէր: Կալուածատիրոջ բերանացի խօսածը քեզ չէ վերաբերում բոլորովին, դու երգուեցիր միայն առաջդ կարդացած տոմսակի վրայ:

Վիւստ: Այո՛, բայց նա այնպէս վճռեց, ինչպէս որ հասկացել էր բերանացի խօսակցութիւնից:

Տանուտէր: Եթէ կալուածատէրը յիմարի մէկն էր, Եւր իր գործն է, քեզ ինչ. հօ տոմսակն առաջն ունէր, եթէ պարզ չէր գրած՝ կարող էր ուրիշ տեսակ գրել տալ:

Վիւստ: Ես շատ լաւ գիտեմ, որ դու կարող ես ամեն անգամ քեզ արդարացնել. սակայն դրանով իմ սիրտը չէ հովանում և ճաշակուելու ժամանակ քիչ է մնում, որ ամօթից գետինը մտնեմ: Տանուտէր, երանի թէ երբէք պարտական չլինէի քեզ. երանի՛ երբէք ճանաչած չլինէի քեզ կամ թէ երգուելուցս առաջ մեռնէի:

Տանուտէր: Ի սէ՛ր Աստծոյ, Վիւստ, զուր տեղը ինքդ քեզ մի տանջի. յիմարութիւն է արածդ. յիշիր գոնէ գործի բոլոր հանգամանքները. չէ՞ որ նոյն իսկ քո ներկայութեամբ ես պարզ ու որոշ կերպով հարցրի փոխանորդին. թէ արդեօք Վիւստը տոմսակում գրուածի՞ ճշմարտութիւնը պէտք է երգմամբ հաստատի, թէ ուրիշ բան. մինչև անգամ ասացի, որ դու լա՛ւ չես հասկանում: Յիշում ես՝ թէ նա ի՛նչ պատասխանեց:

Վիւստ: Այո՛, բայց դրանով ի՛նչ. ...

Տանուտէր: Նա էլ որոշ խօսքերով ասաց. Վիւստը պէտք է երգուի այն, ինչ որ գրուած է տոմսակի մէջ և ոչ մի մաղաչափ աւելի. նա ճիշտ այս խօսքերը չասաց:

Վիւստ: Այո, այդպէս ասաց, բայց դրանով ի՞նչ...

Տանուտէր: Ինչպէս թէ՛ դրանով ինչ, այդ բաւական չէ՞ բեզ Տամար:

Վիւստ: Ո՛չ, տանուտէր, եթէ ուզում ես՝ այժմ ամեն բան կ'ասեմ. փոխանորդն էլ ինձպէս պարտական էր բեզ և դու շատ լաւ գիտես թէ ի՞նչ անպիտանն էր նա, այդ պատճառով ինձ Տամար մի առանձին սփոփանք չէ այն թեթեամիտ մարդու ասածները:

Տանուտէր: Քո բանը չէ նրա կեանքը քննադատել. նա իր գործը հասկանում էր, այդքանը բեզ էլ յայտնի է:

Վիւստ: Ո՛չ, այդ յայտնի չէ ինձ, բայց գիտեմ, որ նա անպէտք մարդ էր:

Տանուտէր: Այդ բեզ չէ՛ վերաբերում:

Վիւստ: Երբ ես մի մարդու ճանաչում եմ մի որևէ գործի մէջ իբրև վատ ու անաստուած, ուրիշ գործերումն էլ չեմ կարող նրան հաւատալ: Ես կարծում եմ, որ այն անպիտանը, քո պարոն փոխանորդը, ինձ քնացրեց և այդ, կարծեմ որ, ինձ է վերաբերում:

Տանուտէր: Թո՛ղ այդ մտքերը, Վիւստ, դու երգուեցիր միայն յանուն ճշմարտութեան:

Վիւստ: Երկար ժամանակ ես էլ այդպէս էի կարծում, բայց անցաւ այդ ժամանակը, էլ չեմ կարողանում ինձ խաբել: Խեղճ Բուդի. ուր որ գնում եմ, միշտ նրան եմ աչքիս առաջ կանգնած տեսնում: Խեղճ Բուդի. թշուառութեան, քաղցի ու կարիքի մէջ նա հառաչանք է արձակում դէպ Աստուած և իմ դէմ բողոքում: Ո՛հ, նրա զաւակներն այժմ հիւանդ են և գնչուների նման դեղնած, ծովառած ու սեւացած. իսկ առաջ հրեշտակների նման գեղեցիկ էին ու ծաղկափթիթ. իմ երգման շնորհիւ նրանք զրկուեցան իրենց մարգապետից:

Տանուտէր: Ես իրաւունք ունէի. իմ ասածը ճիշտ էր. իսկ այժմ Բուդին աշխատանք ունի եկեղեցու վերաշինութեան գործում և նա կրկին կուղղուի:

Վիւստ: Այդ ի՞նչ իմ գործն է. եթէ ես երգուած

չլինէի, ինչ համար միւսնոյնը կլինէր՝ թէ արդեօք Բուդին հարձուստ է, թէ մուրացկան:

Տանուտէր: Մի վիճիր այդ մասին, ես իրաւունք ունէի:

Վիլստ: Չվիճե՞մ. այո՛, տանուտէր, եթէ ես նրա տու-
նը կողոպտէի և նրա բոլոր ստացուածքը յափշտակէի, խիղճս
այժմեանից աւելի հանգիստ կլինէր: Ա՛հ, տանուտէր, ե-
րանի՛ր այդ բանը չանէի. շուտով մօտենում են կրկին սրբա-
զան օրե՛րը — երանի՛ր թէ հազար սաժէն խորութեամբ գետ-
նի տակ լինէի:

Տանուտէր: Ի սէ՛ր Աստծոյ, Վիլստ, այդպէս մի՛ ա-
նի փողոցում, մարդկանց առաջը, եթէ մէկը լսէ ի՛նչ կա-
սէ:— Դու չարչարուում ես յիմարութեանդ պատճառով. այն
ամենը, ինչ որ երդուեցիր, ճիշտ է:

Վիլստ: Իմ յիմարութեան, այո՛, եթէ ես չերդուէի,
Բուդին այսօր էլ դեռ իր մարգագետինը կունենար:

Տանուտէր: Դո՛ւ հօ չես խլել նրանից մարգագետինն
ու ինչ տուել. քե՛զ ինչ՝ թէ ումն է պատկանում մարգագե-
տինը:

Վիլստ: Թէ ումն է պատկանում մարգագետինը՝ այդ
իմ գործը չէ՛ բայց որ սուտ երդուեցի, այդ դժբաղդաբար իմ
գործն է:

Տանուտէր: Բայց ասածդ ճիշտ չէ. դու սուտ չեր-
դուեցիր, ինչ որ երդուեցիր՝ ճշմարիտ էր:

Վիլստ: Դու յեղաշըջում ես գործը: Ես կալուածա-
տիրոջը չասացի՝ թէ ի՛նչպէս էի հասկանում գրուածը և նա էլ
ուրիշ տեսակ հասկացաւ. ասա՛, ինչ որ ուզում ես, ես գի-
տեմ և զգում եմ, որ Յուդա ու մատնիչ դարձայ և սուտ եր-
դուեցի:

Տանուտէր: Խղճում եմ քեզ, Վիլստ, անհասկացողու-
թեանդ համար. դու հիւանդ ես երևում, կարծես թէ գե-
րեզմանից լինես գուրս եկած, իսկ հիւանդ ժամանակ մարդ
ամեն բան ծուռն է տեսնում:

Հանգստացիր, Վիլստ, հետս եկ և մի բաժակ գինի խմէ:

Վիլստ: Չե՞մ կարող, տանուտէր, աշխարհումս ինչ
էլ ոչինչ ուրախութիւն չէ պատճառում:

Տանուտէր: Հանգստացիր, Վիլստ, գլխիցդ հանի՛ր
այդ բաները և մոռացիր մինչև որ կրկին առողջանաս, այն

ժամանակ ինքդ կտեսնես, որ ես արդար եմ: Ես էլ կպատ-
ռեմ պարտամուրհակդ, գուցէ դրանով հանգարուես:

Վիւստ: Ա՛չ, տանուտէր, պարտամուրհակս պահիր. եթէ
քաղցից նոյն իսկ իմ միսն ուտեմ, դարձեալ կվճարեմ պարտքս. ես
չեմ ուզում արեան գնով ձեռք բերած փող ունենալ: Դու
ինձ խաբեցիր, փոխանորդն ինձ քնացրեց, բայց գուցէ Աս-
տուած դեռ ներէ: Ես չէի կարծում, որ այսպէս կլինէր:

Տանուտէր: Վերցրու այս մուրհակը, Վիւստ, տես,
աչքիդ առաջն եմ պատուում. իսկ իմ արածի համար ես եմ
պատասխանատու. հանգիստ եղիր:

Վիւստ: Պատասխանատու եղիր ինչի համար որ ցան-
կանաս, տանուտէր, երկու օրից յետոյ կծախեմ իմ կիրակ-
նօրեայ զգեստը և կվճարեմ պարտքս:

Տանուտէր: Լա՛ւ մտածիր, Աստուած է վկայ, որ
սխալում ես, սակայն ես պէտք է գնամ:

Վիւստ: Փա՛ռք Աստծոյ, որ գնում ես:

Տանուտէր: Ի սէ՛ր Աստծոյ, հանգստացիր, Վիւստ:

Նրանք բաժանուեցան միմեանցից: Տանուտէրն երբ մե-
նակ ֆեաց, ակամայ հառաչեց և ասաց. դա էլ հէնց այժմ
պէտք է պատահէր, առանց դրան էլ բաւական էր այսօր:
Սակայն շուտով կրկին սիրտը պնդացրեց և ասաց. ինչ-
պէ՛ս չարչարում է այդ անպիտանը, խղճում եմ նրան, բայց
ճիշտ չէ դատում. ի՛նչ նրա գործն է՝ թէ դատաւորն
ինչպէս է հասկացել նրա ասածը: Եթէ ասածի միտքը միշտ
այդպէս պարզ և հեշտ որոշուի, սատանան էլ չի երդուի. ես
գիտեմ նոյնպէս, որ նոյն իսկ այն մարդիկը, որոնք ամենից
լաւ պէտք է հասկանային բանի էութիւնը, երգում են ըստ
իրենց բացատրութեան և հանգիստ են: Թէև Վիւստի նման
ամեն մի անպիտան պարզ կտեսնէր, որ գործը յայտնապէս
յեղաշրջւում է: Բայց ի՛նչպէս ցանկանում եմ, որ այս մտած-
մունքներն այժմ գլխիցս դուրս գան. սրանք ինձ տճաճու-
թիւն են պատճառում:

Յետ գնամ ու մի բաժակ գինի խմեմ: Այսպէս ասաց
տանուտէրը և իր ասածը կատարեց ճշտութեամբ:

ԿԵՂԾԱՒՈՐՆ ՈՒ ՎՇՏԱՀԱՐ ԿԻՆԸ

Յետոյ նա գնաց Ֆէլիքս Կրիսէրի մօտ: Սա անպիտանի մէկն էր, որ ամենախորին ցաւերի մէջ ընկղմուածի նման, շարունակ պտուտ էր գալիս: Նա այնպէս էր խոնարհուած սափրիչի, տանուտէրի, ջրաղացպանի և իւրաքանչիւր օտարականի առաջ, ինչպէս որ խոնարհուած են քահանայի առաջ. միշտ ներկայ էր լինում շաքաթական քարոզներին և կիրակի երեկոյեան երգի ժամերին: Իրա համար էլ քահանայից մի մի անգամ մի բաժակ գինի էր ստանում և երբեմն, երբ բաւականին ուշ էր գալիս, ընթրիքի էր մնում: Բայց Կրիսէրը գիւղի տարապայման պաշտօնասէրների հետ չէր կարողանում հաշտուել, թէև միևնույն հոգացողութեամբ այդ էլ փորձում էր, որովհետև դրանց պատճառով չէր կամենում ուրիշների հետ ունեցած իր լաւ յարաբերութիւնը խանգարել: Բայց տարապայման պաշտօնասէրները չէին թողլ տալիս, որ իրենց աշակերտներն երկու ամիսի վրայ նստին և այսպիսով նա չընդունուեցաւ նրանց շրջանում՝ չնայելով իր բոլոր հնազանդութեան ցոյցերին, արհեստական կերպով սովորած կեղծիքներին և հոգու մեծամտութեան՝ թէև այդ յատկութիւններն ընդհանրապէս ընդունուած էին դրանց մէջ:

Բացի այդ արտաքին ու հասարակութեան յայտնի յատկութիւններից՝ Կրիսէրն ունէր և այլ յատկութիւններ, որոնք թէև նրա ընտանեկան կեանքի գործածութեան համար էին, բայց և այնպէս հարկ եմ համարում պատմել: Նա մի հրէշ էր՝ իր կնոջ և զաւակների վերաբերութեամբ:

Ամենայնոցին չքաւորութեան մէջ լինելով՝ միշտ ցանկանում էր լաւ բան ուտել և երբ նրա ուղածը չկար, ամեն բան ծուռ էր երևում նրան. երբեմն մանուկները չսանրուած էին թւում նրան, երբեմն չլուացուած և այսպիսի հազար ու մի բաներ:

Իսկ երբ կուռելու ոչինչ չէր գտնում և նրա փոքրիկ երեք ամսական երեխան թթու դէմք էր ցոյց տալիս, խփում էր նրա փոքրիկ ձեռքերին՝ յարգանք պահանջելով նրանից:

Յիմար ես, ի՞նչ է, ասաց նրան մի անգամ, այդպիսի դէպքերից մէկում, կինը, որ հարկաւ իրաւունք ունէր ու

Ճշմարտութիւնից մի խօսք անգամ աւելի չէր ասել. բայց Սրիսէրը ոտքով հարուածեց նրան. խեղճ կինն ուզեց փախչել, բայց վայր ընկաւ դրան տակը և գլուխն երկու տեղ ճղեց: Սրիսէրը վերքերը տեսնելով վախեցաւ, որովհետեւ կարծում էր թէ իր արարքը կարող է հրապարակ դուրս գալ և ինչպէս որ առհասարակ բոլոր կեղծաւորներն երկիւղի միջոցին խոնարհուում, ծըմբուում են, այդպէս էլ նա էր խոնարհուում և կուչ ու մուչ գալիս: Նա չոքեց կնոջ առաջը և ներողութիւն էր խնդրում, բայց ոչ թէ իրեն ներելու համար, այլ որ այդ եղելութիւնն ոչ ոքի չասէ:

Խեղճ կինն առանց մէկին բան ասելու՝ համբերութեամբ տարաւ վերքերի պատճառած ցաւը. իսկ սափրիչին ու դրացիներին յայտնեց՝ թէ պատահմամբ է վայր ընկել ու գլուխը կոտրել, թէ և նրանք չհաւատացին: Բարի՜ կին. բոլորովին չմտածեց, որ կեղծաւորները չեն կարող երախտագէտ լինել և իրենց խօսքը կատարել. չպէտք է հաւատա՞ր նրան: Սակայն ի՞նչ եմ ասում. նա այդ բոլորը լաւ գիտէր, բայց մտածում էր իր մանուկների մասին և հաւատացած էր, որ բացի Աստծուց ոչ ոք չէր կարող փոխել Սրիսէրի սիրտը և ուրիշների խօսակցութիւնն ի զուր կանցնէր: Քաջ կին. ափսո՛ս, որ նա աւելի բաղդաւոր չէ. ափսո՛ս, որ նրա սիրան ամեն օր պէտք է վերաւորուի ամուսնու վարմունքով: Նա լռում է, աղօթում Աստծուն և անտրտունջ ենթարկւում այդ փորձութեան:

Ո՛հ, յաւիտենականութիւն. եթէ մի օր վարագոյրը բանալով՝ ցոյց տալի՜ր մարդկանց Աստծոյ ճանապարհները, նրանք կտեսնէին, որ Աստուած ցաւի, ողբի և թշուառութեան միջոցով՝ հոգեկան-ոյժ, համբերութիւն ու իմաստութիւն է տալիս, — ո՛հ ի՛նչպէս կբարձրացնէիր այդ փորձութեան ենթարկուածներին, որոնց այստեղ այդպէս ստորացրի՜ր — Սրիսէրը կնոջ գլխի վերքերը դեռ չլաւացած՝ մոռացաւ իր արարքը և կրկին նոյնն էր: Նա ամեն օր առանց պատճառի ու առիթի վերաւորում ու չարչարում էր կնոջն ու դառնացնում նրա կեանքը:

Տանուտէրի գալուց մի քառորդ ժամ առաջ՝ կատուն վառարանի վրայից վայր էր ձգել ճրագը և մի բանի կաթիլ ձէթ թափել միջից: Սրիսէրն իր սովորական կատաղու-

Թեամբ գոռաց խեղճ կնոջ վրայ. յանցաւոր անպիտան, եթէ
լաւ հոգայիր, այդպէս չէր պատահի: Այժմ կարող ես մըթ-
նումը նստել և աթարով կրակ վառել, տաւա՛ր:

Աինը մի խօսքով անգամ չպատասխանեց, բայց արտօսու-
ներ էին՝ որ գլորւում էին նրա պտերից. երեսաներն անկիւն-
ներում նստած՝ նոյնպէս լաց էին լինում:

Հէնց այդ ժամանակ դուռը բաղխեց տանուտէրը:
Լռեցէք, ի սէ՛ր Աստծոյ, լռեցէք, ի՞նչ պէտք է լինի
արդեօք, տանուտէրն եկել է, ասաց Արիիւէրը, Թաշկինակով
սրբեց երեսանների պտերից արտասուքը և սպառնաց. ե-
թէ ձեզնից մէկը մի խօսք ասի՛, տեսէք Թէ ի՛նչպէս կճե-
ծեմ նրան յետոյ. ապա դուռը բաց արաւ, խոնարհ գլուխ
տուեց և հարցրեց — ի՛նչ կհրամայէք, պարոն տանուտէր:

Տանուտէրը կարճ հաղորդեց նրան իր յայտարարու-
թիւնը. բայց Արիիւէրը դրան մօտ ականջները սրելով՝ երբ
տեսաւ, որ էլ ոչ ոք չէ լաց լինում, պատասխանեց. ներս
համեցէք, պարոն տանուտէր. ես շուտով սիրելի ամուսնուս
կյայտնեմ, Թէ ի՛նչպիսի մեծ բաղդի եմ արժանացել: Տա-
նուտէրը ներս գնաց նրա հետ և Արիիւէրն իսկոյն ասաց
կնոջը. պարոն տանուտէրը մեզ համար մի բաղդաւոր լուր
բերեց. ես էլ եկեղեցու վերաշինութեան համար բանուոր
եմ նշանակուած. այս մի ա՛յնպիսի մեծ շնորհ է, որի համար
ես չեմ կարող բաւականաչափ երախտագէտ լինել:

Աինը պատասխանեց. շնորհակա՛լ եմ Աստծուց (մի ծա՛նր
հառաչանք դուրս Թռաւ նրա կրծքից):

Տանուտէր: Աինդ հիւանդ է:

Արիիւէր: Բաւականին ժամանակ է, որ նա իրեն ա-
ռողջ չէ զգում, պարոն տանուտէր. (նա մի կողմնակի, բար-
կացկոտ և սպառնալի հաւեացք ձգեց կնոջ վրայ):

Տանուտէր: Ես պէտք է գնամ, ցանկանում եմ ձեզ
առողջութիւն, տիկին:

Աինը: Գնաք բարով, պարոն տանուտէր:

Արիիւէր: Եթէ կարելի է, պարոն տանուտէր, խնդրեմ,
բարի եղէք և իմ կողմից շնորհակալութիւն յայտնեցէք Ար-
ներին այս շնորհի համար:

Տանուտէր: Այդ ինքդ էլ կարող ես անել:

Արիիւէր: Իրաւունք ունիք, պ. տանուտէր. իմ կողմից

անամօթութիւն էր, որ ձեզ խնդրեցի: Ես շուտով դղեակ կերթամ, այդ իմ պարտաւորութիւնն է:

Տանուտէր: Երկուշաբթի առաւօտը բոլոր բանուորները պէտք է գնան և կարծեմ դու էլ կարող ես նրանց հետ գնալ:

Կրիխէր: Բնականապէս, պ. տանուտէր, այո՛, ի հարկէ, ես չգիտէի, որ նրանք էլ գնում են:

Տանուտէր: Մնա՛ք բարև:

Կրիխէր: Յայտնում եմ ձեզ խորին շնորհակալութիւնս, պ. տանուտէր:

Տանուտէր: Ինձնից շնորհակալ լինելու ոչինչ չունես: (Նա գնում է ու ինքն իրեն ասում ճանապարհին.) գուցէ այս մարդն ինձ պէտք գայ՝ որմնագրին խարդաւանելու համար, սակայն ո՞վ կհաւատայ կեղծաւորին: Շաբէն — Միխէլն աւելի լաւ է, նա ուղղակի խաբեբայ է:

24.

ՊԱՐԶ, ՈՒՐԱՆ ԵՒ ԵՐԱՆՏԱԳԻՏ ՍԻՐՏ

Կրիխէրից յետոյ տանուտէրը գնաց կրտսեր Էբիի մօտ: Երբ Էբին լսեց այդ յայտարարութիւնը, ուրախութիւնից աղաղակեց և սկսեց գարծան սկզբին առաջին անգամ մարգագետնի վրայ ազատ թողած երնջի նման թռչկոտալ. իսկոյն պէտք է կնոջս յայտնեմ այդ, որ նա էլ ուրախանայ, բայց աւելի լաւ կլինի, որ սպասեմ մինչև վաղը. հէնց վաղը լրանում է մեր ամուսնութեան ութերորդ տարին: Այդ օրն ես երէկուայ պէս լա՛ւ եմ յիշում, այն ժամանակից յետոյ մենք շատ ուրախ ու դառն օրեր ենք ունեցել: Փա՛ռք Աստուծոյ. այդ բոլորի համար շնորհակալ եմ նրանից: Այո՛, վաղը, հէնց որ զարթի, իսկոյն այդ լուրը կհաղորդեմ նրան: Երանի՛ թէ արդէն վաղը լինէր, այժմ իսկ երեւակայում եմ՝ թէ նա ի՛նչպէս լացն ու ծիծաղն իրար խառնելով՝ ինձ ու իր սիրելի մանուկներին ուրախութիւնից պէտք է գրկէ: Ա՛խ, երանի՛ թէ արդէն վաղը լինէր: Նրան ուրախացնելու համար՝ նրանից ծածուկ մի հաւ կմորթեմ և կեփեմ՝ նա թէև կափոսոսայ, բայց կուրախանայ. դրանով խիղճս էլ կարծեմ շատ անհանգիստ չի լինի. նրան այդպիսի ուրախութիւն պատճառելու համար յանցանք չի լինի արածս, այո՛, ես կմոր-

Թեմ հաւը: Ամբողջ օրը տանը կմնամ և կուրախանամ կնոջս ու երեխաներիս հետ: Բայց ո՞չ, ես նրա հետ եկեղեցի կերթամ: Պէտք է ուրախանանք, զուարճանանք և չնորհակալ լինենք Աստծուց, որ նա այդչափ բարի է:

Այսպէս ուրախ սրտով ինքն իրեն խօսում էր կրտսեր Էթին՝ տանուտէրի բարի համբաւը լսելով և մեծ անհամբուլութեամբ սպասում էր առաւօտեան գալուն. նա միւս օրը կատարեց իր ասածը:

25.

ԹԻ ԻՆՉՊԻՍ ԵՆ ԽԱԲԵԲԱՆԵՐԸ ՄԻՄԵԱՆՑ ՀԵՏ ԽՕՍՈՒՄ

Տանուտէրն Էթիի մօտից գնաց Շաբէն-Միխէլի մօտ: Աերջինս հեռուից նրան տեսաւ Թէ չէ, կանչեց, տարաւ տան յետևի կողմը և հարցրեց. ի՞նչ կայ:

Տանուտէր: Ուրախ բան:

Միխէլ: Այո, գիտեմ, դու այնպիսի մարդ ես, որ կարող ես հրաւիրակի պաշտօն կատարել հարսանիքներում:

Տանուտէր: Ինչ կուզես ասա՛, այս անգամ տխուր բան չէ ասելիքս:

Միխէլ: Ի՞նչ է:

Տանուտէր: Դու մի նոր ընկերութեան անդամ ես դարձել:

Միխէլ: Ի՞նչ ընկերութեան և ինչո՞ւ:

Տանուտէր: Հիւբէլ-Մուգիի, Լէնկի, Լէէմանի, Արիսերի և Բոյտի Մարքսի:

Միխէլ. Գի՛ժ ես ինչ է. Ի՞նչ գործ ունեմ ես դրանց հետ:

Տանուտէր: Բօննալ գիւղի եկեղեցին պէտք է վերաշինէք ու զարդարէք:

Միխէլ: Ճիշտ:

Տանուտէր: Աստուած է վկայ:

Միխէլ: Բայց ո՞վ է այդ կաղերին ու կոյրերին ընտրել:

Տանուտէր: Իմ ազնուազարմ, իմաստուն և արդարադատ տէր Արնեը:

Միխէլ: Խե՞նթ է նա:

Տանուտէր: Ես ի՞նչ գիտեմ:

Միխէլ: Այդպէս է երևում:

Տանուտէր: Գուցէ այնքան էլ վատ չէ, որ նա այդպէս է. ճկուն փայտը հեշտ է ուրուում, բայց պէտք է գնամ, երեկոյեան եկ ինձ մօտ, առանձին խօսելիք ունեմ քեզ հետ:

Միխէլ: Ագամ. այժմ ո՛ւմ մօտ ես գնում:

Տանուտէր: Բոյտի Մարքսի մօտ:

Միխէլ: Հէ՛նց դա է գործի մարդը. Տէ՛ր Աստուած, մարդ պէտք է խելքը կորցրած լինի, որ դրան բանուոր ընտրէ: Չեմ կարծում, որ նա տարիներով բա՛հ կամ թի առած լինի ձեռքը. նրա մի կողմն էլ հաշմ է:

Տանուտէր: Ի՞նչ անենք. դու երեկոյեան ե՛կ ինձ մօտ:

Այդտեղից տանուտէրը գնաց Մարքսի մօտ:

26.

ԱՂՔԱՏՈՒԹԵԱՆ ԵՒ ԹՇՈՒԱՌՈՒԹԵԱՆ ՄԷՋ ՄԵԾԱՄՏՈՒԹԻՒՆՆ ԼՄԵՆԱԱՆԲՆԱԿԱՆ ԵՒ ԼՄԵՆԱԶԶՈՒԵԼԻ ԳՈՐԾԵՐ Է ԱՆԵԼ ՏԱԼԻՍ

Մարքսը մի ժամանակ կարողութեան տէր մարդ էր և պարապել էր վաճառականութեամբ. բայց վաղուց արդէն իր քոլոր ունեցածն աճրդով ծախել էր և ապրում էր համարեա՛ թէ միմիայն քահանայի և իր մի քանի հարուստ ազգականների տուած ողորմութեամբ: Բայց իր թշուառութեան մէջ միշտ մնաց մեծամիտ և ամեն կերպ աշխատում էր ամենքի առաջ ծածկել իր ընտանիքի մեծ կարիքը (բացի այն տեղերից, ուր նա մուրացկանութիւն էր անում): Սա տեսնելով տանուտէրին, խիստ վախեցաւ, բայց չգունատուեց, որովհետեւ առանց այդ էլ մեռելի գոյն ունէր: Նա շուտով հաւաքեց ցրուած ցնցոտիները և ծածկեց անկողնի վերմակի տակ. իսկ կիսամերկ երեխաներին հրամայեց շուտով թագնուել ննջարանում:—Տէ՛ր Աստուած, բացագանչում են մանուկները, անձրեւն ու ձիւնը սենեակի մէջ է թափւում. լսում ես թէ ի՛նչպիսի փոթորիկ է, հայր. ննջարանն էլ պատուհան չունի:—Գնացէ՛ք, անիծած երեխաներ, ի՛նչպէս կատաղեցնում էք ինձ. ձեր մարմինը պէտք է չարչարանքի սովորի:—Զի՛ կարելի դիմանալ, հայր. ասում են մանուկները:—Երկար չի տեւի, անպիտաններ, գնացէ՛ք, ասում է հայրը, ուժով ներս հրում նրանց, փակում դուռը և ապա թէ ներս կանչում տանուտէրին:

Հումեը յայտնում է նրան իր գալու նպատակը: Մարքսը շնորհակալութիւն է յայտնում և հարցնում. արդեօք ես վերակացո՞ւ եմ նշանակուած այդ մարդկանց վրայ:

— Ո՛չ, պատասխանեց տանուտէրը, դու էլ միւսների նման պէտք է բանես:

Մարքս: Միթէ:

Տանուտէր: Եթէ չես կամենում յանձն առնել այդ աշխատութիւնը, կարող ես հրաժարուել:

Մարքս: Հարկաւ ես այդպիսի աշխատանքի սովոր չեմ, բայց որովհետեւ գործը վերաբերում է Արներին ու բահանային, ուրիշ կերպ չեմ կարող, պէտք է ընդունեմ:

Տանուտէր: Այո՛, նրանք շատ կուրախանան և կարելի է ենթադրել, որ Արներն ինձ մի անգամ էլ կուղարկէքեզ մօտ՝ իր շնորհակալութիւնը յայտնելու:

Մարքս: Այդ չե՞մ ասում, բայց ես էլ հօ ամեն մարդու մօտ չեմ կարող օրավարձով աշխատել:

Տանուտէր: Առանց աշխատանքի էլ ապրուստ ունես:

Մարքս: Փա՛ռք Աստծոյ, դեռ ունեմ:

Տանուտէր: Գիտե՛մ, գիտե՛մ, բայց ո՞ւր են երեխաներդ:

Մարքս: Այսօր նրանք քնուկ տանն են ճաշում:

Տանուտէր: Ինձ այնպէս է թւում՝ թէ ննջարանից աղաղակ եմ լսում:

Մարքս: Ոչ մէկն էլ տանը չէ:

Տանուտէրը մի անգամ էլ լսելով երեխաների աղաղակը՝ առանց այլեւայլութեան բաց է անում ննջարանի դուռը և տեսնում համարեա՝ մերկ երեխաներին, որոնք սենեակի մէջ ներս մտնող քամուց, անձրեւից և ձիւնից այնպէս են դողում, որ հազիւ թէ կարողանում են խօսել:

Տանուտէր: Երեխաներդ ճաշում են հա՛, Մարքս. շո՛ւնդ կեղծաւոր անպիտան. անիծե՛ալ մեծամտութեանդ պատճառով խեղճ երեխաներին ի՞նչ օրն ես գցում:

Մարքս: Ի սէ՛ր Աստծոյ, ոչ ոքի չասես, տանուտէր, ի սէ՛ր Աստծոյ. եթէ այդ բանը դուրսը պատմես՝ աշխարհիս երեսին ամենագոյնի մարդը կլինեմ:

Տանուտէր: Խեղճ կորցրել ես ինչ է. երեխաներին ասա՛, որ դուրս գան այդ շա՛ն որջից, չե՞ս տեսնում, որ

խեղճերը կապտել և սևացել են ցրտից. ես իմ շահն էլ
այդպէս չեմ բանտարկի:

Մարքս: Դճուրս եկէ՛ք, բայց խնդրում եմ, տանու-
տէր, ի սէ՛ր Աստծոյ, ոչոքի չասէ՛ք:

Տանուտէր: Իսկ դու կերթաս և քահանայի առաջ
դարձեալ բարեպաշտ կձևանաս:

Մարքս: Ի սէ՛ր Աստծոյ, ոչոքի մի՛ ասէ՛ք:

Տանուտէր: Անամօթութիւն է արածդ սո՛ւրբ մարդ:
Հերիտիկո՞ս անպիտան. արածդ մարդկային վարմունք չէ:

Անցեալ շաբաթ էլ դո՛ւ ես տէրտէրին պատմել մեր կռուի
մասին, որովհետեւ հէնց ժամի 12-ին, երբ այդ կռիւը պա-
տահեց, դու իմ տան մօտովն էիր անցնում:

Մարքս: Ո՛չ, ի սէ՛ր Աստծոյ, մի՛ հաւատաք, ես չեմ
ասել. Աստուած է վկայ, որ ճիշտ չէ:

Տանուտէր: Դեռ համարձակում ես երգուել:

Մարքս: Աստուած վկայ ճիշտ չէ. տանուտէր, թող
տեղիցս չկարողանամ շարժուել՝ եթէ այդ ճիշտ լինի:

Տանուտէր: Այժմեան ասածդ կարո՞ղ ես իմ ներկայու-
թեամբ քահանայի մօտ կրկնել. ես աւելի տեղեկութիւններ
ունեմ քան թէ դու կարծում ես:

Մարքսն սկսեց կակաղել. ես գիտեմ,.... ցանկանում
եմ... ես... չսկսեցի այդ մասին խօսել:

— Քեղ պէս մի ստախօս շուն կեանքումս չեմ տեսել.
այժմ մենք միմեանց ճանաչում ենք, ասաց տանուտէրը, գը-
նաց և այդ ամենը պատմեց քահանայի խոհարարուհուն, որ
կուշտ ծիծաղեց բարեպաշտ իսրայելացու վրայ և խոստացաւ
բոլորը ճշտօրէն պատմել քահանային: Տանուտէրն էլ սըր-
տանց ուրախացաւ, կարծելով թէ քահանան այլ ևս այդ
անպիտանին ուտելու հաց չի տալ, բայց տեղ նա շատ
սխալուեց, որովհետեւ քահանան ցայժմ էլ նրան հաց էր
տալիս ոչ թէ նրա առաքինութեան, այլ բաղցածութեան
համար:

27.

ՋԱՆԱՍԻՐՈՒԹԻՒՆ ԵՒ ԱՇԽԱՏԱՍԻՐՈՒԹԻՒՆ՝ ԱՌԱՆՑ ԵՐԱՒ-
ՏԱԳԷՑ ՈՒ ՑԱՒԱԿԷՑ ՍՐՏԻ

Մարքսի մօտից տանուտէրը գնաց վերջապէս տոմսակի

վրայ նշանակուած վերջին բանուորի մօտ: Սա ֆինաստ ա-
նունով մի հիւանդոտ մարդ էր, որ թէւ Դեռ 50 տարեկան
էլ չկար, բայց աղքատութիւնից ու հոգսերից թուլացել էր.
այսօր մանաւանդ նա սաստիկ տխուր էր: Նրա աւագ դուստրն
երէկ քաղաքում պաշտօն էր ստանձել և այժմ հօրը ցոյց էր
տալիս ստացած գրաւականը. այդ բանից շատ վախեցաւ
խեղճ մարդը: Նրա յղի կինը պէտք է շուտով ծննդաբե-
րէր և Սուսաննան միակն էր նրա զաւակների մէջ, որ կա-
րող էր ընտանեկան գործերում օգնել մօրը. այժմ դա էլ
14 օրից յետոյ պէտք է ծառայելու գնար: Հայրն արտա-
սուալի աչքերով խնդրում էր, որ աղջիկը գրաւականը կրկին
յետ դարձնէ և տանը մնայ մինչև մօր ծննդաբերութիւնը:
Զե՛մ կամենում, պատասխանում էր դուստրը, եթէ այդ ծա-
ռայութիւնը թողնեմ, յետոյ ուրիշը չեմ կարող գտնել:

Հայր: Մօրդ ծննդաբերութիւնից յետոյ ինքս քեզ հետ
քաղաք կգամ և կօգնեմ քեզ՝ մի այլ տեղ որոնելու. միայն
թէ մինչև այն ժամանակ մնա՛ այստեղ:

Դուստրը: Մինչև այդ ժամանակ կէս տարի կանցնի,
բացի դրանից այժմեան պաշտօնս լաւն է իսկ ո՞վ գիտէ թէ
յետոյ ինչպիսիք կգտնենք քո օգնութեամբ. կարճ, ես չեմ
կարող այդչափ երկար սպասել:

Հայր: Դու գիտես, Սուսաննա, որ ամեն բան, ինչ որ
կարողացել եմ, արել եմ քեզ համար. յիշիր մանկու-
թեանդ տարիները և այժմ, կարիքի ժամանակ, անօգնական
մի՛ թողնի ինձ:

Դուստրը: Մի՛թէ իմ քաղաքաւորութիւնը չես ցանկա-
նում, հայր:

Հայր: Ա՛խ, այդ քաղաքաւորութիւն չէ՛, որ խեղճ ծը-
նողներիդ անօգնական ես թողնում այսպիսի հանգամանքնե-
րի մէջ. այդպէս մի՛ անի, Սուսաննա: Մայրդ մի գեղեցիկ թաշ-
կինակ ունի, որ ստացել է իր հանգուցեալ կնքահօրից իբ-
րև յիշատակ. եթէ դու մեզ մօտ մնաս, այդ թանկագին
ընծան քոնը կլինի:

Դուստր: Ես ոչինչ չեմ ցանկանում. ո՛չ ձեր ցնցոտի-
ները և ոչ էլ թանկագին իրերը. դրանից լաւը կարող եմ
աշխատել: Արդէն ժամանակ է, որ ինքս ինձ համար հոգամ:

Եթէ տասը տարի ևս ձեզ մօտ մնամ, դարձեալ մի անկողին ու արկղ էլ չեմ ունենայ:

Հայր: Ամէն բան հօ այդ կէս տարուց չէ՛ կախուած. ծննդաբերութիւնից յետոյ էլ չեմ ուշացնի բեղ. այս մի բանի շաբաթը մնա:

— Ո՛չ, չեմ կարող, հայր, պատասխանում է դուստրը, շուռ գալիս ու վազում դրացիներից մէկի մօտ:

Հայրը մնաց վհատուած, իր հոգսերից ու ցաւերից ընկճուած և ինքն իրեն ասաց. ի՞նչ անեմ, ինչո՞վ օգնեմ. այս Յովբի լուրն ի՞նչպէս յայտնեմ կնոջս: Թշուառ ու անպիտանն ես եմ, որ այս երեսային այսպէս վատ դատարարակեցի: Նա լաւ է աշխատում, մտածում էի միշտ ու ամէն բան ներում նրան: Ախն հարկեր անգամ ասել է, որ նա շատ կոշտ ու յանդուգն է իր ծնողների վերաբերութեամբ և իր եղբայր ու քոյրերին բան սովորեցնելիս նոյնպէս անսիրտ է վարւում, որ նրանցից ոչ մէկը մի բան չէ սովորում:— Նա լաւ է աշխատում, գուցէ միւսներն էլ մեղաւոր են, պէտք է ներել նրան, պատասխանում էի միշտ:— Ես չմտածեցի, որ երբ մարդու սիրտը կոշտ է, այն ժամանակ ամէն բան վերջացաւ. ի՞նչ լաւ յատկութիւններ էլ որ ունենայ, այնուամենայնիւ նրա վրայ չի կարելի վստահ լինել: Երանի՛ր Թէ արդէն ասած լինէի կնոջս. ի՞նչ պէտք է անէ խեղճը:

Մինչդեռ Քինաստն այդպէս ինքն իրեն խօսում էր, տանուտէրն աննկատելի կերպով մօտեցաւ նրան:

— Ի՞նչը չես կարող կնոջդ ասել, Քինաստ, հարցրեց տանուտէրը:

Քինաստը գլուխը բարձրացնելով՝ տեսնում է տանուտէրին և ասում. դո՛ւ ես, տանուտէ՛ր, չտեսայ: Հա՛, ինչը չեմ կարող կնոջս ասել—այն, որ Սուսաննան քաղաքում պաշտօն է գտել և ուզում է գնալ, բայց մեզ էլ հարկաւոր է: Քիչ մնաց մոռանայի հարցնել, Թէ դու ի՞նչ ես ուզում:

Տանուտէր: Ինկատի ունենալով Սուսաննայի վարմունքը՝ գուցէ բերած համբաւս քեզ համար մի սփոփանք լինի:

Քինաստ: Այսպիսի կարիքի ժամանակ այդ բաղդաւորութիւն կլինէր ինձ համար:

Տանուտէր: Եկեղեցու վերաշինութեան համար բանուոր ես նշանակուած և օրական 25 կրոյցեր վարձատրու-

թիւն կստանաս. դրանով կարող ես մի կերպ գործդ առաջ տանել:

Քինաստ: Տէ՛ր Աստուած, կարո՞ղ եմ վստահ լինել ասածիդ վրայ:

Տանուտէր: Այո՛, այո՛, Քինաստ, ասածս ճշմարիտ է:

Քինաստ: Գոհութիւն Աստուծոյ (յանկարծ վատ է զգում իրեն, անդամները դողում են). պէտք է նստեմ, երկիւղն և ուրախութիւնը միմեանց յաջորդելով՝ ինձ բոլորովին շփոթեցրին (նստում է մօտիկ ընկած կոճղի վրայ և յենւում տան պատին, որ վայր չընկնի):

Տանուտէր: Շա՛տ բանի չես կարող դիմանալ:

Քինաստ: Դեռ ևս անօթի եմ:

Այսքան ժամանակ, պատասխանեց տանուտէրն ու գնաց իր ճանապարհով:

Խեղճ կինը սենեակից տեսնելով, որ տանուտէրն իր մարդու հետ է խօսում, սարսափելի կերպով ողբում և ասում էր. երեւի մի դժբաղդութիւն է պատահել, մարդս այսօր ամբողջ օրը շփոթուած է և չգիտէ թէ ի՞նչ է անում. Սուսաննային էլ դրացու մօտ ձեռքերը միմեանց խփելիս տեսայ. նա կարծես տհաճութիւնից չգիտէ թէ ի՞նչ անէ, այժմ էլ տանուտէրն է եկել. այս ի՞նչ դժբաղդութիւն է պատահել, աշխարհումս ինձ պէս բազմաշարժար կին չկայ... արդէն բառասուն տարեկան եմ և ամեն տարի էլի երեխայ եմ բերում՝ հոգսերով, երկիւղով և կարիքով շրջապատուած: — Այսպէս ողբում էր Խեղճ կինը սենեակում: Այդ միջոցին Քինաստը նորից զգաստացաւ և երկար տարիներ չտեսնուած ուրախ ու զուարթ գէմքով՝ կնոջ մօտ եկաւ:

Կինը: Դու ուրախ ես ձեռացնում բեզ, կարծում ես թէ չգիտեմ, որ տանուտէրն այստեղ էր:

Քինաստ: Այսօր նա մեղ սփոփելու համար՝ կարծես երկնքից իջաւ:

Կինը: Մի՞թէ կարելի բան է ասածդ:

Քինաստ: Նստի՛ր, լաւ բան պէտք է պատմեմ բեզ, — եւ նա պատմեց ինչ որ պատահել էր Սուսաննայի հետ և թէ ինչպէս երկիւղի մէջ էր ինքը, բայց այժմ, փառք Աստծոյ, այլ ևս կարիք չի ունենայ: Յետոյ կերաւ ճաշին ձեռք չտուած ապուրը և ապա իր կնոջ հետ ի միասին շնորհա-

կալութեան և ուրախութեան արցունքներ թափեց և աղօթեց. առ Աստուած, որ կարիքի ժամանակ օգնեց իրենց: Սուսաննան նոյն իսկ օրը ծնողների թղլտութեամբ գնաց քաղաք և իր ցանկացած պաշտօնը ստանձնեց:

28.

ՄԻ ՏՕՆԻ ՆԱԽԸՆԹԱՅ ԵՐԵՎԱՆԻ ՏԱՆՈՒՏԷՐ — ՊԱՆԴՈԿԱՊԵՏԻ ՏԱՆԸ

Տանուտէրը շատ մանգալուց յոգնած և ծարաւ շտապեց կրկին դէպի տուն: Արդէն շատ ուշ էր, որովհետեւ Քինաստը բնակոււմ էր գիւղից համարեաւ մի ժամ հեռու գտնուող սարի վրայ: Հոռմէն այսօր իր մարդկանց միջնորդութեամբ ամեն տեղ տարածել էր, որ երէկուայ դէպքից բոլորովին չէ վախեցել և մի տարի կլինի, որ ինքն այսօրուայ պէս զուարթ ու աշխոյժ չէ եղել: Այս լուրն իր ներգործութիւնն ունեցաւ ու երեկոյեան պէմ մի քանի մարդիկ սիրտ առան գինետուն մտնելու: Երբ մթնեց՝ աւելի շատերն եկան. իսկ գիշերը, մօտ ժամի 7-ին, ըստ սովորականին բոլոր սեղանների շուրջը լիքն էին:

Այդպէս է միշտ: Երբ որսորդը կեռասենու վրայ մի թռչուն է սպանում, իսկոյն կեռաս կտցահարող բոլոր թռչունների խումբն արագութեամբ թռչում է այդ ծառից. բոլոր թռչուններն աղաղակում են երկիւղից. սակայն մի փոքր ժամանակից յետոյ կրկին գալիս են: Սկզբում միայն մէկն է գալիս և էլ որսորդին չտեսնելով՝ սկսում է այնպէս սուլել, որ նման չէ երկիւղից առաջացած աղաղակին. կերակրի մօտ նստած՝ նա սուլում է ուտելու ախորժակով և աշխոյժ ձայնով: Այդ համարձակ ձայնի վրայ հաւաքոււմ են նաև երկչոտները և բոլորը նորից սկսում են կեռաս կտցահարել՝ կարծես թէ որսորդն ոչ ոքի սպանած չլինէր:

Այդպէս պատահեց և գիւղացիների հետ. սենեակը կրկին լցուեց այն մարդկանցով, որ երէկ և այսօր ճաշից առաջ չէին համարձակոււմ գալու:

Չար գործ անելիս ամեն ինչ աշխոյժ է անցնում, եթէ շատերն են միատեղ են լինում և դրանց կառավարում են սըրտոտ ու համարձակ մարդիկ: Եւ որովհետեւ այդպիսիներն անպակաս են գինետների մէջ, անվիճելի է, որ դրանք ա-

ւելի լաւ են կաղմակերպուած՝ հասարակ ժողովրդին ամեն տեսակ չարութիւնների և վատ արարքների համար տրամադրելու, համարձակ և թեթեամիտ ուղղութիւն տալու, բան խեղճ և հասարակ դպրոցները, որ մարդկանց պատրաստում են առաքելի, խաղաղ և տնտեսական կեանքի համար: Սակայն շարունակենք մեր պատմութիւնը:

Գինետանն եղած գիւղացիները կրկին տանուտէրի բարեկամները դարձան, որովհետեւ նրա գինու մօտ էին նստած: Մէկը խօսում էր՝ թէ տանուտէրն այնպիսի մարդ է, որին ոչ ոք չի կարող յաղթել. միւսն ասելով՝ թէ Արները դեռ երեխայ է, պատմում էր թէ ինչ աղգեցութիւն ունէր տանուտէրը նրա պապի վրայ: Մի ուրիշը՝ թէ ինչպէս Աստուծոյ առաջ անարդարացի է և վերջին դատաստանի օրն անպատասխանատու բան, որ Արները կամենում է խեղճ համայնքից խլել գինետուն պահելու իրաւունքը, որ նոյն իսկ Նոյի և Աբրահամի ժամանակներից՝ համայնքի ձեռքին է եղել:

Գիւղացիներն այսպէս էին բարբառում և կոնծում. տանուտէրի կինը ծիծաղում էր և գինու գաւերը մէկը միւսի յետեից սեղանի վրայ դնում, իսկ զրանց թիւը միւս սենեակում կաւիճով նշանակում էր տախտակի վրայ:

Այդ միջոցին եկաւ տանուտէրը և սրտանց ուրախացաւ, երբ բոլոր սեղանները կրկին սրիկաներով չըջապատուած գտաւ: Հա՛տ լաւ էք արել, պարոններ, որ ինձ չէք մոռացել, ասաց նա:

Մենք չենք դաւաճանի բեղ, պատասխանեցին գիւղացիները և աղմկալի գոչիւնով խմեցին նրա կենացը:

Այդպէս մի աղաղակէք, դրացիներ, ասաց տանուտէրը, այս գիշեր նախատօնակ է: Պատուհանի փեղկերը փակիր և հանգցրո՛ւ փողոցի կողմն եղած ձրագները: Աւելի լաւ է, յետեւի սենեակը գնանք. տա՛ք է այնտեղ, այ՛ կին:

Կինը: Այո՛, ես մտածեցի այդ մասին ու տաքացնել տուի:

Տանուտէր: Լա՛ւ. դրացիներ, ամեն ինչ վերցրէք սեղաններից, գնանք յետեւի սենեակը:

Կինն ու գիւղացիները վերցրին բաժակները, շշերը, հաց, պանիր, դա՛ւակ, ափսէ, խաղալու թուղթ և բոլորը

տարան յետևի սենեակը, որտեղից, եթէ մարդ էլ սպանեն,
փողոցի վրայ ոչինչ չի լսուի:

Այստեղ ապահով ենք պատուհանների տակից ականջ
դնող անպիտանների և սևագլխի (քահանայի) ծառաների
հսկողութիւնից. բայց ես որսի շան նման ծարաւ եմ. գինի
բերէք այստեղ:

Կինը բերում է գինին և Քրիստէնը հարցնում է իս-
կոյն. այդ էլ այսօրուայ գինուցն է՝ տանուտէր, որ սափ-
րիչի շունը հետոք խմեց:

Տանուտէր: Ի՞նչպէս չէ. կրկին այնպիսի յիմարու-
թիւն կանեմ:

Քրիստէն: Ի՞նչ սատանայական նպատակ ունէիր:

Տանուտէր: Աստուած է վկայ, ոչ մի նպատակ չունէի.
յիմարութիւն էր միայն. գեռ անօթի էի ու չէի ուզում
խմել:

Քրիստէն: Ձեմ հաւատում:

Տանուտէր: Ինչո՞ւ:

Քրիստէն: Ինչո՞ւ, որովհետեւ մեր խմած գինին էլ
ծծմբի հոտ ունէր:

Տանուտէր: Ո՞վ ասաց:

Քրիստէն: Ե՛ս, վարպետ Ուրիաս, խմելիս չնկատեցի
այդ, բայց երբ դատարկ գաւը տուն էի տանում, ծծմբի
հոտն այնպէս փչեց բթիս, որ քիչ մնաց մէջքիս վրայ ընկ-
նէի: Այս բոլորն ի նկատի առնելով՝ բաւականին պարզում
է, որ դու մի բան էիր ուզում անել:

Տանուտէր: Եթէ օրօրոցի մանուկը բան գիտէ կնոջս
ուղարկած գինու մասին՝ այնպէս էլ ես: Դու երեւակայում
ես, գի՛տ:

Քրիստէն: Բայց գիտե՛ս, որ երկրի իրաւունքների
մասին մի լաւ քարոզ ասացիր. կարծեմ այդ էլ այնպէս
աննպատակ արեցիր, ինչպէս որ մէկը մի պտղունց բթախոտ
է վերցնում:

Տանուտէր: Լո՛րի, Քրիստէն, ամենից լաւն այն կիւնէր,
որ քեզ մի լա՛ւ ծեծել տայի՝ գինու գաւը շուռ տալու հա-
մար: Բայց, ասա՛ տեսնեմ, իմ գնալուց յետոյ սափրիչի
մօտ էլ ի՞նչ պատահեց:

Քրիստէն: Բայց խոստովմի՛ր:

Տանուտէր: Ի՞նչ խոստում:

Քրիստէն: Որ մինչև առաւօտ խմած գինուս փողը չվճարեմ, եթէ լա՛ւ բան իմանամ:

Տանուտէր: Բայց եթէ ոչինչ չգիտենաս՝ դարձեալ կխմե՞ս:

Քրիստէն: Ոչինչ չգիտեմ, գինի բեր այստեղ և լսիր:

Տանուտէրը գինի է տալիս նրան, ու նստում կողքին: Քրիստէնը պատմում է իր գիտցածը և չգիտցածը: Մի անգամ նա իր ասածներն այնպէս շփոթեց, որ տանուտէրը նկատեց այդ և ասաց.

— Այնպէ՛ս ստիր, շո՛ւն, որ իսկոյն չնկատուի:

— Ո՛չ, Աստուած է վկայ, պատասխանեց Քրիստէնը, ասածիս ոչ մի կէտն էլ մազի չափ հեռու չէ ճշմարտութիւնից:

— Բաւականէ, Շաբենմիսէն եկաւ, նրա հետ բան ունեմ խօսելու, ասաց տանուտէրը, մօտեցաւ միւս սեղանին, ուր նստած էր Շաբենմիսէլը, խփեց նրա ուսին և ասաց.

29.

ՀԱՐՈՒՆԱԿՈՒԹԻՒՆ. ԹԷ ՍՏԱՀԱԿՆԵՐՆ ԻՆՉՊԷՍ ԵՆ ՄԻ-
ՄԵԱՆՑ ՀԵՏ ԽՕՍՈՒՄ ԵՒ ԳՈՐԴՈՒՄ

Դու էլ մեղաւորների շարքումն ես: Ես կարծում էի, որ եկեղեցու պարսպի շինութեան գործում պաշտօն ստանալով՝ յանկարծ սուրբ դարձար, ինչպէս որ արեց մեր մագործը, երբ մի անգամ մի ամբողջ շաբաթ՝ մղդսու փոխարէն ճաշերին պէտք է զանգահարէր:

Միխէլ: Ո՛չ, տանուտէր, իմ դարձն այդպէս արագ չի լինի, բայց երբ մի անգամ սկսուի, էլ յետ չեմ մնայ:

Տանուտէր: Այդ գէպքում կցանկանայի քո խոստովանաճայրը լինել, Միխէլ:

Միխէլ: Բայց ես չէի ցանկանայ:

Տանուտէր: Ինչո՛ւ:

Միխէլ: Դու յանցանքներս կկրկնապատկէիր քո սուրբ կաւիճով:

Տանուտէր: Իրաւացի չէ՞ր լինի այդ:

Միխէլ: Ո՛չ, տանուտէր, ես կամենում եմ այնպիսի

խոստովանա՛հայր ունենալ, որ յանցանքներս ներէ ու թողութիւն տայ և ոչ թէ կաւիճով գրէ:

Տանուտէր: Ե՛ս էլ կարող եմ յանցանքներդ ներել և թողութիւն տալ:

Միխէլ: Քո գրքի՛ յանցանքներից:

Տանուտէր: Ի հարկէ, դժբաղդաբար այդ յաճախ եմ անում: Բայց աւելի լաւ է, որ ուրիշները կարծեն՝ թէ սիրով եմ այդպէս անում:

Միխէլ: Վարելի՛ է այդ, պարո՛ն տանուտէր:

Տանուտէր: Տեսնենք, (կանչելու նշան է անում):

Նրանք միասին գնում են վառարանին կից անկիւնում դրած սեղանի մօտ և տանուտէրն ասում է. լա՛ւ որ այստեղ ես, կարող է բաղդի բանել:

Միխէլ: Ես էլ բաղդի կարիք ունեմ:

Տանուտէր: Հաւատում եմ, բայց եթէ պատրաստուես, փող կվաստակես:

Միխէլ: Ինչպէ՛ս պէտք է անեմ այդ:

Տանուտէր: Դու պէտք է որմնադրին շողոքորթես և բաղցած ու աղքատ ձեռացնես բեղ:

Միխէլ: Այդ առանց ստելու էլ կարող եմ անել:

Տանուտէր: Դու պէտք է յաճախ բոբաժին ընթրիքն երեխաներիդ տաս, որ նա հաւատայ՝ թէ բո սիրտը հալած իւղի նման փափուկ է. երեխաներդ էլ պէտք է բոբիկ ու ցնցոտիներով յետևիցդ վազեն:

Միխէլ: Այդ էլ դժուար չէ:

Տանուտէր: Եւ երբ նրա տասը բանուորների մէջ ամենից սիրելին դու կդառնաս, այն ժամանակ կսկսուի գործդ:

Միխէլ: Իսկ այդ գործն ի՞նչ պէտք է լինի:

Տանուտէր: Դու պէտք է անես այն ամենը, ինչ որ կարող է շինութեան ժամանակ վէճ ու կասկած ծագեցնել աշխատանքն անկարգ դրութեան մէջ ձգել և վարպետի ու բանուորների վարկն Արների աչքում վայր ձգել:

Միխէլ: Այդ արդէն մի փոքր դժուար կարող է լինել:

Տանուտէր: Բայց միւսնոյն ժամանակ դու կարող ես դրամ վաստակել:

Միխէլ: Այս ծրագիրն առանց այդ յոյսի՝ թէ և կա-

րող էր մի խելօք մարդ տալ, սակայն յիմարը միայն կարող էր յանձն առնել:

Տանուտէր: Շատ հասկանալի է, որ դու այդ գործում դրամ պէտք է վաստակես:

Միխէլ: Երկու թալէր առ ձեռն, պարոն տանուտէր, այդ պէտք է առաջուց վճարես, եթէ ոչ չեմ յանձն առնի:

Տանուտէր: Դու հետզհետէ աւելի անամօթ ես դառնում, Միխէլ. իմ տուած գործում՝ բոլորովին ոչինչ չչի ներսով փող պէտք է վաստակես, իսկ դու կամենում ես իմ բարի եւորհուրդը լսելուդ համար էլ վարձ ստանալ:

Միխէլ: Աչինջ չեմ ուզում լսել: Դու կամենում ես, որ քեզ ծառայելիս խաբեբայի դեր խաղամ. իսկ ես կամենում եմ այդ սրտանց ու հաւատարմութեամբ անել բայց դրա համար հարկաւոր է առ ձեռն փող ու մի գրաւական. պէտք է տաս երկու թալէր և ոչ մի կրոյցեր պակաս. եթէ ոչ՝ ինքդ արա այդ գործը, տանուտէր:

Տանուտէր: Շո՛ւն, դու գիտես՝ թէ ճորտեղ կարող ես ատիպել. ահա քեզ երկու թալէր:

Միխէլ: Հիմա ամեն բան կարգին է, վարպետ, կարող ես հրամայել:

Տանուտէր: Դու կարող ես, օրինակի համար, գիշերով տախտակամածի ոտնակապերը կտրտել, մի հարուածով եկեղեցու լուսամուտները ջարդել ու վերեւից ներքեւ թափել. քեզ համար շատ հեշտ բանէ այդ. իսկ որ պարանները, թիերն և ուրիշ այնտեղ թափուած մանր մուկն բաները յաջող դիպուածում պէտք է անյայտանան, ինքն ըստ ինքեան հասկանալի է:

Միխէլ: Բնականապէս:

Տանուտէր: Դժուար չէ նոյնպէս մի մուկը գիշեր տախտակամածի տախտակները բլթի վրայից այնպէս ածել գետի մէջ, որ նրանք դէպի Հոլլանդիա գնան:

Միխէլ: Ո՛չ. այդ էլ կարող եմ: Ես մի մեծ սպիտակ շապիկ կկախեմ եկեղեցու գաւթի մէջտեղն եղած սիւնի վրայ, որ գիշերապահն ու դրացի կինն եթէ աղմուկ լսեն, այդ երևոյթը տեսնելով՝ երեսները խաչակներն և չհետեւեն ինձ:

Տանուտէր: Անսանձ անպիտան, ինչպիսի մտքեր են դալիս գլուխդ:

Միխէլ: Հարկաւ այդպէս կանեմ. դա կ'աւազտպանէ ինձ պարանոցաձիգ երկաթից:

Տանուտէր: Այո, չպէտք է մոռանաս նաեւ հետեւեալը. եթէ Արներին պատկանելիք նկարներ, հաշիւներ ու յատակագծեր ընկած լինեն այս և այնտեղ, պէտք է հաւաքես ու գիշերով ածես վառարանիդ մէջ:

Միխէլ: Ճիշտ այդպէս կանեմ, պարոն տանուտէր:

Տանուտէր: Դու պէտք է բանն այնպէս սարքես, որ պատուելի ընկերներդ չաշխատեն. նա՛ մանաւանդ երբ դղեակից գալիս լինի Արները կամ մի այլ մարդ. այդպիսի դէպքերում անկարգութիւնն աւելի պէտք է աչքի ընկնի և դրանց էլ պէտք է հասկացնես թէ ի՞նչ ողորմելի գրութեան մէջ է գործը:

Միխէլ: Ամէն բան կ'որոշեմ. այժմ լաւ հասկանում եմ՝ թէ ի՞նչ ես ցանկանում:

Տանուտէր: Բայց ամենից առաջ հարկաւոր է, որ ես ու դու թշնամանանք:

Միխէլ: Այդ էլ հասկանալի է:

Տանուտէր: Սկսենք հէնց այժմեանից, որովհետեւ այստեղ այնպիսի անպիտաններ կ'լինեն, որ կերթան կ'աւատեն ուրիշներին՝ թէ մենք միասին ենք խորհուրդ արել ու համաձայնութիւն կ'այացրել:

Միխէլ: Իրաւո՞ւնք ունես:

Տանուտէր: Մի բանի բաժակ էլի խմիր. ես էլ այնպէս կ'ձեւացնեմ, որ իբրեւ թէ բեզնից հաշիւ եմ պահանջում, իսկ դու ուրանում ես:

Ես կ'սկսեմ աղաղակել, դու կ'հայհոյես ինձ և մենք դռնից դուրս կ'ձգենք քեզ:

Միխէլ: Այդ շո՛տ լաւ մտածեցիր (շուտով դատարկում է բաժակը և տանուտէրին ասում. սկսիր այժմ):

Տանուտէրն սկսում է հաշուի մասին փնթփնթալ և բարձրաձայն ասում է. գուլդէնը չեմ ստացել:

Միխէլ: Մտածիր, տանուտէր:

Տանուտէր: Աստուած է վկայ, որ ոչինչ չեմ ստացել:

(կանչում է կնոջը) այ կին, անցեալ շաբաթ Միխէլից մի գուլղէն ստացար:

Կինը: Ո՛չ մի կրոյցեր:

Տանուտէր: Ձարմանալի է, ինձ տուր ցուցակը. (կինը բերում է ցուցակը, տանուտէրը կարդում է.) երկու շաբթի ոչինչ չես տուել, երեքշաբթի նոյնպէս. ասում ես՝ թէ չորեքշաբթի էր:

Միխէլ: Այո:

Տանուտէր: Չորեքշաբթի, ահա, տես, ոչինչ չկայ նշանակուած. նոյնպէս հինգշաբթի, ուրբաթ, շաբաթ, մի խօսք անգամ չկայ քո տուած գուլղէնի մասին:

Միխէլ: Սատանան գիտէ, ես վճարել եմ:

Տանուտէր: Հանդարտ, բարեկամ, հանդարտ, ես ամեն բան գրում եմ:

Միխէլ: Ես ի՞նչ գործ ունեմ քո գրելու հետ, տանուտէր, ես վճարեցի գուլղէնը:

Տանուտէր: Ծշմարիտ չէ՛, Միխէլ:

Միխէլ: Վճարել եմ, ստահակ:

Տանուտէր: Ինչ ասացի՞ր, գո՛ղ անպիտան:

Մի քանի գիւղացիներ տեղից վեր են կենում և ասում. նա հայհոյեց տանուտէրին, մենք լսեցինք:

Միխէլ: Ծշմարիտ չէ. բայց ես վճարել եմ գուլղէնը:

Գիւղացիներ: Ի՞նչ ես ասում, անպիտան, դու չհայհոյեցի՞ր նրան, բոլորս էլ լսեցինք:

Տանուտէր: Սենեակից դուրս ձգեցէք այդ շանը:

Միխէլ: (դանակը ձեռքին) Թող փորձէ մէկն ինձ մօտենա՛լ...

Տանուտէր: Խլեցէ՛ք ձեռքի դանակը:

Գիւղացիները դանակը խլում են նրա ձեռքից, դուռնից դուրս ձգում ու կրկին յետ գալիս:

Տանուտէր: Լա՛ւ որ դուրս գնաց. որմնադրի լրտեսն է այդ անիրաւը:

Գիւղացիք: Աստուած է վկայ, որ նա լրտես է. լա՛ւ որ դուրս գնաց ստահակը:

30.

ՀԱՐՈՒՆԱԿՈՒԹԻՒՆ. Թէ ԻՆՉՊԻՍ ՍՏԱՀԱԿՆԵՐԸ ՄԻՄԵԱՆՑ
ՀԵՏ ԽՕՍՈՒՄ ԵՒ ԳՈՐԾՈՒՄ ԵՆ՝ ՄԻ ԱՅԼ ԵՂԱՆԱԿՈՎ

Գինի բերէք, տիկին. տանուէր, մենք խմում ենք
հունձքի հաշուով. մի չափ գինու համար տասնից մի որայ
ենք տալիս:

Տանուտէր. Հա՛տ շուտ էք ուզում վճարել:

Գիւղացիներ. Թէպէտ ոչ շուտ, բայց աւելի դժուա-
րութեամբ:

Տանուտէրը նստում է նրանց մօտ ու խմում սրտի
ուղածին չափ՝ ապագայ ստանալիք տասանորդի յուսով: Բո-
լորի բերանները բացում են. բոլոր սեղաններից բարձրա-
նում է հայհոյեանքների ու անէծքների մի վայրենի աղաղակ.
Նրանք պատմում են գողութեան, ծեծերի, հայհոյեանքների,
իրենց չվճարած պարտքերի, անարդար միջոցներով տարած
դատաստանական գործերի, բազմաթիւ չարութիւնների ու
անմտութիւնների մասին, որոնցից շատերը թէւս սոստ էին,
բայց դժբաղդաբար աւելի շատերը ճիշտ: Պատմում են թէ
ի՛նչպէս ծեր Արներին խաբելով՝ գողացել են փայտի և հա-
ցի տասանորդը, թէ ի՛նչպէս այժմ՝ իրենց կանայքն երեսա-
ների հետ տեսուր նստած են, թէ ի՛նչպէս մէկն աղութագիրքն
է վերցնում, միւսը մի գաւ գինի է թագցնում տոպրակի
մէջ: Պատմում են նոյնպէս իրենց տղաների ու աղջիկների
մասին, թէ ի՛նչպէս նրանցից մէկն օգնում է հօրը՝ մօրը
խաբելու համար, իսկ մի ուրիշը մօրն է օգնում՝ հօրը ծե-
ծելու համար և թէ իրենք էլ մանկական հասակում դրա-
նից աւելի վատ բաներ են արել: Յետոյ սկսեցին խօսել
խեղճ Ուլիի մասին, որ մի քանի այգափսի յիմարութեանց
մէջ բռնուելով՝ վերջը կախաղանի է արժանացել. պատմեցին
թէ նա ի՛նչպէս երկիւղածութեամբ աղօթել է կախուելիս և
հարկաւ արդար վախճանուել՝ թէւս իր արածի կէսն էլ չէ
խոստովանել քահանային:

Նրանք Ուլիի պատմութեան ու քահանայի չարութեան
մասին էին խօսում, երբ տանուտէրի կինն իր մարդուն նը-
շանով իմաց տուեց, որ դուրս գայ:

Սպասիր, մինչև որ Ուլիի պատմութիւնը վերջանայ,

եղաւ նրա պատասխանը: Բայց կինը ծածուկ նրա ականջում փսփսաց. Յովսէփն եկաւ:

Թագցրու նրան, շուտով կգամ, ասաց տանուտէրը:

Յովսէփը մտաւ խոհանոցը: Բայց տանն այնչափ մարդ կար, որ տիկինն երկիւղ կրելով թէ գուցէ տեսնեն նրան, ճրագը հանգցրեց և ասաց. Յովսէփ, կօշիկներդ հանիր ու հետևիր ինձ դէպի ներքևի սենեակը, ամուսինս էլ ցած կգայ: Յովսէփը կօշիկները ձեռքին բռնած՝ ոտքի մատների վրայ հետևեց նրան դէպի ներքևի սենեակը. կարճ ժամանակից յետոյ եկաւ նոյնպէս տանուտէրը և հարցրեց. ինչ կայ այսպէս ուշ, Յովսէփ:

Յովսէփ: Առանձին ոչինչ. ուզում էի ասել, որ քարի բանը կարգի բերի:

Տանուտէր: Շա՛տ ուրախ եմ, Յովսէփ:

Յովսէփ: Վարպետս այսօր խօսում էր պարսպի մասին և ասում, որ շրջակայքում գտնուած դաշտային քարերը լաւ են, բայց ես նրան ուղղակի ասացի, որ յիմար է և երբեք իր գործը ճիշտ չէ հասկանում, որ պարիսպը Շվէնդի քարերից ավսէի նման սիրուն ու ողորկ կլինի: Նա չը հակառակեց. ես հասկացրի նրան, որ եթէ Շվէնդի քարերից չվերցնէ, նշանակում է թէ՛ քացով է տալիս իր բաղդին:

Տանուտէր: Յետոյ վճռեց հետևել քո խորհրդին:

Յովսէփ: Այո, մի վայրկեանում գործն արդէն վերջացած էր: Երկուշաբթի կսկսենք կտրել:

Տանուտէր: Մշակներն երկուշաբթի պէտք է դղեակ գնան:

Յովսէփ: Նրանք ճաշին կրկին կվերադառնան և իրենց գործիքներով կսկսեն աշխատել. այդ մասին կարող ես վրստահ լինել:

Տանուտէր: Լա՛ւ է, բայց երանի՛ թէ գործն արդէն վերջացած լինէր. ստանալիքդ արդէն պատրաստ է, Յովսէփ:

Յովսէփ: Հէնց այժմ կարիք ունեմ, տանուտէր:

Տանուտէր: Երկուշաբթի, երբ արդէն աշխատանքն սկսած կլինէք, եկ և ստացիր. արդէն պատրաստ է:

Յովսէփ: Կարծում ես թէ խօսքս չեմ կատարի:

Տանուտէր: Հաւատում եմ քեզ, Յովսէփ:

Յովսէփ: Ուրեմն հէնց այժմ թուր իմ ստանալիք երեք

Թալէրը: Ուզում եմ հօշակարից վերցնել իմ մի զոյգ նոր հօշիկները, որովհետեւ վաղն իմ անուանակոչութիւնն է. վարպետից չեմ կարող փող պահանջել:

Տանուտէր: Այժմ չեմ կարող տալ, երկուշաբթի երեկոյեան եկ:

Յովսէփ: Այժմ տեսնում եմ, թէ ի՞նչպէս ես հաւատում ինձ: Խոստանալ կարելի՞ է, իսկ կատարելը—այդ ուրիշ խնդիր է: Կարծեմ կարող եմ յուսալ, որ խօսքդ կկատարես, պարոն տանուտէր:

Տանուտէր: Հոգիս վկայ՝ կտամ:

Յովսէփ: Տեսնում եմ:

Տանուտէր: Երկուշաբթի կտանաս:

Յովսէփ: Տանուտէր, դու պարզ ցոյց ես տալի, որ չես հաւատում ինձ. ուրեմն ես էլ կարող եմ ասել՝ թէ ի՞նչպէս եմ մտածում: Եթէ մենք քար կտրելն արդէն մկաժ լինենք, դու մի բարեկամական խօսք էլ չես ասի ինձ:

Տանուտէր: Անամօթ բաներ ես ասում, Յովսէփ, ես խօսքս կկատարեմ:

Յովսէփ: Եւ՛ր էլ ուզում լսել: Եթէ այժմ չես տալ, նշանակում է՝ ամեն բան վերջացաւ:

Տանուտէր: Եւ՛ս կարող առ այժմ երկու թալէրով բաւականանալ:

Յովսէփ: Ո՛չ, երեք թալէր պէտք է ունենամ. բայց յետոյ կարող ես ամեն բանում վստահ լինել ինձ վրայ:

Տանուտէր: Ճար չկայ, պէտք է տամ, բայց խօսքդ կկատարե՞ս:

Յովսէփ: Եթէ խաբեմ՝ իրաւունք եմ տալիս քեզ ամեն տեղ, ուր որ կամենաս ասելու, որ ես աշխարհիս ամենամեծ ստահակն ու գողն եմ:

Տանուտէրը կանչեց կնոջն ու ասաց. Յովսէփին երեք թալէր տուր: Կինը մի կողմը քաշեց նրան և ասաց. մի տայ:

Տանուտէր: Առանց խօսելու արա՛, ինչ որ ասում եմ:

Կինը: Խենթ մի՛ լինի, այժմ հարբած ես. վաղը կը զղջաս:

Տանուտէր: Ո՛չ մի խօսք. իսկոյն տո՛ւր երեք թալէրը, լսում ես:

Կինը հառաչելով բերում է թալէրներն ու ձգում

տանուտերի առաջը: Վերջինս փողը տալիս է Յովսէփին ու մի անգամ էլ ասում. չե՛ս խաբի ինձ:

Աստուած ո՛չ անէ, ի՛նչ ես ասում, տանուտեր, պատասխանեց Յովսէփը. յետոյ դրան մօտ մի անգամ էլ համրեց ստացած փողերը և ինքն իրեն ասաց. հիմա դրամը ձեռքիս է. ինձ համար այստեղ աւելի ապահով է, քան տանուտերի քսակի մէջ: Ես չէի ցանկանալ, որ այդ ծեր ստահակն ինձ յիմարացնէ: Այժմ ինձ համար բոլորովին միևնոյն է թէ վարպետն ի՛նչպիսի քար բերել կտայ պարսպի համար:

Տանուտերի կինը խոհանոցի օջաղի մօտ նստած՝ բարկութիւնից լաց էր լինում և մինչև կէս գիշեր էլ սենեակը չմտաւ: Յովսէփի գնալուց յետոյ տանուտերը նոյնպէս զգաց, որ շտապեց, բայց ընկերութեան մէջ շուտով մոռացաւ այդ: Կէս գիշերն անցել էր, բայց խմորների անպիտան արարքը դեռ շարունակում էր: Վերջապէս տանուտերի կինը դուրս եկաւ խոհանոցից և ասաց. արդէն ժամանակ է վերկենալու, շուտով կլուսանայ. այս գիշեր էլ նախատօնակ է:

Նախատօնակ, ասացին անպիտանները, ձըգձգուեցին, յորանջեցին, դատարկեցին բաժակները և մէկը միւսի յետեից վեր կացան, սկսեցին այս ու այն կողմն ընկնել և սեղաններից ու պատերից բռնելով՝ հազիւ դուրս եկան պանդոկից:

Մէկ-մէկ գնացէ՛ք և աղմուկ մի՛ հանէք, ասաց նրանց տանուտերի կինը, եթէ ոչ քահանան և իր օգնականները տուգանք կառնեն ձեզնից:

Ո՛չ, աւելի լաւ է այդ փողով գինի խմնք, պատասխանեցին նրանք:

Եթէ գիշերապահին պատահէք, ասաց տանուտերի կինը, ասացէ՛ք որ գայ. նրա մի բաժակ գինին ու մի կտոր հացը պատրաստ է: Հէնց նրանք դուրս գնացին թէ չէ, գիշերապահն երևաց պանդոկի պատուհանների առաջն և աղաղակեց.

Կամենում էք լսել՝ թէ ի՛նչ պէտք է ասեմ ձեզ.

Ջանգալն արդէն ժամի մէկը խփեց.

Ժամի մէկը խփեց:

Տանուտերի կինը հասկացաւ այդ խօսքերի նշանակու-

թիւնը, գինին բերեց ու խնդրեց, որ քահանային չասէ՝
 թէ ճրջափ ժամանակ էին հիւրերը պանդոկում մնացել:
 Յետոյ նա օգնեց իր հարբած ու քնած մարդու զգեստները
 հանելու:..... *)

Տանուտերի կինը դեռ մրթմրթում էր Յովսէփին տը-
 ւած թալէրների և իր մարդու յիմարութեան վրայ. իսկ
 տանուտէրը քնած խռմիացնում էր և չգիտէր թէ ի՞նչ արեց:
 Վերջապէս երկուսն էլ հանգստացան:

Ես էլ, փա՛ռք Աստծոյ, մի փոքր ժամանակ ոչինչ չու-
 նեմ նրանց մասին պատմելու և դառնում եմ Լինհարդին
 ու Գերտրուդին:

Աշխարհս զարմանալի՜ է. երբեմն շան որջի մօտ պար-
 տէզ է շինուած լինում. մարդագետնի վրայ թափուած հո-
 տած անմաքրութեան կողքին՝ հրաշալի ու կաթնալի խոտ է
 բուսնում: Այո՛, զարմանալի՜ է աշխարհս. նոյն իսկ գեղեցիկ
 մարգագետիններն առանց իրենց վրայ թափուած անմաքրու-
 թիւնների՝ խոտ չեն տալիս:

*) Այս կէտերի տեղը կային մի քանի տողեր:—Այդ անվայ-
 ել է, ասաց հաղիւ տասը տարին լրացած մի մանուկ, երբ լսեց
 այդ տողերը կարդալիս. ես գրկեցի նրան ու ջնջեցի այդ տողերը:
 —Պատանեակ, եթէ դու պահես մաքուր զգացմունքդ և այտերիդ
 մեզմ կարմրելը, այն ժամանակ երիտասարդական այդ յատկանիւր
 քեզ ուրախութիւն կպատճառէ ծերութեանդ օրերում: Բայց եթէ
 սրտիդ այդ մեզմ անմեղութիւնը զոհես հետզհետէ մեծացող ա-
 րիւթեան համարձակութեանդ, այն ժամանակ քո փայլատակող
 աչքն այլ ևս գետին չի խոնարհուի և արտասուք թափի. քո
 այտերն էլ չեն կարմրի անարգար և անբարոյական դործ տես-
 նելիս: Պատանեակ, այն ժամանակ դու լաց կլինես այս տողերը
 կարդալիս կամ թէ կարդալու անարժան կդատես: Այս րոպէին
 բնականապէս իմ մէջ պէտք է ծագէր այն միտքը՝ թէ բարոյական
 մատենագիրն ի՞նչ սահմանի մջ կարող է յանցանքը նկարագրել:
 Արդեօք իմ բերանը կարո՞ղ է արտասանել այն, ինչ որ նկարել են
 Հօգարթթ և ուրիշները. կարո՞ղ եմ արտատանել այդ մարդու գործողութիւնը,
 որ վրձինով նկարած եմ տեսնում: Մարտափելի զգացմունք
 է տիրում ինձ, երբ այդ մարդոց գործողութիւնը բառերով եմ արտա-
 սանում և նայում եմ շուրջս՝ թէ արդեօք մէկը լսո՞ւմ է ինձ:

Սակայն նկարչի պատկերը տեսնում եմ ամենալաւ, ամենաազ-
 նիւ անձի ձեռքում և չեմ քաշում: Մարդու լեզուն և բերանն
 աւելի սերտ կերպով են կապակցուած նրա զգացմունքների հետ,
 քան նրա ձեռքը:

ՆԱԽԱՏՕՆԱԿՆ ԱԶՆԻԻ ՄՕՐ ԸՆՏԱՆԵՒՈՒՄ

Գերտրուդը դեռ մենակ նստած էր իր մանուկների հետ։ Շաբաթուայ անցքերը և յաջորդ օրուայ տօնն ուրախութիւն էին պատճառում նրան. նա լուռ պատրաստեց ընթերիքը, արկղից հանեց իր մարդու և որդոց կիրակնօրեայ զգեստները և բոլորը կարգի բերեց վաղուան համար, որ տօն օրը հանգիստ լինի և այս ու այն կողմը չընկնի։ Երբ բոլոր գործերը վերջացրեց, երեխաներին հաւաքեց սեղանի շուրջը՝ նրանց հետ աղօթելու։

Գերտրուդը սովորութիւն ունէր ամէն շաբաթ օր, երեկոյեան աղօթքի ժամանակ յիշեցնել երեխաներին ամբողջ շաբաթուայ անցքերն ու սխալները. այդ մի զգուշացուցիչ և օգտակար միջոց էր երեխաների զգացմունքների կրթութեան համար։ Իսկ այսօր նա առանձնապէս մտադիր էր իր կարողութեան չափ մանուկների սրտի մէջ խորը և անմոռանալի կերպով տպաւորելու այն մեծ բարիքը, որ այս շաբաթուայ ընթացքում Աստուած շնորհել էր իրենց ընտանիքին։ Մանուկները խաղաղ նստած էին նրա շուրջը. նրանք կցեցին իրենց ձեռքերն՝ աղօթքի համար և մայրն այսպէս սկսեց։

Այսօր մի լաւ բան ունեւմ ասելու ձեզ, զաւակներս. ձեր սիրելի հայրն այս շաբաթ լաւ գործ ստացաւ և սովորականից աւելի վաստակ կունենայ։

Զաւակներս, կարող ենք յուսալ, որ ապագայում մեր ամէն օրուայ հացն աւելի քիչ հոգսերով և տրտմութիւններով ձեռք կբերենք։ Շնորհակալ եղէք Աստուծոց, մանուկներս, որ նա մեզ հետ այդպէս լաւ է վարւում և մտածեցէք անցած ժամանակների մասին, երբ ես մեծ երկիւղով և

Արուեստը, որ ձեռքով եւ վրձինով նկարում է յանցանքը, որ համարձակ է եւ ամենախորին զգացմունքն անգամ լաւ է արտայայտում, այնպիսի ուժով չէ փչացնում սիրտը, ինչպէս բերանը՝ երբ նա հաւասարաչափ համարձակութեամբ մերկացնում է յանցանքը։ Այս մի գովառանական ճառ չէ հռչակաւոր բանաստեղծների համար, սակայն ինձ այնպէս է թւում, որ այս բանը մի նշանաւոր ճշմարտութիւն է մարդկութեան համար, նա մանաւանդ մեր դարում, երբ ընդհանրապէս ընդունուած է...

Հոգացողութեամբ էի ամեն մէկիդ մի կտոր հաց տալիս: Շատ անգամ սիրտս ցաւո՞ւմ էր, որ ձեզ բաւականաչափ հաց չէի կարողանում տալ, բայց մեր սիրելի Աստուածը գիտէր, որ պէտք է օգնէր. ձեզ համար աւելի լաւ է, սիրելիներս, որ չքաւորութեան մէջ դաստիարակուէք, համբերող լինէք և ձեր բաղձանքներին դիմադրէք, քան թէ կարեւորից աւելին ունենաք: Որովհետեւ այն մարդը, որ ամեն բան ունի, ինչ որ կամենում է, շուտով թեթեւամիտ է դառնում, մոռանում է Աստծուն և չէ անում այն, ինչ որ իր համար ամենից պէտքականն ու ամենից լաւն է: Զաւակներս, մինչև ձեր կեանքի վերջը յիշեցէ՛ք այս աղքատութիւնն և մեր ունեցած բոլոր հոգսերն ու կարիքը: Իսկ եթէ այսուհետեւ մեր բանն աւելի յաջող լինի, մտածեցէ՛ք, զաւակներս, նրանց մասին, որոնք ձեզ նման կարիք ունեն: Երբէք չմոռանաք, որ քաղցը և կարիքը թշուառութիւնն են և ցաւակից եղէք չքաւորներին. եթէ կարեւորից մի պատառ աւելի ունենաք, սիրով տուէք ուրիշներին: Դուք այդ սիրով կանէ՛ք, այնպէս չէ՞, մանուկներս: Այո՛, մայր, իհարկէ սիրով, ասացին բոլոր մանուկները:

32.

ԱՂՕԹՔԻ ԺԱՄՈՒԱՅ ՈՒՐԱՌՈՒԹԻՒՆՆԵՐԸ

Մայր: Նիկլաս, քո ծանօթներից ո՞վ է ամենից շատ քաղցած լինում:

Նիկլաս: Բուդելին: Դու երէկ նրա հօր մօտ էիր. նա քաղցից կմեռնի, որովհետեւ գետնի վրայից խոտ է գջլում և ուտում:

Մայր: Արդեօք կարո՞ղ ես երբեմն — երբեմն ընթրիքդ նրան տալ:

Նիկլաս: Այո՛, մայր. հէնց վաղը կարո՞ղ եմ այդպէս անել:

Մայր: Այո՛, կարող ես:

Նիկլաս: Այդ բանն ուրախութիւն կպատճառէ ինձ:

Մայր: Իսկ դո՛ւ, Լիզէ, մի մի անգամ ո՞ւմը կկամե՛նայիր տալ ընթրիքդ:

Լիզէ: Իսկոյն չեմ կարող յիշել՝ թէ ամենից սիրով ո՞ւմը կտայի:

Մայր: Ոչ մի մանուկ չե՞ս յիշում, որ բաղցած լինի
 մնալիս:

Լիզէ: Ի՞նչպէս չէ, մայր:

Մայր: Ուրեմն ինչո՞ւ չգիտես՝ թէ ումը պէտք է տաս,
 Լիզէ, դու միշտ խելօք ես մտածել:

Լիզէ: Այժմ գիտե՛մ:

Մայր: Ո՞վ է:

Լիզէ: Ռոյտի-Մարքսի Բեթէլին. այսօր նա տանուտէրի
 աղբանոցում փթած գետնախնձոր էր որոնում:

Նիկկայ: Այո՛, մայր, ես էլ տեսայ և բոլոր գրպան-
 ներս շուռ ու մուռ տուի, բայց մի կտոր հաց էլ չգտայ:
 Երանի՛ թէ մի բառորդ ժամ աւելի պահած լինէի ունե-
 ցածս:

Գերտրուդը նոյնը հարցրեց և միւս երեխաներին.
 բոլորն էլ սրտանց ուրախ էին, որ վաղն իրենց ընթրիքը
 չքաւոր մանուկներին պէտք է տան: Մայրը մի վայրկեան
 թոյլ տուեց նրանց ուրախանալու և յետոյ ասաց. զաւակ-
 ներս, այդչափ բաւական է, այժմ մտածեցէք մեր ողորմած
 կալուածատիրոջ ձեզ տուած սիրուն ընծաների մասին:

Հա՛, մեր սիրուն աբասինե՛րը. ցոյց տուր մեզ, մայրիկ:

Աղօթքից յետոյ, ասաց մայրը և մանուկներն ուրա-
 խութիւնից հրճոււմ էին:

33.

ԼՐՁՈՒԹԻՒՆ ԱՂՕԹՔԻ ԺԱՄԱՆԱԿ

Աղաղակ մի՛ բարձրացնէք, զաւակներս, ասաց մայրը:
 Երբ ձեզ բարութիւն են անում, միշտ մտածեցէք Աստ-
 ծոյ մասին, նա է մեզ ամեն բան տալիս: Երբ այդպէս մտա-
 ծէք, զաւակներս, այն ժամանակ ոչ մի ուրախութեան միջո-
 ցին անգուսպ չէք լինի: Ես էլ ձեզ հետ ուրախ եմ, սիրե-
 լիներս, բայց երբ ուրախութեան և վշտի ժամանակ ան-
 զուսպ և չափազանց տաքանում ենք, կորցնում ենք մեր
 սրտի հանգստութիւնը և խաղաղ անդորրութիւնը: Իսկ երբ
 խաղաղ, հանգիստ և զուարթ սիրտ չունենք, առողջ չենք.
 այդ պատճառով երբէք չպէտք է մոռանանք Աստծուն:
 Առաւօտեան ու երեկոյեան աղօթքը հէնց դրա համար է.
 երբ շնորհակալ ենք լինում Աստծուն կամ աղօթում, ու-

րախանալիս չափից չենք անցնի, իսկ հոգսեր ունենալիս՝ երբէք անսփոփ չենք մնայ. այդ պատճառով, զաւակներս, պէտք է աշխատենք, նա մանաւանդ աղօթքի ժամանակ, հանգիստ ու զուարթ լինել: Տեսէք, զաւակներս, երբ դուք ձեր հայրիկին շնորհակալութիւն էք յայտնում մի բանի համար, աղաղակ չէք բարձրացնում, նրա վզովն էք ընկնում հանգիստ ու սակաւ խօսքերով և երբ ձեր սիրտը զգացւում է, ձեր աչքերն էլ արցունքով են լցւում: Տեսէք, զաւակներս, այդպէս էլ պէտք է լինի նաև Աստծոյ առաջ: Եթէ նրա բարիքը ձեզ շատ է ուրախացնում և ուզում էք սրբաւանց շնորհակալ լինել նրանից՝ մեծ աղմուկ չպէտք է հանէք: Տեսէք, զաւակներս, աղօթում ենք, որ մեր սիրտը միշտ շնորհակալ մնայ Աստծուց և մարդկանցից: Սրտանց աղօթելիս՝ սրտանց էլ գործում ենք և այդպիսով մեր ամբողջ կեանքում միշտ սիրելի կլինենք թէ Աստծուն և թէ մարդկանց:

Նիկկաս: Մայրիկ, դու երէկ ասում էիր, որ եթէ լաւ լինենք՝ մեր ողորմած կալուածատիրոջն էլ սիրելի կլինենք:

Մայր: Այո՛, զաւակներս, նա մի ճշմարիտ, բարի և երկրիզած մարդ է: Աստուած վարձատրէ նրան այն ամենի համար, ինչ որ արել է մեզ համար. երանի՛ թէ դու մի օր նրա ճշմարիտ սիրելին լինես, Նիկկաս:

Նիկկաս: Որովհետեւ նա այդպէս բարի է, ես կանեմ այն բոլորը, ինչ որ նա կկամենայ. ինչպէս ամեն բան անում եմ քեզ և հօրս համար:

Մայր: Այդպէս, Նիկկաս, միշտ այդպէս մտածիր և հարկաւ նա կսիրէ քեզ:

Նիկկաս: Երանի՛ թէ կարողանայի մի անգամ նրա հետ խօսել:

Մայր: Ի՞նչ պէտք է խօսելիւր նրա հետ:

Նիկկաս: Շնորհակալութիւն կ'այտնէի նրա տուած գեղեցիկ աբասիների համար:

Աննելի: Համարձակութիւն կ'ունենամ նրան շնորհակալութիւն յայտնելու:

Նիկկաս: Ինչո՞ւ չէ:

Աննելի: Ես չէի համարձակուի:

Հիզէ: Ո՛չ էլ ես:

Մայր: Ինչո՞ւ չէիք համարձակուի, զաւակներս:

Լիզէ: Ծիծաղս կգար:

Մայր: Ի՞նչ, ծիծաղդ կգա՞ր, Լիզէ, այդ ի՞նչ յիմա-
րութիւն ասացիր:

Աննելի: Ես չէի ծիծաղի, բայց կվախենայի:

Մայր: Նա ձեռքդ կբռնէր, Աննելի, և հայրիկիդ պէս
ուրախ ժպիտով կնայէր քեզ. եթէ քեզ հետ այդպէս լաւ
վարուէր, այն ժամանակ դու դարձեա՞լ կվախենայիր, Աննելի:

Աննելի: Ո՛չ, այն ժամանակ չէի վախենայ:

Ծօնաս: Այդ դէպքում ես էլ չէի վախենայ:

34.

ԱՅՍՊԻՍԻ ՌԻՍՈՒՑՈՒՄՆ ԸԶԴՈՒ ԵՒ ՀԱՍՎԱՆԱԼԻ ԿԼԻՆԻ.
ՌԻՍՈՒՑԱՆՈՂԸ ՄԱՅՐՆ Է

Սիրելի զաւակներս, արդեօք այս շաբաթ ամէն բան
լաւ ու արդար կերպով էք արել:

Երեխաները միմեանց նայեցին ու լռեցին:

Մայր: Աննելի, այս շաբաթ անարդար բան չե՞ս արել:

Աննելի: (Աչքերը ցած գցելով). Մայր, քեզ յայտնի
է փոքրիկ եղբօրս հետ պատահած դէպքը....:

Մայր: Աննելի, կարող էր երեխային մի բան պա-
տահել. եղել են դէպքեր, որ մանուկները բոլորովին մենակ
մնալով՝ խեղդամահ են եղել: Քացի դրանից, մտածիր թէ
ի՞նչ կանէիր, եթէ քեզ մի սենեակում փակած թողնէին և
դու այնտեղ քաղցած ու ծարաւ աղաղակէիր: Փոքրիկ երե-
խաներն էլ բարկանում են և աղաղակում, երբ երկար ժա-
մանակ առանց օգնութեան են մնում. իսկ այդ բանը նրանց
թշուառութիւն կարող է պատճառել: Աննելի, Աստուած է
վկայ, որ ես մի վայրկեան անգամ տանից չէի դուրս գնայ,
եթէ երկիւղ ունենայի, որ դու երեխային հոգացողութեամբ
չես նայի:

Աննելի: Հաւատա՞ ինձ, մայր, որ ես էլ նրանից չեմ
հեռանայ:

Մայր: Յուսով եմ, որ դու էլ այդպէս չես վախեցնի
ինձ:

Նիկլաս, դո՞ւ ինչ ես արել այս շաբաթ:

Նիկլաս: Վատ բան չեմ արել:

Մայր: Էլ չե՞ս յիշում, որ այս երկուշաբթի օրը Գրիտ-տելին հրեցիր:

Նիկկա: Ուժով չարի այդ, մայր:

Մայր: Ա՛յդ էր պակաս, որ ուժով էլ անէիր. չես ամաչում այդպիսի բան ասելու:

Նիկկա: Յաւում եմ. էլ չեմ անի, մայր:

Մայր: Երբ մեծանաս և այժմեան նման չզգուշանաս ու շուրջդ չնայես, մեծ փեսաների կհանդիպես: Նոյն իսկ ան-զգոյշ մանուկները միշտ կռիւ են ունենում. այդ պատճա-ռով էլ վախենում եմ, սիրելի Նիկկա, որ դու բո աղգոյշ էութեամբ շատ հոգս ու դժբաղդութիւն կպատճառես քեզ:

Նիկկա: Իհարկէ զգոյշ կլինեմ, մայր:

Մայր: Հաւատա՛, սիրելիս, որ անզգուշութեամբ կա-րող ես դժբաղդացնել քեզ:

Նիկկա: Սիրելի մայր, գիտեմ այդ և այսուհետև ի-հարկէ զգոյշ կլինեմ:

Մայր: Իսկ դու, Լիզէ, ի՞նչպէս պահեցիր քեզ այս շաբաթ:

Լիզէ: Այս շաբաթ ես վատ բան չեմ արել, մայր:

Մայր: Ճշմարիտ:

Լիզէ: Այո՛, մայր, որչափ յիշում եմ, եթէ ոչ սի-րով կասեի:

Մայր: Դու միշտ չգիտցած ժամանակդ էլ աւելի շատ խօսքերով ես պատասխանում, բան թէ իսկապէս բան գիտ-ցողը:

Լիզէ: Ես ի՞նչ ասացի այժմ, մայր:

Մայր: Հէնց այդ է, որ ոչինչ չասացիր, բայց և այն-պէս երկար պատասխան տուիր:

Հազար անգամ ասել եմ քեզ, որ խելօք չես, խօսա-ծիդ վրայ չես մտածում, բայց ուզում ես միշտ խօսել — Ի՞նչ գործ ունէիր անցեալ օրը տանուտէրին ասելու՝ թէ Արնեը շուտ կգայ:

Լիզէ: Սխալուել եմ, մայր:

Մայր: Արդէն յաճախ ասել եմ քեզ, որ չպետք է խառնուես այն ամէն բանի մէջ, որ քեզ չէ վերաբերում. նա՛ մանաւանդ օտար մարդկանց առաջ, բայց շարունակ

այդպէս ես անուամբ Եթէ հայրդ այդ չուզենար ասել, չէ՞ որ կնեղանար ասածիցդ:

Լիզէ: Այդ ինձ շատ մեծ ցաւ կ'պատճառէր, բայց ոչ դու և ոչ էլ հայրս չասացիր, որ նրա գալու լուրը գաղտնի պահենք:

Մայր: Շատ լաւ, հայրդ երբ տուն գայ, կ'ասեմ նրան այդ. այսուհետեւ պէտք է սենեակում խօսեցածների վերջն աւելացնենք. Լիզան այս կարող է դրացիներին ասել և աղբիւրի վրայ պատմել, իսկ այն — ո՛չ: Այսպէսով դու ճիշտ կ'գիտենաս, թէ ինչի՞ մասին պէտքէ դուրս տաս:

Լիզէ: Ների՛ր ինձ, մայր, ես այդպէս չէի ասում:

Մայր: Քեզ մի անգամ ընդ միշտ ասել են, թէ ինչ որ քո բանը չէ, չպէտքէ խառնուես. սակայն իզո՛ւր: Այդ բանից պէտքէ անպատճառ ձեռք վերցնես. եթէ մի անգամ էլ այդպիսի յիմար խօսակցութեան մեջ բռնուես՝ խիստ հարուածներով կ'պատժուես:

Երբ մայրը հարուածների մասին խօսեց, Լիզայի աչքերն արտասուքով լցուեցան: Մայրը տեսաւ այդ և ասաց. Լիզէ, ամենամեծ դժբաղդութիւններն անդգոյշ խօսքերից են առաջանում. այդ թերութիւնից պէտք է ազատուես:

Այսպէս խօսեց մայրը բոլորի, մինչև անգամ փոքրիկ Գրիտտելիի հետ և ասաց. դու չպէտք է այդպէս անհանգիստ կերպով կերակուր պահանջես, եթէ ոչ ուրիշ անգամ աւելի երկար սպասեցնել կտամ կամ թէ քո բաժինն էլ ուրիշին կտամ:

Այս բոլորից յետոյ մանուկներն աղօթեցին իրենց սովորական երեկոյեան աղօթքը և ապա թէ շաբաթ օրուայ համար նշանակուածը. այդ Գերտրուդն էր սովորեցրել նրանց: Այդ աղօթքը հետևեալն է.

35.

ՀԱՐԱԹ ԵՐԵՎԱՆԻ ԱՂՈԹՔ

Սիրելի, երկնաւոր Հայր, Դու միշտ բարի ես երկրիս մարդկանց համար և մեզ հետ էլ միշտ բարի ես. Դու ես տալի մեզ այն ամենը, ինչ որ կարեւոր է: Այո, Դու մեզ կարեւորից աւելին ես տալիս: Ամեն բան Դու ես հոգում. թէ հացը և թէ այն ամենն, որ տալիս են մեզ մեր սիրելի հայրն

ու մայրը: Ամէն բան Դու ես տալի նրանցը և նրանք էլ
 մեզ են տալի: Նրանք ուրախանում են այն ամենի համար,
 ինչ որ կարող են անել ու տալ մեզ և ասում են, որ մենք
 Քեզնից պէտք է շնորհակալ լինենք, որ իրենք այդպէս բա-
 րի են: Նրանք ասում են, որ եթէ իրենք Քեզ չճանաչէին
 և այդպէս չսիրէին, այն ժամանակ մենք էլ Քեզ այդպէս սիրե-
 լի չէինք լինի. և եթէ նրանք Քեզ չճանաչէին ու չսիրէին,
 այն ժամանակ մեզ շատ քիչ բարիք կարող էին անել: Նրանք
 ասում են մեզ դարձեալ, որ մենք մարդկանց Փրկչից պէտք
 է շնորհակալ լինենք, որ նրանք Քեզ, երկնաւոր Հայր, ճա-
 նաչում և սիրում են, իսկ այն բոլոր մարդիկը, որոնք սի-
 րելի Փրկչին չեն ճանաչում ու սիրում, չեն հետևում այն
 բոլոր բարի խորհուրդներին, որ նա տուել է աշխարհիս
 մարդկանցը, Քեզ էլ չեն ճանաչում և իրենց մանուկներին
 այնպիսի հոգացողութեամբ և բարեպաշտութեամբ չեն դաս-
 տիարակում, ինչպէս նրանք, որոնք հաւատում են աշխար-
 հիս Փրկչին: Մեր սիրելի հայրն ու մայրը միշտ շատ բան
 են պատմում Յիսուսի մասին՝ թէ ինչպէս լաւ է վարուել
 նա աշխարհիս մարդկանց հետ, թէ ինչպէս մարդկանցը
 ժամանակաւորապէս և յաւիտեան երջանկացնելու համար
 իր կեանքն անցրել է հաղարաւոր թշուառութիւններով և
 թէ ինչպէս վերջապէս խաչի վրայ է մեռել. թէ ինչպէս
 Աստուած նրան կրկին յարութիւն է տուել և թէ ինչպէս
 այժմ երկնային հրաշալեաց մէջ Աստծոյ գահի աջա-
 կողմն է: Նա նոյն իսկ այժմ աշխարհիս բոլոր մարդկանցը
 հաւասարապէս է սիրում և աշխատում է նրանցն երջան-
 կացնել և Աստծոյ արքայութեան արժանացնել: Մենք Յի-
 սուսի մասին լսելով՝ ամեն անգամ զգացւում ենք: Երանի՛
 թէ մենք էլ սովորէինք այնպէս ապրել, որ նա մեզ սիրէր
 և մենք նրա մօտ գնայինք երկինք: Սիրելի, երկնաւոր Հայր,
 մենք՝ խելճ մանուկներս, որ այստեղ միասին նստած աղօ-
 թում ենք, եղբայրներ ու քոյրեր ենք, այդ պատճառով և
 ուզում ենք միմեանց հետ միշտ լաւ լինել և ցաւ չպատճա-
 ուել միմեանց, այլ մեր կարողութեան չափ բարութիւն անել:
 Փոքրերի համար հոգանք աշխատասիրութեամբ և հաւա-
 տարմութեամբ, որ մեր սիրելի հայրն ու մայրն առանց հոգ-
 սի իրենց գործին գնան: Այս միակ բանն է, որ մենք կա-

րող ենք անել նրանց՝ մեզ համար արած բոլոր աշխատանքի, հոգացողութեան և ծախսերի փոխարէն: Երկնաւոր Հայր, ինչ որ նրանք անում են մեզ համար, փոխարէնը Դու վճարիր և թող մեզ, որ նրանց բոլոր կամքը կատարենք, որ նրանք մեզ սիրեն մինչև իրենց կեանքի վերջը, երբ Դու նրանց մեզնից կբաժանես և կվարձատրես մեզ ցոյց տրուած հաւատարմութեան համար: Թող վաղուան սուրբ օրը յիշենք Քո բարութիւնը և Յիսուս Քրիստոսի սէրը. յիշենք այն, ինչ որ մեր սիրելի հայրն ու մայրը և ամեն մարդիկ անում են մեզ համար, որ մենք էլ Աստուծոն և մարդկանց շնորհակալ և հնազանդ լինենք և մեր ամբողջ կեանքի ընթացքում Քեզ սիրելի:

Նիկիասն այստեղ կանգ առաւ: Ապա Գերտրուդը շաբաթուայ մէջ պատահած անցքերի մասին խօսելը վերջացնելուց յետոյ ասաց. շնորհակալ ենք Քեզնից, երկնաւոր Հայր, որ այս շաբաթ մեր սիրելի ծնողների ծանր հոգսերը թեթեւացրիր և մեր հօրը լաւ և ձեռնտու աշխատանք ցոյց տուիր: Շնորհակալ ենք Քեզնից, որ մեր իշխանաւորը հայրական գթով մեր պաշտպանն է և մեր սփոփանքը՝ ամեն թշուառութեան և կարիքի ժամանակ: Շնորհակալ ենք մեր ողորմած կալուածատիրոջ բարութեան համար: Եթէ Աստուած կամենայ՝ մեծանալուց յետոյ մենք հաւատարմութեամբ կծառայենք նրան:

Յետոյ Գերտրուդը Լիզայի կողմից ասաց. ներիր, Աստուած, իմ հին վատ սովորութեան համար և սովորեցրու ինձ լեզուս սանձահարել, լռել՝ որտեղ չպէտք է խօսեմ և ինձ բան հարցնելիս՝ զգոյշ ու մտածելով պատասխանել:

Յետոյ նա խօսեց Նիկիասի կողմից. Աստուած, ապագայում պահպանիր ինձ իմ անզգոյշ վարմունքից ու սովորեցրու աւելի լաւ ուշադրութիւն դարձնել արածիս և շրջապատողներին վրայ:

Ապա Աննելիի կողմից. ցաւում եմ, սիրելի Աստուած, որ իմ փոքրիկ եղբօրն այնպէս թեթեամտութեամբ մենակ թողի և այդպիսով իմ սիրելի մօրն երկիւղ պատճառեցի: Վեանքումս այդպիսի բան էլ չեմ անի:

Եւ երբ մայրն այսպէս բոլոր մանուկների կողմից աղօթել տուեց, շարունակեց. Տէր, լուր մեզ, Հայր, ներիր մեզ,

Յիսուս ողորմիր մեզ:—Ապա Նիկիասն աղօթեց «Հայր մերը» և յետոյ էննէն. Տէր, պահպանիր իմ սիրելի հօրը, մօրը, սիրելի եղբայրներս ու բոլորերս, նաև մեր ողորմած Արն-հայմի կալուածատիրոջը և երկրիս վրայ գտնուած բոլոր բարի մարդկանցը:—Յետոյ աղօթեց Լիզէն. տայ Աստուած, յանուն հօր և որդւոյ և հոգւոյն սրբոյ:—Աերջը Գերարուզն ասաց. այժմ տէր ընդ ձեզ, Աստուած պահպանէ ձեզ, Տէր Աստուած թող բարի աչքով նայէ ձեզ:

Մի վայրկեան մայրն ու զաւակները նստած էին՝ պահպանելով այն լուրջ լռութիւնը, որ ներշնչում է ամենրին ճշմարիտ աղօթքը:

36.

ԿՐԿԻՆ ՄԱՅՐԱԿԱՆ ՌԻՍՈՒՑՄՈՒՆՔ ԵՒ ԱՆԿԵՂԾ ԱՂՕԹՔ

Լիզէն ընդհատեց այդ լռութիւնը: Այժմ ցոյց տուր մեզ նոր աբասիները, ասաց նա մօրը:

Այո՛, ցոյց կտամ, ասաց մայրը: Սակայն Լիզէ, առաջին խօսողը միշտ դու ես լինում:

Նիկիասը վեր է թռչում տեղից, առաջ մղւում Գրիտ-տէլիի յետևից, որ լոյսից մօտիկ լինի՝ աբասիները տեսնելու համար և դիպչելով փոքրիկին՝ լացացնում է նրան:

Մայրն ասում է. Նիկիաս, լաւ չէս անում: Հէնց մի քառորդ ժամ առաջ խոստացար աւելի հոգացողութեամբ վարուել և այժմ կրկին այդպէս ես անում:

Նիկիաս: Ա՛խ, մայր, ցաւում եմ, երբէք էլ այդպէս չեմ անի:

Մայր: Հէնց այժմ ասացիր այդ Տէր Աստծուն և կըրկին արեցիր. ուրեմն լուրջ չես խօսում:

Նիկիաս: Ա՛խ, մայր, իհարկէ լուրջ եմ խօսում. ներիր ինձ: Ճշմարիտ որ լուրջ եմ ասում և ցաւում արածիս վրայ:

Մայր: Ես էլ լուրջ եմ ասում, սիրելիս. բայց այդ մասին դու չե՞ս մտածի, մինչև որ չպատժեմ բեզ: Այսօր առանց բան ուտելու անկողին կմտնես:

Նա ասաց այդ, երեխային հեռացրեց միւսներից ու տարաւ իր սենեակը: Նրա եղբայր ու բոլորերը տխուր կանգնած էին սենեակում, նրանք ցաւում էին, որ իրենց սիրե-

լի Նիկլասն ընթրիքից զըկուեց: Չեզ չի՝ կարելի սիրով և առանց պատժի բան հասկացնել, ասաց մայրը:

Այս անգամ ների՛ր նրան, ասացին մանուկները:

Ո՛չ, սիրելիներս, նա պէտք է սովորէ զգոյշ վարուել, պատասխանեց մայրը:

Եթէ այդպէս է, արասիններն այժմ մի ցոյց տայ մեզ, այլ վաղը, որ նա էլ մեզ հետ տեսնէ, ասաց Էննէն:

Մայր: Շատ լաւ, Էննէ, այո՛, նա էլ պէտք է ձեզ հետ միասին տեսնէ:—Յետոյ նա մանուկներին տուեց իրենց ընթրիքը և տարաւ նրանց ննջարանը, ուր Նիկլասը դեռ լաց էր լինում: Միւս անգամ զգուշացիր, սիրելի Նիկլաս, ասաց նրան մայրը:

Նիկլաս: Ների՛ր ինձ, սիրելի մայր, ների՛ր և համբուրի՛ր ինձ, ես սիրով չեմ ընթրի: Գերտրուզը համբուրեց իր Նիկլասին և ջերմ արցունք թափելով ասաց. ո՛վ Նիկլաս, Նիկլաս, զգոյշ եղի՛ր:—Նիկլասն երկու ձեռքով մօր պարանոցը շրջապատեց և ասաց. ո՛հ, մայր, ների՛ր ինձ: Գերտրուզն օրհնեց իր զաւակներին և գնաց կրկին իր սենեակը: Այժմ նա բոլորովին մենակ էր: Սենեակն աղօտ կերպով լուսաւորում էր մի փոքրիկ լապտեր. նրա սիրտը հանգիստ էր. այդ խաղաղ լուսթիւնը մի աղօթք էր, որ առանց խօսքերի և արտասանութեան շարժեց նրա հոգեկան աշխարհը: Գերտրուզի զգայուն սիրտը գթաշարժուեց. նա ծունկ չօրեց և արտասուալի աչքերով սկսեց աղօթել:

Գեղեցի՛կ է մանկան արտօսը, երբ գթաշարժուած իր հօր բարի գործերից, հեկեկալով յետ է նայում, այտերը ցամաքեցնում և հանգստանում՝ իր սրտի շնորհակալութիւնն արտայայտելուց առաջ: Գեղեցի՛կ են Նիկլասի արտօսները, որ թափում է այս ժամին, որովհետեւ իր բարի մօրը բարկացրեց, որին նա ա՛յնչափ սիրում է: Գեղեցի՛կ են մարդուս այն բոլոր արտօսները, որ թափում են մանկական բարեսրտութեամբ: Երկնքի Տէրը վերեւից տեսնում է նրա շնորհակալութեան հեկեկանքը և աչքերի արցունքը, եթէ նա սիրելի է նրան:

Երկնաւոր Աստուածը տեսաւ Գերտրուզի արցունքը և լսեց նրա սրտի հեկեկանքը. նրա շնորհակալութեան զօժը մի հաճելի բուրմունք էր նրա համար:

Գերտրուդը լաց էր լինում երկար ժամանակ. նրա աչքերը դեռ թաց էին, երբ Լինհարդը տուն եկաւ:

Ինչո՞ւ ես լալիս, Գերտրուդ, աչքերդ կարմրել են և թաց. ինչո՞ւ ես լալիս այսօր, ասաց Լինհարդը:

Գերտրուդը պատասխանեց. սիրելիս, մի՛ վախենար, սրանք տխրութեան արտօսւոյնք չեն: Ես կամենում էի Աստծուց շնորհակալ լինել այս շաբաթուայ համար և սիրտս լցուեց. ծունկ չոքեցի, բայց չկարողացայ խօսել և լաց եղայ, սակայն ինձ այնպէս թուաց թէ կեանքումս աշխպէս շնորհակալ չէի եղել Աստծուց:

Սիրելիս, պատասխանեց Լինհարդը, երանի՜ թէ ես էլ քեզ պէս կարողանայի այդպէս շուտով արտասուել. հէնց այժմ կկամենայի Աստծուց ու մարդկանցից շնորհակալ լինել, բայց երբէք չե՛մ կարող ծունկ չոքել և արտասուել:

Գերտրուդը: Եթէ լուրջ կերպով մտադիր ես արդար ու ճշմարտութեամբ գործել, այն ժամանակ փնացեալ բոլորը համարեա՞ թէ նոյնն է: Մէկն ունի թոյլ ձայն, միւսը զօրեղ, այդ նշանակութիւն չունի. գլխաւորն այն է՝ թէ ինչի՞ համար է գործածում այդ ձայնը: Սիրելիս, լացն ու չոքելը նշանակութիւն չունեն, Աստծուց և մարդկանցից անկեղծութեամբ շնորհակալ լինելն է գլխաւորը: Որ մի մարդ աւելի զգայուն է, իսկ միւսն աւելի պակաս, այդ նոյնչափ նշանակութիւն ունի, որչափ որ մի որթ ծանր, իսկ միւսը թեթեւ կերպով է փոշու մէջ առաջ սողում: Եթէ դու լուրջ ես խօսում, կարժանանաս մեր ամենիս Հօր ներողամտութեանը:

Լինհարդն արտասուալի աչքով գլուխը խոնարհեցրեց նրա կրծքին. թախծութեամբ լի նրանք մի վայրկեան լուռ փնացին աւագ դրութեան մէջ: Վերջապէս Գերտրուդն ասաց. չե՞ս ուզում ընթրել: Չեմ կարող, պատասխանեց նա, սիրտս լիքն է. այժմ ոչինչ չեմ կարող ճաշակել: Ես էլ չե՛մ կարող, սիրելիս, պատասխանեց Գերտրուդը, բայց գիտե՞ս ինչ անենք. մեր ընթրիքը կտանեմ խեղճ Բուդիի համար, որի մայրն այսօր մեռաւ:

37.

ՄԻ ԱՄԱՆ ՈՍՊ ԱՂՔԱՏ ՄԱՐԴՈՒ ՀԱՄԱՐ

Լինհարդը վերջապէս ազատուեց նախի թշուառութիւնից:

Գերտրուդ: Այո՛, գահութիւն Աստծոյ. երանք թէ ներկայ լինէիր նրա վերջին րոպէներին. երեւակայի՛ր՝ իր մահուան օրը նկատելով, որ Բուդելին մեզնից գետնախնձոր է գողացել, հօրը և որդուն ուղարկեց ինձ մօտ ներողութիւն խնդրելու. նա առանձնապէս ներողութիւն էր խնդրում, որ չի կարող մեր գետնախնձորը վերադարձնել և բարի Բուդին խոստացաւ, որ գողացուած գետնախնձորի փոխարէն քեզ անվարձ կ'ծառայէ: Կարող ես երեւակայել, սիրելիս, թէ ինչ դրութեան մէջ կ'լինէի այդ րոպէին: Իսկոյն վազեցի մեռնողի մօտ, սակայն չե՛մ կարող պատմել, անկարելի է արտասանել թէ նա ի՞նչպիսի ցաւով և սրտագին տխրութեամբ մի անգամ էլ հարցրեց՝ թէ սրղեօք ներե՞լ եմ իրեն և տեսնելով որ գթաշարժուեցայ, իր զաւակներին իմ հոգացողութեանը յանձնեց: Անկարելի է պատմել և արտայայտել թէ ի՞նչպէս նա չէր համարձակուում ասել այդ բանը մինչև վերջին վայրկեանը և մահուան մերձեցալը զգալուց յետոյ միայն համարձակուեց ասել. ի՞նչպէս խոնարհ ու սիրով էր վարւում իր որդու և թոռների հետ և հէնց այդ միջոցին յաւիտենական քնով ննջեց:

Լինհարդ: Արի՛, միասին գնանք նրանց մօտ:

Գերտրուդ: Այո՛, գնանք:

Մի բաժին ոսպ վերցնելով նրանք գնացին Բուդիի մօտ:

Այդ միջոցին Բուդին նստած էր ննջեցեալի անկողնի վրայ, լաց էր լինում ու հառաչում. իսկ փոքրիկն իր սենեակից կանչում էր հօրը և հաց խնդրում—է՛նչ եմ առնում, ո՛չ թէ հաց, այլ միայն խակ արմտիք, կամ մի որևէ բան: Ա՛խ, ոչէ՛նչ չունեմ, բոլորովին ոչինչ, ի սէ՛ր Աստծո՛յ, գոնէ մինչև վաղը լռիր. ոչէ՛նչ չունեմ, ասում էր հայրը. բայց երեսան շարունակում էր՝ բաղցած եմ, հայր, չե՛մ կարողանում քնել:

Հէնց վերջին խօսքերն արտասանելիս ներս մտան Լինհարդն ու Գերտրուդը և կերակուրը քնելով բաղցած երեսայի առաջը, ասացին. շուտ կեր, քանի չէ՛ սառել:

Բուդի: Աստուած իմ, Բուդելի, սրանց գետնախնձորն էր, որ գողացար և ինձ էլ ուտեցիր:

Գերտրուդ: Լռի՛ր այդ մասին, Բուդի:

Բուդի: Ես չե՛մ համարձակուում ձեր երեսին նայել,

սիրտս ցաւում է, որ այդ բանն արինք:

Լինհարդ: Կե՛ր այժմ, Բո՛ւդի:

Բուդելի: Կե՛ր այժմ, հայր, դեռ ուտենք, հայր:

Բուդի: Ուրեմն աղօթի՛ր:

Բուդելի: Աստուած, կերակրիր և սփոփիր երկրիս բոլոր աղքատ մանուկներին. ամէն:

Այդպէս աղօթելուց յետոյ՝ երեսան վերցնում է գըդալը և գողալով ու լալով ուտում:

Փոխարէնն Աստուած վարձատրէ ձեզ, ասաց հայրը, և սկսեց նոյնպէս ուտել: Խեղճ Բուդիի արցունքներն այտերից ցած գլորուելով՝ ընկնում էին կերակրի մէջ:

Նրանք բոլոր կերակուրը չկերան, այլ մի մասն էլ պահեցին քնած երեսանների համար. յետոյ Բուդելին աղօթեց, ով կերաւ, պէտք է շնորհակալ լինի Աստծուց, ով մեզ կերակրեց՝ նա նոյնպէս: Շնորհակալութիւն, գոհութիւն և փառք նրան՝ այժմ, միշտ և յաւիտեանս. ամէն:

Երբ Բուդին կրկին շնորհակալութիւն էր յայտնում, ծանր հառաչանք դուրս թռաւ նրա սրտի խորքից:

38.

ԲԱՐԵԳՈՐԾ ՍՐՏԻ ԽԱՂԱՂ ԵՒ ԱՆԿԵՂԾ ՎԵՀՈՒԹԻՒՆԸ

Եթէ մի որեւէ կարիք ունես, Բո՛ւդի և կարծում ես թէ կարող ենք օգնել քեզ, ասա՛, դիմեցին նրան Լինհարդն ու Գերտրուդը միասին:

Ո՛չ, այժմ ո՛չ մի կարիք չունեմ, շնորհակալ եմ ձեզնից, պատասխանեց Բուդին: Բայց ուժով զսպեց իր սրտի խորին հառաչանքը, որ կրկին պէտք է դուրս թռչէր նրա կրծքից:

Տխուր և ցաւակցութեամբ նայեցին նրան Լինհարդն ու Գերտրուդը և ասացին. դու հառաչում ես և երևում է, որ մի բան ճնշում է սիրտդ:

Ասա՛, հայր, դրանք այնպէս բարե՛ են, որ կօգնեն մեզ, խնդրում է փոքրիկը:

Ասա՛, եթէ կարող ենք օգնել՝ կանենք, խնդրում են Լինհարդն ու Գերտրուդը:

Ախ, ի՛նչպէս համարձակուեմ, պատասխանում է խեղճը, վաղը պէտք է մօրս դագաղի յետևից գերեզմանատուն քնամ, միևս օրը դղեակ, բայց գուլպայ և կօշիկ չունեմ:

Լինհարդ: Այդ բանի համար էլ ինչո՞ւ ես այդպէս նեղանում, ինչո՞ւ ուղղակի չես ասում: Ես կարող եմ բեզ մի զոյգ գուլպայ և կօշիկ տալ:

Բուդի: Կտաս, ա՛խ, Աստուած իմ, մի՞թէ դարձեալ հաւատում ես, որ ես շնորհակալութեամբ և անփնաս կըրկին յետ կդարձնեմ:

Լինհարդ: Լռի՛ր այդ մասին, Բուդի. ես բեզ հաւատում եմ. թշուառութիւնից ու կարիքից նեղուած՝ երկչոտ ես դարձել:

Գերտրուդ: Այո, Բուդի, հաւատա՛ս Աստծուն և մարդկանց. այդպիսով սիրտդ կթեթեւանայ և աւելի ծանր հանգամանքներում ինքդ կարող ես բեզ օգնել:

Բուդի: Այո՛, Գերտրուդ, ես պէտք է աւելի մեծ հաւատ ունենայի դէպ Աստուած. իսկ ձեզ շնորհակալութիւն յայտնելու համար խօսքեր չեմ գտնում:

Լինհարդ: Այդ մասին մի խօսի, Բուդի:

Գերտրուդ: Ես ուզում եմ մէկ էլ տեսնել հանդուցեալ մօրդ դէմքը:

Գերտրուդը, Լինհարդը, Բուդին և փոքրիկը, մի աղօտ լապտեր վերցնելով՝ գնում են դէպի ննջեցեալի անկողինը: Ամենքն արտասուալի աչքերով, խորին ու խաղաղ լուութեամբ մի վայրկեան նայում են դիակին և ապա կրկին ծածկում և համարեա՛ւ առանց մի խօսք ասելու՝ հրաժեշտ են տալիս միմեանց: Տուն գնալիս Լինհարդն ասում է Գերտրուդին. Ի՛նչ թշուառ դրութիւն. սիրտս ցաւում է: Խեղճը մինչև անգամ եկեղեցի չէ կարող գնալ, չէ կարող աշխատանք խնդրել և դրա համար շնորհակալութիւն յայտնել, որովհետև ոչ զգեստ և ոչ էլ կօշիկ ու գուլպայ ունի:

Գերտրուդ: Եթէ այդ մարդն իր թշուառութեան պատճառն ինքը լինէր, անկասկած կյուսահատուէր:

Լինհարդ: Այո՛, Գերտրուդ, հարկաւ պէտք է յուսահատուէր. եթէ ես լսէի զաւակներիս «հայ եմ ուզում», «քաղցած եմ աղաղակը, ոչինչ չունենալի նրանցը տալու և միւսնոյն ժամանակ յանցաւոր լինէի՝ անպատճառ կյուսահատուէի. մի՞թէ ես էլ այդ թշուառութեան ճանապարհի վերայ չէի՛:

Գերտրուդ: Այո՛, մենք մե՛ծ վտանգից ազատուեցանք:

Այսպէս խօսակցելով՝ երբ նրանք անցան գինետան մօտից, հարբածների անորոշ աղաղակներ հնչեցին նրանց ականջներում: Լինհարդի սիրտն արդէն հեռուից սկսեց բաբախել, բայց երբ մօտեցան նա մի սոսկումն և զգուանք զգաց: Գերտրուդը ցաւելով ու մեղմութեամբ նայեց Լինհարդին. իսկ Լինհարդն ամօթով մտիկ տուեց Գերտրուդին և ասաց. Ո՛հ, ինչքան սիրուն է անցնում երեկոն, երբ բեզ մօտ եմ լինում. եթէ այժմ ես էլ այստեղ լինե՛ի.....:

Գերտրուդի տխրութիւնը փոխուեց արտասուքի և նա իր աչքերը դէպ երկինք բարձրացրեց. Լինհարդի աչքերն էլ լցուեցան արցունքով և դէմքը տխրութեամբ ծածկուեց, երբ նայեց իր սիրելի Գերտրուդին: Նա նոյնպէս բարձրացրեց իր աչքերը դէպ երկինք և այդպէս մի վայրկեան երկուան էլ միասին վերև էին նայում. նրանք բերկրալի արցունքներով տեսան վերևում պայծառ փայլող լուսինը և իրենց հոգեկան հանգստութիւնն ապահովացրեց նրանց, որ երկնաւոր Աստուածը սիրով է ընդունում նրանց սրտի անկեղծ և անմեղ զգացմունքները:

Երբ նրանք տուն հասան, Գերտրուդն անմիջապէս կօշիկ և գուլպայ որոնեց Բուդիի համար և նոյն իսկ գիշերը Լինհարդը տարաւ և տուեց նրան: Երբ Լինհարդը վերադարձաւ, երկու ամուսիններն էլ սրտանց աղօթեցին և բնեցին Աստուածահաճոյ մտածմունքներով:

Առաւօտը նրանք վաղ վարթեցին, կարդացին Փրկչի չարչարանաց պատմութիւնը և սուրբ հաղորդութեան հաստատութիւնը. փառաբանեցին Աստծուն արևի ծագումից առաջ: Յետոյ արթնացրին մանուկներին, սպասեցին մինչև նրանց առաւօտեան աղօթքի վերջանալն ու գնացին եկեղեցի:

Ձանգահարելուց մի քառորդ ժամ առաջ, տանուտէրը նոյնպէս վերկացաւ: Նա չէր կարողանում զգեստների պահարանի բանալին գտնել, սկսեց անիծել ու հայհոյել, կօշկով կոտրեց պահարանը, հագնուեց, գնաց եկեղեցի և նըստեց առաջին աթոռի վրայ, գլխարկը դրեց բերնին, աչքերով դիտեց եկեղեցու բոլոր անկիւնները և աղօթեց գլխարկի տակ: Շուտով եկաւ և քահանան. համայնքը միաձայն երգեց չարչարանաց երգի երկու տունը: Յետոյ քահանան բեմ բարձրացաւ և քարոզեց իր համայնքին հետևեալը.

Սիրելի՛ ժողովուրդ.

Ով Տերոջից երկիւղ ունի և ապրում է երկիւղած ու ճշմարտասէր մտքով, նա ապրում է լուսոյ մէջ. իսկ նա՛ ով իր արարքների ժամանակ մոռանում է Տէր Աստուծոն, ապրում է խաւարի մէջ. մի՛ թոյլ տաք, որ ձեզ մոլորեցնեն. միմիայն ձեր երկնաւոր Հայրն է ամենաբարին: Ինչո՞ւ էք պտտում մոլորութեան մէջ և խարխափում խաւարում: Միայն Աստուած է ձեր Հայրը: Զգուշացէ՛ք այն մարդկանցից, որոնք ձեզ այնպիսի բաներ են ուսուցանում, որ անխորժ են ձեր Հօրը: Երանի՛ այն մարդուն, որի Հայրն Աստուած է: Երանի՛ այն մարդուն, որ երկիւղ է կրում չարից և ատում է վատը, որովհետեւ չարիք անողը բաղդաւոր չէ և վատութիւն անողը խճճւում է իր վատ գործի մէջ: Բաղդաւոր չեն նրանք, որոնք ճնշում և նեղացնում են իրենց մերձաւորներին. ո՛չ, բաղդաւոր չէ այն մարդը, որի դէմ աղքատն առ Աստուած է բողոքում: Վա՛յ այն թշուառականին, որ ձմեռը կերակրում է աղքատներին, իսկ հնձի ժամանակ կրկնակի է առնում նրանից: Վա՛յ այն անաստուած մարդուն, որ ամառն ուժով աղքատին գինի է տալիս, իսկ աշնանը երկու անգամ աւելի է պահանջում նրանից: Վա՛յ այն մարդուն, որ աղքատից խլելով դարմանն ու խոտը, զըրկում է նրան իր արտը մշակելու կարողութիւնից: Վա՛յ նըրան, ում խստասրտութեան պատճառով աղքատի զաւակները հացի պակասութիւն ունեն: Վա՛յ այն անաստուած մարդուն, որ աղքատներին դրամ է փոխ տալիս միայն այն մտքով, որ իր ստրուկները դառնան, իր հրամանները կատարեն, առանց վարձատրութեան աշխատեն և միւսնոյն ժամանակ կրկնակի տոկոս վճարեն: Վա՛յ նրանց, որոնք դատաստանի առաջ այդպիսի մարդու կողմը կըռնեն, սուտ վկայութիւն կտան, սուտ կերդուեն՝ նրան արդարացնելու համար: Վա՛յ նրան, ով նենգաւորներին իր տուն է ժողովում և դրանց հետ միասին անմեղին լրտեսում, որ նրան էլ մոլորեցնեն, որ նա էլ իրենց նմանը դառնայ, իր Աստուծուն, ամուսնուն, զաւակներին մոռանայ և իրենց հետ փը-

չացնէ իր աշխատանքի վաստակը, որի յուսով են ապրում մայրն ու զաւակները: Վա՛յ նոյնպէս այն թշուառականին, որ խաբւում և մոլորւում է անաստուածների խօսքերից և անմտութեամբ ծախսում է այն փողը, որ անհրաժեշտ է իր ընտանիքի համար: Վա՛յ նրան, ում ամուսինը հառաչանքով բողբոլում է առ Աստուած և ծծկեր մանկանը կերակրելու կաթ չունի: Վա՛յ նրան, ում արբեցողութեան պատճառով Վա՛յ այն թշուառականին, որ իր որդոց ուսման վարձը խաղի մէջ է տանուլ տալիս. երբ նա ծերանայ, որդիքը կասեն նրան. դու մեր հայրը չէիր, դու մեզ աշխատել չսովորեցրիր. ինչո՞վ կարող ենք բեզ օգնել: Վա՛յ նրանց, որոնք սըտերով են պարապում և ծուռն՝ ուղիղ, ուղիղ ծուռ դարձնում: Վա՛յ ձեզ, եթէ արժէքից պակաս գնով էք առել որբւայրու վարելահողերն ու որբի տունը—վա՛յ ձեզ, որովհետեւ որբւայրու և որբի հայրը ձեր Տէրն է, իսկ աղքատները, որբւայրիներն ու որբերը նրա սիրելիներն են,—դուք զզուելի էք, եթէ չար և խիստ էք աղքատների հետ: Վա՛յ ձեզ, եթէ ձեր տունը լիքն է ուրիշին պատկանած իրերով: Վա՛յ ձեզ, եթէ աղաղակէք այն գինին խմելիս, որի խաղողը հասունացել է աղքատի վազի վրայ, եթէ ծիծաղէք, երբ թշուառ, քաղցած մարդիկ իրենց ցորենը հառաչանքով ձեր պարկերն են լցնում, եթէ ծաղրէք և կատակ անէք, երբ ձեզնից ճնշուածը սողունի նման սողում է ձեր առաջը և ձեր յափշտակածի տասերորդ մասը կրկին ձեզնից երբ և ձեր պարտք է ուզում. եթէ դուք այս ամենի դէմ խստասիրտ և անգութ կերպով կվերաբերուէք, մի ժամ էլ բաղդաւոր չէք լինի: Ո՛չ, այն մարդն երջանիկ չէ՛ կարող լինել Աստծոյ ստեղծած աշխարհում, որ տղրուկի նման ծծում է աղքատի վաստակը: Այդպիսի մարդն ո՞վ կուզէ լինի, միևնոյն է. եթէ նա նոյն իսկ երկրիս վրայ եղած բոլոր վտանգներից, պատասխանատուութիւնից և պատժից ազատ լինի, եթէ մինչև անգամ երկրի դատաւորը լինի և թշուառներին իր ձեռքով բանտարկէ և իր բերանով մեղադրէ. եթէ կարող լինի նոյն իսկ նրա կեանքի և մահուան վճիռը տալ ու գլխատման դատապարտել— նա դատապարտուածնե-

րից աւելի վատը կլինի: Ով աղքատին ճնշում է մեծամր-
տութեամբ, թշուառ մարդկանց համար որոգայթ է լարում
և որբեւայրիների տները քանդում, նա աւելի վատ է քան
գողն ու մարդասպանը, որոնց վարձատրութիւնը մահն է:
Այդպիսի մարդու սիրտը մի ժամ անգամ երջանիկ չէ: Նա
շրջում է Աստծոյ ստեղծած աշխարհում եղբայրասպանու-
թեան անէծքով ծանրաբեռնուած, որ նրա սրտին հանգստու-
թիւն չէ տալիս. նա թափառում և միշտ ցանկանում է իր
ներքին երկիւղը նոյն իսկ իրենից թագցնելու: Նա կամենում
է իրեն համար բեռը դարձած ժամանակն անցկացնել
հարբելով, չարութեամբ, շռայլութեամբ, վեճով ու կռուով,
ստութեամբ և խաբէութեամբ, կեղտոտութեամբ և կատա-
կով, հայհոյեանքով, բամբասելով և ուրիշներին գրգռելով:
Բայց նա չէ կարող միշտ իր խղճի ձայնը խեղդել, նա չէ
կարող Տիրոջ սարսափից միշտ խուսափել, խղճի ձայնը զի-
նուած մարդու նման կյարձակուի դրա վրայ և դուք կը
տեսնէք, որ նա դողում է, կուչ է գալիս մահուան պատժի
սպասող բանտարկեալի նման:

Սակայն երանի՜ այն մարդուն, որ մասնակից չէ դրա
գործերին. երանի՜ այն մարդուն, որ պատճառ չէ եղել իր
նման մարդկանցից մէկի աղքատութեան: Երանի՜ այն մար-
դուն, որ աղքատի աշխատանքը չէ կորցել նրա ձեռքից:
Երանի՜ ձեզ, եթէ ձեր բերանն անարատ է և ձեր աչքերն
ազատ՝ չար հայեացքից: Երանի՜ ձեզ, եթէ աղքատն օրհնում է
ձեզ և եթէ որբեւայրիներն ու որբերը ձեզ համար շնորհա-
կալութեան արցունք են թափում Աստծոյ առաջ: Երանի՜
այն մարդուն, որ սիրում է իր Տէր Աստծուն և իր աղգը:
Երանի՜ ձեզ, բարեպաշտներ, եկէք, ուրախացէք և ճաշա-
կեցէք Տիրոջ սէրը՝ հաղորդութեամբ: Տէրը, ձեր Աստուա-
ծը, ձեր Հայրն է: Նրա սիրոյ գրաւականները կգօրացնեն
ձեզ և ձեր սէրը դէպի Աստուած, դէպի մարդիկ և դէպի
ձեր եղբայրները՝ կաճէ և կուժեղանայ:

Իսկ դուք, որ սէր չունէք և գործի ժամանակ աչքի
առաջ չունէք, որ Աստուած ձեր Հայրն է, որ ձեր եղբայ-
րակից մարդիկն Աստծոյ զաւակներն են և որ աղքատն էլ
ձեր եղբայրն է—դուք, անաստուածներ, ինչ գործ ունէք
այստեղ: Գուր, որ երէկուայ պէս վաղն էլ կրկին պէտք է

Ճնշէր աղքատին, ի՞նչ գործ ունէր այստեղ: Դուր է՞լ կամենում էր Աստծոյ մարմինը ճաշակել, արիւնն ըմպել և ասել, որ ձեր եղբայրների հետ մի մարմին, մի սիրտ ու մի հոգի էք. հեռացէ՛ք այստեղից և մի ճաշակէք սիրոյ հաղորդութիւնը: Յետ կանգնեցէ՛ք, որ աղքատը հաղորդութիւն առնելիս՝ ձեր երեսին չնայէ և չգունատուի. թողէ՛ք, գոնէ այդ ժամին չմտածէ, որ վաղը դուր նրան պիտի խեղտէք: Թողէ՛ք, մի խնայէք նրան այդ խաղաղութեան ժամը. թող նա հանգստութիւն ունենայ ձեզնից և ձեզ չտեսնէ, որովհետեւ աղքատը դողում և որբի սիրտը բաբախում է ձեր տառք: Բայց ինչո՞ւ եմ խօսում ձեզ հետ, զուր խօսքեր շռայլում: Դուր է՞ք կարող հեռանալ այնտեղից, ուր կարող էք մարդկանցը ցաւ պատճառել: Ուր որ նրանցը դողալով և երկիւղով լի էք տեսնում, այնտեղ դուք լսու էք զգում ձեզ և կարծում էք, որ ոչ ոք ձեզ պէս հանգիստ սիրտ չունի: Սակայն սխալւում էք. տեսէ՛ք, ես երեսս դարձնում եմ ձեզնից և ենթադրում, որ դուք այստեղ էք: Դուր է՞լ, համայնքիս աղքատներ և ճնշուածներ, դարձրէ՛ք երեսներդ դրանցից, որպէս թէ չէ՛ք տեսնում դրանցը, որպէս թէ այստեղ չեն: Տէ՛րն է այստեղ, որի վրայ էք դրել դուք ձեր յոյսը. Տէ՛րն այստեղ է: Հաւատացէ՛ք նրան և յոյսներդ նրա վրայ դրէք. ձեր չարչարանքի ու նեղութեան պտուղը ձեզ համար օրհնութիւն կդառնայ: Հաւատացէ՛ք Տիրոջը, ձեր Աստծուն և մի վախենաք անաստուածներից, բայց զգուշացէ՛ք նրանցից. համբերեցէ՛ք, սիրելիներս, աւելի լաւ է կարիք զգաք, փնտռուէ՛ք՝ բան թէ օգնութիւն խնդրէք անսիրտներից. որովհետեւ կոշտ մարդու խօսքերը ստախօսութիւն են և նրա օգնութիւնը մի գրաւիչ միջոց, որով բռնում է աղքատին՝ նրան սպանելու համար: Փախէ՛ք այն անաստուած մարդուց, երբ ծիծաղելով ողջունում է ձեզ, երբ իր ձեռքը դէպի ձեզ է մեկնում և ձեր ձեռքը սեղմում: Երբ նա առաջարկում է ձեզ իր օգնութիւնը, փախէ՛ք, որովհետեւ նա ստուաւածը թակարդի մէջ է ձգում աղքատին: Փախէ՛ք նրանից ու մի կապուէք նրա հետ, բայց մի վախենաք, երբ կաղնու նման հաստատ կանգնած էք տեսնում նրան. մի վախենաք նրանից:

Գնացէ՛ք, սիրելիներս, ձեր անտառը և տեսէ՛ք՝ ուր մի

անգամ հին կաղնիներն էին բարձր կանգնած, այժմ տեսէք թէ
 Բնչպէս են դրանց ստուերի տակ աճող փոքրիկ ծառերը
 մեծացել, կանաչել ու ծաղկել: Արեւն այժմ կրկին լուսաւո-
 րում է այդ մատաղ ծառերը և երկնքի ցողունն իր փար-
 թամուլթեամբ ընկնում է դրանց վրայ, իսկ կաղնու մեծ և
 լայն արմատները, որ ծծում էին երկրի ամբողջ սնունդը,
 այժմ փթում են և կաղնու ստուերի տակ աճող մատաղ
 ծառերին սնունդ տալի: Այդ պատճառով յոյսներդ Տիրոջ
 վրայ զրէք, որովհետեւ նրա օգնութիւնից երբէք չեն զերկ-
 ւում նրանք, որոնք իրենց յոյսը նրա վրայ են դրել: Տի-
 րոջ դատաստանը վրայ կհասնի անաստուածների համար և
 այն օրը նրանք տեսնելով ճշուածներին և թշուառներին,
 կողբան ու կասեն. երանի՜ ես սրանցից մէկի նմանը լինէի: Հա-
 ւատացէք Տիրոջը, ճշուածներ և ուրախացէք, որ ճանա-
 չում էք այն Տիրոջը, որ սահմանեց սիրոյ հաղորդութիւ-
 նը, որովհետեւ դուք միայն այդ սիրոյ շնորհիւ էք տանում
 երկրիս չարչարանքը. ձեր բեռան տակ են աճում ձեր
 ուժերը: Ուրեմն ուրախացէք, որ ճանաչում էք սիրոյ Տի-
 րոջը, որովհետեւ առանց սիրոյ դուք կյաղթուէք և կնա-
 նուէք այն անաստուածներին, որ ձեզ չարչարում և խա-
 բում են: Փառաբանեցէք սիրոյ Տիրոջը, որ հաստատեց
 սուրբ հաղորդութիւնը և միխօնաւոր մարդկանց թւում
 ձեզ էլ հրաւերել է այսօր սուրբ խորհուրդը ճաշակելու:
 Փառաբանեցէք Աստծուն: Սիրոյ յայտնագործութիւնը աշ-
 խարհիս փրկութիւնն է: Սէրն այն կապն է, որ կապակցում
 է աշխարհս, սէրն այն կապն է, որ Աստծուն կապում է
 մարդկանց հետ: Առանց սիրոյ՝ մարդ Աստուած չունի, իսկ
 առանց սիրոյ և Աստծոյ ի՞նչ է մարդս: Կարո՞ղ էք ասել, կարո՞ղ
 էք արտայայտել, կարո՞ղ էք մտածել՝ թէ ի՞նչ է մարդս առանց
 սիրոյ և Աստծոյ: Ես չեմ կարող այդ ասել. չեմ կարող արտայայ-
 տել: Ուրախացէք, որ ճանաչում էք սիրոյ Աստծուն, որ աշ-
 խարհիս մարդկանցը դէպի սէրն է հրաւիրել, խաւարից դէ-
 պի լոյս ու մահուանից դէպի յաւիտեանական կեանք: Ուրա-
 խացէք, որ ճանաչում էք Տիրոջը և աղօթեցէք նրան չճա-
 նաչողների համար, որ նրանք էլ ըմբռնեն ճշմարտութեան
 ճանաչողութիւնը և զգան ձեր ուրախութիւնը:

Ջաւակներս, յառաջ մատիբ և սրբութեամբ հաղորդեցարուբ. ամէն:

Երբ քահանան այս համարեա մի ժամ տևող բարողը վերջացրեց, ամբողջ համայնքն աղօթեց և ճաշակուեց:

Սուրբ հաղորդութիւնից յետոյ ժողովուրդը մի երգ էլ նուագեց, քահանան օրհնեց ամենքին և համայնքը ցրուեց:

40.

ԱՊՐԱՅՈՅՑ ՈՐ ՀԱՐՈՋԸ ԼԱՒ ԷՐ. ԻՆՉ Է՛ ՆՇԱՆԱԿՈՒՄ՝
ԱՂԲԱՏԻՆ ՃՆՇԵԼ:

Տանուտէր Հումելն իր սրտումը բարկացաւ քահանայի վրայ՝ թէ ինչո՞ւ խօսեց անաստուածների մասին, այդ օրն ամբողջ համայնքը խաղաղ սրտով տօնեց, միայն տանուտէրն էր կատաղում, հայհոյում և սարսափելի բաներ ասում քահանայի մասին: Հաղորդութեան սուրբ սեղանից հեռանալուց անմիջապէս յետոյ՝ նա մարդ ուղարկեց իր անաստուած ընկերների մօտ, որ շտապով գան: Սրանք շուտով եկան և սկսեցին թեթևամիտ ու յանցաւոր բաներ խօսել քահանայի և այսօրուայ բարոյի մասին:

Ամենից առաջ սկսեց տանուտէրն ու ասաց. ես չեմ կարող տանել այդ անիծուած հայհոյեանքն և խայթոցը:

Նրա վարմունքն իրաւացի չէ, յանցանք է, նա մանաւանդ այսպիսի մի սուրբ օր, ասաց էբին:

Տանուտէր: Չարամիտ քահանան գիտէ, որ այդ անտանելի է ինձ համար, բայց և այնպէս անում է. ինչպէս երևում է՝ նրա համար մի զուարճութիւն է մարդկանց բարկացնելն ու կատաղեցնելը. նա յեղաշրջում է այն ամենը, ինչ որ ինքը չէ հասկանում և իրեն չէ վերաբերում:

Էբի: Փրկիչը, աւետարանիչները և նոր կտակարանի առաքեալները ոչորի չեն հայհոյել:

Քրիստէն: Ի՜նչ ես ասում, նրանք քահանայից աւելի լաւ են հայհոյել:

Էբի: Ասածդ ճշմարիտ չէ, Քրիստէն:

Քրիստէն: Գի՛ժ ես, ինչ է, էբի. չե՞ս յիշում աւետարանի խօսքերը. կո՛յր առաջնորդներ, օձեր, իժի՛ ծնունդներ և այսպիսի հազար բաներ. ի՜նչ լաւ ես հասկանում սուրբ գիրքը, էբի:

Գիւղացիներ: Այո՛, Էթի, ճշմարիտ է, նրանք էլ են հայհոյել:

Քրիստէն: Այո՛, բայց նրանք իրենց չհասկացած գործերի և դրստուած, կարգի բերուած հաշիւների համար չեն պատժել ուրիշներին. բացի դրանից նրանք ուրիշ մարդիկ էին և կարող էին անել:

Գիւղացիներ: Հասկանալի է, նրանք ուրիշ մարդիկ էին:

Քրիստէն: Այո՛, նրանք ուրիշ մարդիկ պէտք է լինէին, եթէ ոչ չէին համարձակուի: Մտածեցէք թէ նրանք ի՞նչ արեցին Աննային — այո՛, Աննա էր կոչուում նա — և ապա նրա կնոջը: Որովհետեւ միայն մի սուտ ասացին, գետին ընկան և մեռան:

Գիւղացիներ: Միթէ՞ այդ ճշմարիտ է. մի ստի համար:

Քրիստէն: Այո՛, ինչպէս որ ես կենդանի կանգնած եմ ձեր առաջը, այնպէս էլ ասածս է ճիշտ:

Էթի: Ի՞նչ լաւ բան է, երբ մարդ հասկանում է սուրբ գիրքը:

Քրիստէն: Դրա համար ես շնորհակալ եմ հանգուցեալ հօրիցս: Նա թէև մի առանձին հմտութիւններ ունեցող մարդ չէր, — նա մեր մայրական կալուածքը վատնեց մինչև վերջին կոպէկը. այդ զրկանքը ես կտանէի, եթէ նա այնպէս սերտ յարաբերութիւն չունենար կախաղանի դատապարտուած Ուլիի հետ. այդպիսի բանն որդոց որդի չէ մոռացուում. — սակայն սուրբ գիրքը քահանայի նման էր կարգում և բոլորիցս էլ նոյնն էր պահանջում:

Էթի: Ես հազար անգամ զարմացել եմ, թէ նա այդքան բան հասկանալով՝ ինչո՞ւ այնպիսի անպիտան մարդ էր:

Գիւղացիներ: Այո՛, այդ շատ զարմանալի է:

Եօստ: (Գինետանն եղող մի օտարական), Ձեմ կարող ծիծաղս պահել, բարեկամներ, որ դուք զարմանում էք այդ բանի վրայ. եթէ շատ բան իմանալը մարդկանց լաւացներ, այն ժամանակ ձեր փաստաբանները, դատաւորները և տանուտէրներն ամենալաւ մարդիկը պէտք է լինէին:

Գիւղացիներ: Այո՛, այդպէս է, բարեկամ, այդպէս է:

Եօստ: Հաւատացէք միայն, բարեկամներ, որ իմանալու և գործելու մէջ երկնքի ու երկրի հեռաւորութեան չափ զանազանութիւն կայ: Ով միայն իր իմացածն է արհեստ

շինում, նա ճշմարիտ որ շատ զգոյշ պէտք է լինի, որ գործելը չմոռանայ:

Գիւղացիներ: Այո՛, բարեկամներ, այդպէս է, մարդինչ որ չէ անում, մոռանում է:

Եօսու: Բնականապէ՛ս. եթէ մէկը միայն անգործութեամբ է պարապում, նա ոչնչի պէտք չէ գալիս և այդպէս է լինում, երբ մարդիկ պարապութիւնից և ձանձրութիւնից աւելորդ հարցերով ու խօսակցութեամբ են զբաղում: Զգուշացէ՛ք, այն տղաներից շատերը, որ միշտ օրացոյցի և սուրբ գրքի պատմութիւնից են խօսում, հին և նոր պատուիրաններն առաջ բերում, ցերեկուայ գողեր են: Եթէ դրանց հետ խօսենք անարարութեան, մանուկների կրթութեան, աշխատանքի և արդիւնքի մասին, եթէ դրանցից խորհուրդ հարցնենք՝ թէ այս կամ այն կարիքին ի՞նչպէս պէտք է օգնել, այն ժամանակ դրանք մնում են յիմարի պէս կանգնած, ոչինչ չգիտեն և ոչինչ չեն կարող անել: Միայն գինետներում, պարի դահլիճներում, կիրակնօրեայ և տօն օրերի զրուցատրութիւնների ժամանակ են կամենում դրանք իրենց շնորհքը ցոյց տալ: Նրանք աշխարհի յիմարութիւններ և պատմութիւններ են առաջ բերում, որոնց ոչ սկիզբն է ճշմարիտ, ոչ վերջը. բայց և այնպէս այդ մի սովորական բան է դարձել և սենեակներում լցուած գիւղացիները ժամերով լսում են այդպիսի մեծախօսի հետզհետէ հնարած ստերը:

Էլլի: Հոգիս վկայ, որ մեր բարեկամը ճիշտ է ասում, Բրիստէն, նա քո հօրը մանրամասն նկարագրեց: Ճիշտ այդպէս էր նա. փայտին ու դաշտին, տաւարին ու խոտին, կալսելուն և վարելուն վերաբերեալ գործերում նա տաւարի պէս յիմար էր. և ամեն բան ոչխարի նման դանդաղ էր սկսում: Բայց գինետանը և համայնքի ժողովուրդու և զուարճանալու տեղերում նա արեւելեան իմաստունի պէս խօսում էր, մէկ զօկտօր Ֆաուստից, մէկ Բրիստոսից, մէկ Էնդօրի կամ Հիրցաու վհուկից, մէկ Մադրիդի ցուլակուռից, մէկ Լօնդօնի ձիարշաւից: Եւ որչափ չափազանց և յիմար կերպով էր այդ ամենն անում և ակնյայտնի ստում, այնչափ աւելի սիրով էին լսում նրան, մինչև որ վերջը նա համարեա՛ւ թէ կախուեց: Այն ժամանակ նրա պատմութիւնների արժէքն ընկաւ:

Եօսու: Այդ արդէն ուշ կլինէր:

Էջի: Այո՛, մենք երկա՛ր ժամանակ յիմար էինք և նրա ստերի փոխարէն՝ վճարում էինք նրա խմած գինու փողը:

Եօստ: Կարծեմ նրա համար աւելի լաւ կլինէր, եթէ չվճարէիք:

Էջի: Աստուած է վկայ, ես էլ կարծում եմ, որ եթէ չվճարէիք, նա կախաղան չէր բարձրանայ, որովհետեւ ստիպուած կլինէր աշխատելու:

Եօստ: Այդպիսով ձեր բարեսրտութիւնը նրան փեսաց:

Գիւղացիներ: Այո՛, Աստուած է վկայ, ճիշտ է:

Եօստ: Անիծուած, մոլորեցնող և մինչև անգամ անբարոյական բան է՝ դատարկ պատմութիւնների մէջ սուրբ գրքի անունը մտցնել:

Լեօյալի: Հայրս մի անգամ ինձ լա՛ւ ծեծեց, որովհետեւ զբաղուելով մի պատմութեամբ—կարծեմ այն էլ սուրբ գրքից էր—մոռացել էի տաւարն արօտատեղից տուն բերել:

Եօստ: Նա իրաւունք ունէր. մեր պարտքն է անել այն, ինչ որ գրած է սուրբ գրքում, իսկ դրանց մասին պատմելը քահանայի գործն է: Սուրբ գիրքը մի պատուէր ու հրաման է. ի՞նչ կասէ բնօրէն հրամանատարը, երբ հրաման ուղարկէ գիւղը, թէ պէտք է բեռնած սայլեր տանել ամրոցը, իսկ դու փոխանակ անտառը գնալու և բարձելու, նստես գինետանը, հրամանը ձեռքդ առնես, կարդաս և մի բաժակ գինու մօտ մինչև մութը նստած՝ բացատրես դրացիներին թէ ի՞նչ է ապացուցանում և կամենում այդ հրամանը:

Էջի: Ի՞նչ պէտք է ասէ, կեսայտառակէ, կծաղրէ և բանտարկել կտայ ինձ, որ նրան յիմարի տեղ եմ գրել:

Եօստ: Հէնց այդ բանին էլ արժանի են այն մարդիկը, որ միայն պարապութիւնից են սուրբ գիրքը կարդում և յետոյ գինետանը պատմում:

Քրիստէն: Այո՛, բայց պէտք է կարգանք, որ ճշմարիտ ճանապարհից չչեղունենք:

Եօստ: Այդ հասկանալի է. սակայն նրանք, որ հանգիստ կանգնում են բոլոր թփերի, աղբիւրների, սահմանաքարերի մօտ և խաչաձև փողոցների սկզբին ու զբոյցներ անում, ճշմարիտ ճանապարհով գնացողներից չեն *):

*) Կարելի է ոմանք զարմանան այս խօսակցութիւնների լրջութեան վրայ, որին մասնակցում են անպիտան և հարբան մար-

Էջըի Բայց Ինչպէս է լինում, դրանցի, որ ասում են
 թէ՛ մարդ բան իմանալու համար ամեն տեսակ ծանր աշ-
 խատանք է կրում. իմ կարծիքով շատ բան իմանալն էլծանր է:

ԵՍՍԱՒ: Այո՛, ի հարկէ, ամէ՛ն բան ծանր է թւում,
 երբ խանգարում է մի աւելի լաւ և կարևոր բան իմանա-
 լու: Ամեն բան պէտք է իմանալ գործելու համար, իսկ եթէ
 մէկը կամենում է շատ իմանալ միայն զըոյց անելու համար,
 այդ դէպքում հարկաւ այդպիսի իմանալն ոչնչի պէտք չէ:
 Իմանալն ու գործելը կարելի է համեմատել մի արհեստի
 հետ: Օրինակի համար, կօշկակարը պէտք է աշխատէ, այդ
 նրա գլխաւոր պարագմունքն է. բայց նա պէ՛տք է ճանաչէ
 կաշին և առևտուր հասկանայ. այդպիսով միայն նա իր ար-
 հեստը լաւ կտանէ: Այդպէս է և ամեն բանում: Գործելն
 ու կատարելն ամեն մարդկանց համար միշտ գլխաւոր բանն
 է, իմանալն ու հասկանալն այն միջոցն է, որով նրանք
 գլխաւոր գործում յաջողութիւն են ունենում: Այդ պատ-
 ճառով էլ մարդու բոլոր գիտութիւնն այն ուղղութիւնը
 պէտք է ունենայ, ինչ որ պահանջում է գործելն ու կատա-
 րելը կամ թէ ինչ որ նրա գլխաւոր բանն է:

Էջըի: Այժմ սկսում եմ հասկանալ: Երբ մարդ իր
 գլուխը լցնում է շատ և օտարօտի բաներով, գործի և ամե-
 նակարևոր եղած ժամանակը չէ կարողանում իր ուշքը
 կենդրոնացնել:

ԵՍՍԱՒ: Հէնց այդ է ասածս: Իւրաքանչիւրի գլուխն ու-
 մտածմունքը պէտք է նրանով զբաղուի, ինչ որ աւելի իրեն
 է վերաբերում. ես գոնէ այդպէս եմ անում: Ես ջրելու
 մարգագետիններ չունեմ, այդ պատճառով էլ գլուխս չեմ
 ցաւացնում թէ ի՛նչպէս պէտք ջրել. և մինչև որ սեպհա-
 կան անտառ չունենամ, հարկաւ հոգացողութեամբ չեմ

դիկ. բայց կան իրերի և այնպիսի տեսակետներ, որոնք հետաքրք-
 րում են սրանց, ինչպէս մեզնեց ամեն մէկին եւ կան այնպիսի
 վայրկեաններ, ուր նրանք լրջօրէն եւ իրենց յատուկ անմեղ ու
 ճշմարիտ կերպով են խօսում ու դատում ամեն բանի մասին: Աջ-
 լալ կլինի, եթէ անկարգ և հարբան գիւղացուն մենք միշտ երե-
 ւակայեանք իբրեւ անհասկացող եւ լուրջ իրերի մասին բոլորովին
 չմտածող մարդ: Նա այդպէս է միայն այն ժամանակ, երբ իսկա-
 պէս չափազանց շատ է խմել: Այժմ նրանք դեռ այդ աստիճա-
 նին չէին հասել:

մտածի թէ ինչպէս պէտք է անեմ, որ անտառս շատ լաւ պահպանեմ. սակայն իմ աղբի տակառների մասին միշտ մըտածում եմ, որովհետեւ դրանք են իմ անսնունդ մարգագետինները պարարտացնում: Այդպիսով ամեն բան լաւ կլինէր, եթէ իւրաքանչիւրն իր գործի մասին մտածէր: Կարելի է միշտ բաւականին շուտով շատ բան սովորել, եթէ իմանանք ճիշտ սովորելու կերպն ու ճշմարիտ գիտենալն անկարելի է, եթէ մերոնց ներկայութեամբ և գործից չսկսենք: Այս եղանակով իմանալը կարգի է ընկնում մեր գլխում և հարկաւ եթէ այդպէս սկսենք՝ կեանքի մէջ աւելի կյառաջադիմենք: Բայց պարապ զրուցատրութիւնների և՛ օրացոյցի պատմութիւնների միջոցին կամ թէ ամպերի և լուսնի մասին տեսած երազներից խօսելով՝ կարելի չէ անբարոյական դառնալուց աւելի բան սովորել:

Ընդի: Այդ ուսումնարանումն է սկսւում:

Այս ամբողջ խօսակցութեան ժամանակ տանուտէրը կանգնած էր վառարանի մօտ, տաքանում էր, հազիւ էր լսում նրանց ասածները և համարեա՛ թէ չէր մասնակցում նրանց զրուցատրութեանը: Այդ դրութեան մէջ նա մինչև անգամ մոռացաւ գինին. այդ էր պատճառը, որ Էբիի և օտարականի խօսակցութիւնն այդչափ երկար տևեց: Գուցէ և չէր կամենում խօսել, մինչև որ օտարականը դատարկեց իր բաժակը և դուրս գնաց: Ցանուտէրն սկսեց վերջապէս և անգիր արածի պէս ասաց, «Քահանան միշտ միևնոյնն է կրկնում» իբրև թէ աղքատներին ճնշում են: Եթէ ոչ ոք չանէ այն, ինչ որ նա հասկանում է աղքատին ճնշել ասելով, այն ժամանակ—սատանան տանէ ինձ, եթէ այդպէս չէ—աշխարհումս ո՛չ մի աղքատ չէր լինի: Բայց որ կողմն որ նայում եմ, իշխաններից սկսած մինչև գիշերապահը, պետական առաջին պալատից սկսած մինչև վերջին գիւղի համայնքը, իւրաքանչիւրն իր օգուտն է որոնում և այդ բանին արգելք եղողին ճնշում: Առաջուայ քահանան հէնց ինքը գինետուն ունէր, իսկ ցորեն, հաճար և խոտն էլ ինձ պէս արժան էր վերցնում: Աշխարհումս ամեն բան ճնշում է իրենից ստորին. ես էլ ճնշւում եմ: Ով մի բան ունի կամ մի բանի տէր է ուղղւում դառնալ՝ կամ պէտք է ճնշէ, կամ իր ունեցածն ուրիշներին ընծայէ և ինքը մուրացկա-

Նիւթեր դպրոցական պատմութեան համար .	329
Երկու հատուած մեր հին մատենագրութիւնից .	333
Ս. Նազարեանի նամակներ	336

ԱՅԼ ԵՒ ԱՅԼՔ

Մի նոր հոսանք	340
+ Յովհաննէս Խաչումեան	342
Կրթութիւն (գերմաներէնից)	345
Ս. Պատարագի արարողութիւնը ըստ պ. Մ. Երմալեանի. ԱՐՄՈԳ.	361
Րեօնագէնի Գիւտը. Ա. ՍՊԱՐԱՊԵՏԵԱՆ.	363
Պետաւրոցցու 150 ամեակը	371
Ժամուցումներ	372
Ստացուած գրքեր	373

ՅԱՒԵԼՈՒՄԺ

Լինհարդ եւ Գերտրուդ. Պետաւրոցցու. գերմ. Թարգմ. ԻՍ. ՅԱՐՈՒԹԻՒՆԵԱՆՅ	1—128
---	-------

ՅԱՅՏԱՐԱՐՈՒԹԻՒՆՆԵՐ

Լ ՈՒՄԱՅ

Գ Ր Ա Կ Ա Ն Հ Ա Ն Դ Է Ս

(ԵՐԿՐՈՐԴ ՏԱՐԻ)

1897-ին ԿԸ հրատարակուի տարեկան երկու գիրք:

Առաջին գիրքը տյա է տնտեսւոյ յոսնոսարի 1-ին, իսկ
երկրորդը՝ յուլիսի 1-ին:

«ԼՈՒՄԱՅ» հանդիսի բաժանորդագիրնն է 3 ռ.
Իւրաքանչիւր գիրքն առանձին արժէ 2 ռուբլի:

Հասցէն՝ Тифлисъ, св. Гюты Аганъянычъ

